

**ՔՈՒՐԶ-ԻՐԱՆԱԿԱՆ ՀԱՐԱՔԵՐՈՒԹՅՈՒՆՆԵՐԸ XIX ԴԱՐԻ ԱՌԱՋԻՆ
ԵՐԵՄՆԱՄՅԱԿԻՆ ԵՎ ՄԵԾ ՏԵՐՈՒԹՅՈՒՆՆԵՐԸ**

XVI—XVII դարերի թուրք-իրանական համարյա անընդմեջ պատերազմները, որոնք մղվում էին Մերձավոր արևելքում քաղաքական և տնտեսական գերակշռություն ձեռք բերելու համար, շարունակվեցին նաև XVIII դարում։ Սակայն այս դարաշրջանում մղված պատերազմների ընթացքում ևս ախոռյաններից ոչ մեկին չհաջողվեց հասնել քաղաքական առավելության և, մանավանդ, տարածքային ընդարձակում ձեռք բերել մյուսի հաշվին։ 1639 թ. Ջոհարի պայմանագրով նախատեսված սահմանները մնացին անփոփոխ, բացառությամբ Արարատից մինչև Շաթթ օլ Արաբ գետն ընկած հսկայական տարածքի առանձին հատվածների, որոնք մինչև XX դարի սկիզբը վեճի առարկա էին հանդիսանում երկու պետությունների միջև, ժամանակ առ ժամանակ պատճառ հանդիսանալով արյունոտ բախումների և մեծ ու փոքր պատերազմների համար։

XVIII դարի երկրորդ կեսին նկատվում է Օսմանյան կայսրության ռազմական էքսպանսիայի թուլացում իր արևելյան հարևանի նկատմամբ։ Դրա պատճառները, անշուշտ, պետք է փնտրել այդ հսկա ռազմավատական պետության ռազմական, տնտեսական և քաղաքական թուլացման մեջ, որի առաջին նշանները ի հայտ էին եկել դեռևս XVI—XVII դարերում։

Վիեննայի տակ օսմանյան բանակի ջախջախումից հետո, ըստ թուրքական բուրժուական պատմաբանների, սկսվում է Թուրքիայի պատմության նոր էտապը, այսպես կոչված «նահանջի շրջանը» (րիջաթ դերի)¹, որի բնորոշ գիծը հենց օսմանյան ռազմական էքսպանսիայի դադարեցումն է Եվրոպայում։

¹ „Tarîh“, c. III, Istambul, 1933, s. 253.

Վիեննայի մոտ պարտությունն, անշուշտ, պատահական չէր, այն ուներ իր ներքին, խորը պատճառները: Այդ առթիվ Կ. Մարքսը նշում է, որ «...Բացարձակապես ոչ մի հիմք չկա համարելու, որ Թուրքիայի անկումը սկսվեց այն պահից, երբ Սոբեսսկին օգնություն ցույց տվեց տված-տրիական մայրաքաղաքին... Թուրքական կայսրության կազմակերպությունը այն ժամանակ գտնվում էր քայքայման վիճակում ...մինչ այդ արդեն... արագորեն գալիս է օտտոմանյան հզորության և մեծության դարաշրջանի վերջը»²:

Հսկայական կայսրության տարածքում ավելի ու ավելի ուժգին կերպով են սկսում դրսևորվել կենտրոնախույս ձգտումները: Եգիպտոսը գտնվում էր մամլուկյան ֆեոդալների ձեռքերում: XVII—XVIII դարերի սահմանագիծը նշանավորվում է հակաթուրքական ուժեղ ապստամբություններով՝ Իրաքում, Լիբանանում, Հեջազում: 1706 թ. Իրանը փորձեր է կատարում խրախուսել հարավային Իրաքի արաբական ցեղերի՝ հակակառավարական շարժումները³:

Օսմանյան կայսրության ներքին անկայունությունը, ֆեոդալների անշատվողական ձգտումները, յանիշարիների մշտական խռովությունները, ժողովրդական հուզումները, բազմաթիվ պատերազմների հետևանքով համատարած քայքայումը, կայսրության տնտեսական և ֆինանսական ճգնաժամը, ճնշված ժողովուրդների ազատագրական պայքարը, XVII դարի երկրորդ կեսին համարյա անընդմեջ մղված պատերազմներում ռազմական պարտությունները և դրանց հետևանքով տերիտորիաների կորուստը, ինչպես նաև մի շարք այլ հանգամանքներ ունեցան այն հետևանքը, որ Թուրքիայի արտաքին քաղաքականության մեջ նշմարվեցին նոր գծեր: Ֆ. էնգելսի արտահայտությամբ XVII դարի վերջին՝ «թուրքների հարձակողական ուժը կոտրվել էր»⁴: Սուլթանների մշտական ագրեսիվությունը և հարձակողական ոգուն մերթ ընդ մերթ փոխարինելու է գալիս սպասողական գիրքը: Թուրքական արտաքին քաղաքականության մեջ դրսևորվում է ավելի շատ ճկունություն. ոչ միշտ է, որ կառավարող շրջաններն աշխատում են իրենց առջև դրված խնդիրները լուծել բացառապես զենքի օգնությամբ: Նոր պայմաններում ավելի ու ավելի չաճախակի գիմում են հարցերի լուծման դիվանագիտական ճա-

² К. Маркс и Ф. Энгельс, Соч., т. 10, изд. 2, стр. 262.

³ Центральныи Государственный Архив Древних Актов (ЦГАДА), Сношения с Турцией. ф. 89. 1706 г., д. 3, л. 66.

⁴ К. Маркс и Ф. Энгельс, Соч., т. 22, изд. 2, стр. 17.

նապարհին և, ամենակարևորը, աշխատում են խուսանալով եվրոպական պետությունների միջև և խաղալ նրանց հակասությունների վրա: Ի դեպ, այդ մասին ուշագրավ դիտումներ է անում Կոստանդնուպոլսում ռուսական դեսպան Պ. Ա. Տոլստոյը⁵:

Ժամանակակից թուրք պատմագրությունը XVIII դարի սկզբի Օսմանյան կայսրության արտաքին քաղաքականությունը բնութագրում է որպես «չեզոքության» քաղաքականություն (tarafsizlik)⁶: Իսկապես, XVIII դարի առաջին տասնամյակի ընթացքում Օսմանյան կայսրությունը սկսում է վարել համեմատաբար «խաղաղասիրական» քաղաքականություն, և դա այն դեպքում, երբ եվրոպական տերությունները զբաղված էին համաեվրոպական բնույթի այնպիսի պատերազմներով, ինչպիսիք էին իսպանական ժառանգության համար մղվող պատերազմը, Հյուսիսային պատերազմը և այլն, որոնց պայմաններում միջազգային իրադրությունը, անտարակույս, նպաստում էր թուրքական ռազմական էքսպանսիայի ժալալմանը եվրոպայում: Սակայն բնութագրելով այդ ժամանակաշրջանի թուրքական արտաքին քաղաքականությունը, պետք է հաշվի առնել, որ Օսմանյան կայսրության «խաղաղասիրությունը» կրում էր հարաբերական և ստիպողական բնույթ⁷: Այդ առթիվ Դ. Կանտեմիրը, որը բազմաթիվ տարիներ ապրել է սուլթանական պալատում և քաջատեղյակ էր Թուրքիայի արտաքին քաղաքականությանը, մեծ վեզիր Չորլուու Ալի փաշայի քաղաքական գիծը բնութագրում է հետևյալ կերպ. «...նա երազում էր նվաճումների մասին, սակայն չէր ցանկանում երկիրը ենթարկել վտանգի և շատ բան կորցնել, հույս ունենալով ձեռք բերել միայն նվազագույնը»⁸:

Այդ նույն միտքը Պետրոս I-ին գրած նամակում ավելի պատկերավոր ձևակերպում է ստանում Նրուսաղեմի պատրիարքի կողմից. «Թուրքերը ձեր աղքատ են, ասում են՝ իրենք խաղաղասեր են»:

⁵ ЦГАДА, Сношение с Турцией, ф. 89, 1703 г., д. 2, л. 252.

⁶ A. N. Kurat, 18 yüzyıl başı Avrupa umumî harbinde Türkiyenin tarafsizliği, „Belleten“, 1943, с. 8, s. 26.

⁷ С. Ф. Орешкова, Русско-турецкие отношения в начале XVIII в. (Диссерт. на соиск. уч. степ. канд. историч. наук), М., 1965, стр. 123.

⁸ D. Gantemir, Histoire de l'Empire Ottoman, t. 2, Paris, 1743, liv. IV, p. 314.

⁹ Н. Ф. Кантрев, Иерусалимский патриарх Досифей в его сношениях с русским правительством (1669—1707). «Чтения в императорском обществе истории и древностей российских при Московском университете», к. 2, М., 1891, стр. 49.

խաղաղ հարաբերություններ պահպանելով սոցիալ-տնտեսական, ռազմական և մշակութային զարգացման մակարդակով Թուրքիայից առաջ անցած եվրոպական պետությունների հետ, Օսմանյան կայսրությունը, որին Կ. Մարքսը անվանել է «...Միջնադարի միակ իսկական ռազմական տերությունը»¹⁰, ընդհանրապես բնավ չէր հրաժարվում զավթողական սլատերազմներից։ Ռազմաշունչ տրամադրություններ ունեցող Թուրքական ռազմաավատական ազնվականությունը, որը ռազմական արհեստը դիտում էր որպես իր գոյության հիմնական աղբյուր, շաբոնակում էր երկիրը մղել Օսմանյան կայսրության համար ավանդական ագրեսիվ քաղաքականության հունով։

Թուրքական կառավարող շրջանները նվիրույթով տերիտորիալ նվաճումներ կատարելու անհնարինությունը աշխատում են փոխհատուցել ասիական մայրցամաքում պատերազմներ մղելով, մասնավորապես աշխատելով տարածքային առավելություններ ձեռք բերել և ծավալվել հարևան Իրանի հաշվին։

Այս իսկ տեսակետից չափազանց հատկանշական է Պետրոս I-ին ուղղված սուլթան Ահմադ III-ի՝ 1708 թ. թվակիր հրովարտակը¹¹, որտեղ նա խնդրում է ռուսական կայսրին օգնություն ցույց տալ Թուրքերին՝ Իրանի դեմ իրենց կողմից ծրագրված պատերազմում, փոխարենը խոստանալով օգնել ռուսներին՝ լեհերի դեմ պայքարում։

Միանգամայն ակներև է, որ XVIII դարի 20-ական թվականներին Սեֆյան պետության ճգնաժամը նպաստել էր Թուրքիայում ագրեսիվ ծրագրերի վերակենդանացմանը՝ Իրանի և Անդրկովկասի նկատմամբ։ Օսմանյան պաշտոնական տարեգիր Քյուչուկ Չելեբիզադեն վկայում է, որ 1722 թ. Դիվանի նիստերից մեկի ժամանակ որոշում է ընդունվում Իրանի նկատմամբ աֆղանների հաղթանակի դեպքում «աստվածապահ» պետությանը միացնել բոլոր այն երկրները, որոնք կմնան առանց տիրոջ»¹²։

¹⁰ К. Маркс и Ф. Энгельс, Соч., т. 22, изд. 2-е, стр. 20.

¹¹ ЦГАДА. Сношения с Турцией, ф. 89, оп. 2, д. 78. Ակներև է, որ այս փաստաթուղթը ուղարկված է Ալտառնշտադի հաշտության (1707 թ.) կնքումից հետո, երբ լուրեր էին տարածվել Ռուսաստանի թշնամի Ստանիսլավ Լեշչինսկու ռազմական լեհաստանի թաղավոր պաշտոնապետ ճանաչվելու մասին։

¹² «۱۶۸۳ تاریخ اسمعیل عاصم افندی الشیمیر بتوجت چنبی زاد استانبول»
ص ۷۲

Խախտելով 1639թ. Թուրք-իրանական պայմանագիրը. 1723 թ. Թուրքական զորքերը ներխուժում են Անդրկովկաս և Իրան¹³, դրանով իսկ գործնական իրականացում տալով օսմանյան կառավարող շրջանների վերոհիշյալ ծրագրերին: 1727 թ. Իրանի աֆղանական տիրակալ Ալլաաֆի հետ կնքած պայմանագրով Թուրքիան արևմտյան և հյուսիս-արևմտյան Իրանում նվաճում է զգալի տերիտորիաներ¹⁴:

Թուրք-իրանական պատերազմները բուռն թափով շարունակվում են նաև Իրանում նադիր շահի տիրապետության տարիներին (1736—1747 թթ.)¹⁵:

XVIII դարի առաջին կեսին Թուրքիայի ռազմական էքսպանսիան դեպի Իրան և Անդրկովկաս հանդիպեց Ռուսաստանի հակազդեցությանը: Հայտնի է, որ Պետրոս I-ի պարսկական արշավանքը նպատակ ուներ արգելակել Թուրքիայի ելքը դեպի Կասպից ծով: Այդ նույն շրջանում Ռուսաստանն իր առջև պատմական կարևոր խնդիր էր դրել. Սև ծովի առափնյա շրջանները ազատագրելու թաթարա-թուրքական կախումից և հարավում ելք ստանալ դեպի ծովը¹⁶: Պետրոս I-ի ազդվյան արշավանքները (1695—1696 թթ.) հետապնդում էին հենց այդ նպատակները:

Այսուհետև ոչ միայն Անդրկովկասում, այլև Մերձավոր և Միջին արևելքում Ռուսաստանի և Օսմանյան կայսրության շահերը անմիջական բախման մեջ էին մտնում:

XVIII դարի երկրորդ կեսին ռուսական զենքի հաջողությունները Թուրքիայի նկատմամբ, և Ռուսական կայսրության ժավալումը դեպի հարավ ունեցավ այն հետևանքը, որ այդ ժամանակվանից սկսած Մերձավոր և Միջին արևելքի խնդիրները վեճի առարկա էին դառնալու, արդեն, երեք պետությունների՝ Ռուսաստանի, Թուրքիայի և Իրանի միջև: Իսկ երբ այդ պայքարի մեջ ընդգրկվեցին նաև Արևելքում Ռուսաստանի մրցակիցներ և քաղաքական ախոյաններ Անգլիան և Ֆրանսիան, Թուրք-իրանական դարավոր հակամարտությունը անխուսափելիորեն պետք է ընդուներ սկզբունքային նոր բովանդակություն, որովհետև շո-

¹³ Rouhollah K. Ramazani, The foreign policy of Iran. A developing nation in World affairs 1500—1941, Charlottesville, 1966, p. 22.

¹⁴ Նույն տեղում:

¹⁵ Hekmat, Mohammad-Ali, Essai sur l'histoire des relations politiques irano-ottomanes de 1722—1747, Paris, 1937; L. Lockart, Nadir Shah. London, 1938.

¹⁶ История дипломатии, т. I, изд. 2-е, М., 1959, стр. 293.

շահելով եվրոպական պետութիւնների շահերը Մերձավոր և Միջին-արեւելքում, այդ պայքարը այսուհետեւ դադարում էր լինել միայն հարեւան մարտնչող տերութիւնների գործը:

XVIII դարի վերջին Մերձավոր արեւելքում Անգլիայի և Ֆրանսիայի քաղաքականութեան ակտիվացման պայմաններում, Թուրքիայի և Իրանի նկատմամբ վերաբերմունքի հարցում, մասնավորապէս Թուրք-իրանական հարաբերութիւնների կապակցութեամբ, լոնդոնում և Փարիզում մշակվում են քաղաքական ծրագրեր, որոնք իրենց վերջնական նպատակներով հար և նման էին միմյանց: Այդ ծրագրերի էութունը կայանում է նրանում, որ երկու հարեւան պետութիւններին՝ Թուրքիային և Իրանին, առանձին-առանձին կամ համատեղ ոտքի հանել Ռուսաստանի դեմ: Երկարատեւ ժամանակների համար մշակված քաղաքական այս-ծրագիրը միանգամայն համընկնում էր Թուրքիայի և Իրանի կառավարող շրջանների շահերին, որոնք գիտակցելով, որ մեն-մենակ ի վիճակի չեն ռազմական առումով չափվելու հզոր Ռուսաստանի հետ, ի դեմս-մեկը մյուսի փնտրում էին դաշնակիցներ:

Այսպիսով, Թուրք-իրանական հակամարտութիւնը և փոխադարձ տարաժգարին հակակնութիւնների խնդիրը որոշ առումով մղվում է ետին պլան, թեւ, ինչպէս կտեսնենք ստորեւ, ժամանակ առ ժամանակ այն կրկին ձեռք է բերում սրութիւն, տեղիք տալով տեղական բնույթի ռազմական ընդհարումների և նույնիսկ խոշոր մասշտաբի պատերազմների:

Դեռեւ 1793 թ., երբ Իրանում դեռ չէր ավարտվել իշխանութեան համար մղվող միջֆեոդալական պայքարը զաւարների և զենդերի միջեւ, Աղա Մոհամմադ խանը ծրագրում էր արշավանքի դուրս գալ դեպի Անդրկովկաս՝ այնտեղ ծավալված Ռուսաստանին միանալու շարժումը շախշախելու համար: Նրա այդ ծրագիրը անմիջապէս հակառակութեան է արժանանում Թուրքիայի կողմից: Ավելին, վերջինս սկսում է հրահրել զաւարների առաջնորդին արագացնել այդ արշավանքը, որովհետեւ Կոստանդնուպոլսին հայտնի էր դարձել, որ Աղա Մոհամմադի հակառակողներէր մեկը՝ Ալի Մուրադ խանը, ձգտում է Ռուսաստանի հետ դաշինք կնքել զաւարների և Թուրքիայի դեմ: Այդ առթիւ Կոստանդնուպոլսում Ռուսաստանի գործերի հավատարմատար Ա. Խվոստովը 1793 թ. հոկտեմբերի 20-ին հաղորդում է. «Բ. Դռան անուեից Բաղդադի փաշան Պարսկաստան է ուղարկել Թուրքաշի Բաշին՝ Աղա Մոհամմադ խանին ջնորհավորելու նրա հաղթանակների առթիւ և հայտնելու, որ Բ. Դուռը նրան չի ճանաչի Պարսկաստանի տիրակալ, քանի դեռ նա իր իշխանու-

թյանը չի ենթարկել Վրաստանը: Այդ գործին նպաստելու համար, ելնելով բարեկամության պարտականություններից, Բ. Դուռը պատրաստ է Պարսկաստանին հատկացնել դրամ և թնդանոթներ»¹⁷:

Իր հերթին, Ֆրանսիան նույնպես, Ռուսաստանի մասնակցությունը հվրոպական պետությունների հակաֆրանսիական կռալիցիային կանխելու համար, աշխատում էր իրանա-ռուսական պատերազմ հրահրել: Այդ նպատակով Իրանում գործող ֆրանսիական գործակալները ամեն կերպ բորբոքում էին Աղա Մոհամմադ խանի զավթողական նկրտումները Կովկասի նկատմամբ¹⁸:

Այս սադրանքները, անտարակույս, արագացրին դեպքերի ընթացքը, և ինչպես հայտնի է, 1795 թ. գարնանը Աղա Մոհամմադ խանը շարժվեց դեպի Վրաստան, ահավոր ավերածության և կողոպուտի ենթարկելով այդ երկիրը:

Սակայն քանի որ նրա հրոսակների անլուր զազանությունները ուժեղացնում են Վրաստանի կողնորոշումը դեպի Ռուսաստան, ղաջարների առաջնորդը որոշում է կազմակերպել երկրորդ պատժիչ արշավանքը: Այդ ծրագիրը կրկին խրախուսանքի է արժանանում օսմանյան կառավարող շրջանների կողմից: Վկայելով այդ մասին, Կոստանդնուպոլսում ռուսական դեսպանորդը 1796 թ. հունիսին հաղորդում է. «Բ. Դուռը իսկապես կապեր ունի Աղա Մոհամմադ խանի հետ»¹⁹: Մեկ այլ տեղեկության համաձայն սուլթանի հրամանով սերասկեր Յուսուֆ փաշան Աղա Մոհամմադ խանի Անդրկովկաս կատարելիք արշավանքի համար օգնություն էր նախապատրաստում²⁰:

Ֆրանսիան, իր հերթին, աշխատում է Կովկասում խոշոր պատերազմ բորբոքել մի կողմից Ռուսաստանի, մյուս կողմից՝ Իրանի և Թուրքիայի միջև: Ֆրանսիական դիվանագետների անմիջական մասնակցությամբ Թուրքերի և պարսիկների միջև աշխույժ բանակցություններ էին տեղի ունենում Ռուսաստանի դեմ դաշնակցելու և Կովկասում համատեղ գործողություններ վարելու վերաբերյալ²¹: 1795—1797 թթ. դիրեկտո-

¹⁷ Архив Внешней Политики России (АВПР), ф. «Сношения с Турцией 1793—1794 гг.», д. 77, лл. 199—200.

¹⁸ АВПР, ф. «Сношения с Персией 1795 г.», д. 810, лл. 9—10.

¹⁹ АВПР, ф. «Сношения с Турцией 1796 г.», д. 831, л. 1 об., д. 828. л. 103.

²⁰ П. Г. Бутков, Материалы для новой истории Кавказа с 1722 по 1803 гг., ч. I—III, СПб., 1869, стр. 404—405.

²¹ См. А. Р. Иоаннисян, Присоединение Закавказья к России и международные отношения в начале XIX столетия, Ереван, 1958, стр. 11—21.

րիայի հանձնարարութեամբ Իրան ուղարկված ֆրանսիական դեսպա-
նութիւնը Օլիվիեյի և Բրյուգերի գլխավորութեամբ հետապնդում է հենց
այդ նպատակները²³:

1801 թ. ֆրանսիական կառավարութեան հատուկ առաքելութեամբ
Կոստանդնուպոլիս ժամանած գնդապետ Սեբաստիանին հանձնարարու-
թիւն ունեւոր նաև վերականգնել կապերը Իրանի հետ և նպաստել շահի
և սուլթանի մերձեցմանը: Այդ առթիւ Կովկասում ռուսական գլխավոր
հրամանատարին ուղղված 1802 թ. սեպտեմբերի 26-ի ցարական կա-
ռավարութեան հրահանգում նշվում է. «Բոլոր տեղեկութիւնների համա-
ձայն Բ. Դոտը կարծես թէ չափազանց քիչ էր զբաղվում պարսկական
գործերով, ինչպես նաև Վրաստանում մեր գործերի ընթացքով... Այժմ
թուրքական միևնույնութիւնը ֆրանսիական կառավարութեան հրահու-
մով սկսել է ավելի շատ հետաքրքրվել այդ հարցերով: Հայտնի է, որ
առաջին կոնսուլը կարգադրել է ճանապարհորդի անվան տակ Վրաստան
և Պարսկաստան ուղարկել մի էմիսարի՝ ոմն գնդապետ Սեբաստիանիի,
որն իր ճանապարհորդութիւնը պետք է սկսի Կոստանդնուպոլսից»²⁴:

Ռուսական իշխանութիւնների տեղեկութիւնների համաձայն սուլ-
թանը դիմել էր Բաբա խանին (Ֆաթհ Ալի շահին—Վ. Բ.) հատուկ ուղեր-
ձով, որտեղ նա Ռուսաստանի դեմ արշավանքի յուրաքանչյուր մասնակ-
ցի խոստանում էր սահմանել ռոճիկ «օրը մեկ ղուրուշի» չափով²⁵:

Ռուս-իրանական պատերազմի նախօրյակին նապոլեոնի մեջ ավելի
ու ավելի էր հասունանում Ռուսաստանի դեմ ֆրանս-իրանա-թուրքա-
կան ռազմական դաշինք ստեղծելու մտահղացումը, որը ենթադրվում
էր օգտագործել նաև Մերձավոր արևելքում Ֆրանսիայի մեկ այլ ախո-
յանի՝ Անգլիայի դեմ: Այդ նպատակով 1803 թ. ֆրանսիական դիվա-
նագիտութիւնը Կոստանդնուպոլսում և Թեհրանում սկսում է շոշափել
թուրքական և իրանական կառավարութիւնների տեսակետը²⁶:

1804 թ. ռուս-իրանական առաջին պատերազմը սկսվելուց հետո
նման դաշինքի ստեղծումը ֆրանսիական կառավարութեան տեսակետից
դառնում է ավելի ուշադր: Սակայն Թուրքիայի և Իրանի միջև հարաբե-
րութիւնների անակնկալ սրումը ի չիք է դարձնում ֆրանսիական կա-

²³ St. G. A. Olivier, Voyage dans l'Empire Ottoman, l'Egypte et la Perse, T. 3, Paris, 1807; The Dynasty of the Kajars, London, 1833, p. 274. »

²⁴ Акты, собранные Кавказской археографической комиссией (АКАК), т. 2, стр. 9.

²⁵ АКАК, т. 2, ч. II, стр. 288, 406—407.

²⁶ АКАК, т. 2, стр. 874—875, 886; т. 3, стр. 524.

ռավարության ձգտումը շուտափույթ կերպով զլուխ բերելու այդ գործը։ Կոնֆլիկտը նախ բորբոքվեց Բաղդադի փաշալիքի մեջ մտնող Սոլեյմանիե շրջանի համար, որը վաղուց ի վեր կռվախնձոր էր հանդիսանում Թուրքիայի և Իրանի միջև։ 1805 թ. Սոլեյմանիեի Բաբան ցեղի աշիրեթապետ Աբդուրրահման փաշան բացահայտ կերպով ապստամբեց սուլթանի դեմ և ոչնչացրեց նրա զորամասերը։ Սակայն թուրքական բանակի ճնշման ներքո նա ստիպված եղավ փախչել Իրան և դիմել Ֆաթհ Ալի շահի օգնությանը²⁶։ Զբաղված լինելով Ռուսաստանի հետ պատերազմով, շահը որոշեց ռազմական գործողություններ չսկսել Թուրքիայի դեմ, սահմանափակվելով լոկ Իրաքի փոխարքա Հաֆեզ Ալի փաշայի մոտ միջնորդությամբ, որպեսզի վերջինս դադարեցնի իր հալածանքները Աբդուրրահմանի դեմ²⁷։ Միևնույն ժամանակ վախենալով Թուրքիայի անակնկալ հարձակումից, շահը միջոցառումներ ձեռնարկեց իր արևմտյան սահմանը պաշտպանելու համար։ Ի վերջո տեղական բնույթի այս կոնֆլիկտը վերածվեց երկու երկրների միջև բացահայտ ռազմական բախման²⁸։ Շահի ավագ որդի, Քերմանշահի կառավարիչ Մոհամմադ Ալի միրզան և Հաֆեզ Ալի փաշան ռազմական գործողություններ ծավալեցին միմյանց դեմ։

Երկու պետությունների բազում հակասությունները, որոնք միաժամանակ խորք էին անցել, կրկին բարձրացան մակերես։ Նրանց փոխհարաբերություններում հատկապես հատուկ սրություն ձեռք բերեց քրդական հարցը։ XIX դ. սկզբից Օսմանյան կայսրությունը ձեռնամուխ է լինում քրդական անկախ և կիսանկախ իշխանությունները հնազանդեցնելու և իր իշխանության տակ պահելու քաղաքականությամբ, որի հետևանքով գնալով հաճախակի են դառնում քրդական ըմբոստությունները։ Հանուն իր քաղաքական շահերի, Իրանը ստանձնում է քրդական շարժումների հովանավորի դերը²⁹։ Ի դեպ, Իրանն աշխատում

²⁶ C. J. Rich, Narrative of a Residence in Koordistan, London, 1836, vol. I, p. 384.

²⁷ R. G. Watson, A history of Persia from the beginning of the XIX century to the year 1858, London, 1866, p. 155.

²⁸ Այդ մասին տե՛ս J. M. Kinnelr, Mémoires Géographiques sur l'Empire de Perse. Trad. de l'anglais par le Colonel G. Drouville, St. Pétersbourg, 1827, T. II, p. 58—60; A. Адамов, Ирак Арабский. Бассорский вилайет в его прошлом и настоящем, СПб., 1912, стр. 401—405.

²⁹ Կ. Մաունթի, Քուրդ աղվալին շարժումները և հայ-քրդական հարաբերությունները, Բեյրութ, 1969, էջ 82—84։

է օգտվել նաև հարեան արաբական երկրներում ժափալված վահաբիթ-
ների շարժումից՝ օսմանյան տիրապետութեան տակ գտնվող Պարսից
ծոցի արաբական շրջաններէ, ինչպես նաև իրաքի նկատմամբ իր տե-
րիտորիալ հավակնութիւններին հագուրդ տալու համար³⁰: 1806 թ.
սկզբին, երբ ռուս-թուրքական հարաբերութիւնները կրկին սկսեցին
սրվել, Պետերբուրգի դիվանագիտական շրջաններում միտք հղացաւ
օգտվել թուրք-իրանական հարաբերութիւնների սրումից, դադարեցնել
պատերազմը իրանի դեմ և դաշնակցել նրա հետ՝ ընդդեմ թուրքիայի:
Այդ առթիւ Ռուսաստանի արտաքին գործերի մինիստր Բուդաբերգը
կովկասում ռուսական գլխավոր հրամանատար Գուդովիչին գրում է.
«...նս պետք է հայտնեմ Ձեզ, որ ներկա հանգամանքներում հաշտու-
թիւնը Բաբա խանի հետ խիստ անհրաժեշտ է Օստոմանյան Դուռն դեմ
պատերազմի ժամանակ ազատ ձեռքեր ունենալու համար, որպեսզի
հնարավորութեան դեպքում պարսիկներին հանենք թուրքերի դեմ»³¹:
Բանակցութիւններ վարելու գործը հեշտանում էր նրանով, որ 1806 թ.
սեպտեմբերին Գիլանի նահանգի խան Միրզա Մուսան իր հավատար-
մատարի միջոցով ռուսներին հղել էր մի նամակ, որտեղ առաջարկում
էր Ռուսաստանի ներկայացուցչին ուղարկել Թեհրան՝ հաշտութեան բա-
նակցութիւններ սկսելու համար: Ի պատասխան դրա, Գուդովիչը Պե-
տերբուրգից հրահանգ ստացաւ հաշտութիւն կնքել իրանի հետ³²: Սա-
կայն ռուսական ներկայացուցչի բանակցութիւնները Թեհրանում ոչ մի
արդունք չտվեցին, որովհետև շահական կառավարութիւնը պահանջեց
ողջ Անդրկովկասը և Դաղստանը: Ակադեմիկոս Ա. Ռ. Հովհաննիսյանը
իրավացիորեն նշում է, որ «պարսիկները ոչ մի զիջման չէին գնում,
քանի որ հույս ունեին օգնութիւն ստանալ թուրքերից և ֆրանսիացի-
ներից»³³:

Շահական արքունիքի այդ հույսերը հիմնվում էին հետևյալ փաս-
տերի վրա: Դեռևս 1805 թ. իրան էին ժամանել նապոլեոն Բոնապարտի
լիազորներ Ռոմյեն և Ժոբերը, որոնք խրախուսելով շահին շարունակելու
պատերազմը Ռուսաստանի դեմ, միևնույն ժամանակ առաջարկում էին
դաշինք կնքել Ֆրանսիայի հետ³⁴: Իսկ 1806 թ. վերջին սկսվել էր ռուս-

³⁰ Տե՛ս L. A. Histoire des Wahabis, Paris, 1810, p.p. 96—98, 109.

³¹ АКАК, т. 3, стр. 424.

³² Նույն տեղում, էջ 420—421:

³³ А. Р. Иоаннисян, *История*, т. 2, кн. 1, էջ 177:

³⁴ АКАК, т. 2, стр. 883—887, 1033—1035; т. 3, стр. 416—418. Այդ մասին
մանրամասն տե՛ս P. A. Jaubert, Voyage en Arménie et la Perse, Paris, 1821;
E. Driault, La politique orientale de Napoleon, I, Paris, 1904, pp. 172—177.

Թուրքական պատերազմը, որի պայմաններում Օսմանյան կայսրությունը պետք է շահագրգռվածություն դրսևորեր ոչ միայն զիջումներ անելու Իրանի հետ կոնֆլիկտը հարթելու գործում, այլև օգնություն ցույց տալու նրան ընդհանուր թշնամու՝ Ռուսաստանի դեմ մղվող պայքարում։ Դեռևս մինչև ռուս-թուրքական պատերազմի սկսվելը ֆրանսիացիների միջնորդությամբ Թուրքիայի և Իրանի միջև տեղի էին ունենում անընդմեջ բանակցություններ դաշինք կնքելու վերաբերյալ³⁵։ Այդ առթիվ 1806 թ. սեպտեմբերի 7-ի հաղորդագրությունում ռուսական դիտորդներից մեկը գրում է. «Օգոստոսի 2-ին երկու ֆրանսիական և երկու թուրքական էմիսարներ մեկնել են շահի մոտ։ Նրանց արգելված է շփման մեջ մտնել որևիցե մեկի հետ», «օգոստոսի 7-ին շահի կողմից էրզրում են ժամանել 30 մարզ և նրանց հետ երկու ֆրանսիական էմիսարներ», որոնք հանդիպում են ունեցել Անատոլիայում թուրքական գերագույն հրամանատար Յուսուֆ փաշայի հետ³⁶։

Այս շրջանում Նապոլեոնը Արևելքում Ֆրանսիայի քաղաքականության անկյունաքարն էր համարում իր փայփայած «Եռյակ դաշինքը իր, Բ. Դուան և Պարսկաստանի միջև ընդդեմ Ռուսաստանի»³⁷։ Պատահական չէ, որ 1807 թ. գարնանը նա փորձում է գործնականորեն իրականացնել այդ գաղափարը, որպես առաջին քայլ իր վրա վերցնելով միջնորդի դերը՝ Թուրքիային և Իրանին հաշտեցնելու և նրանց միջև առկա կոնֆլիկտը հարթելու գործում։ 1807 թ. ապրիլի 3-ին ֆրանսիական կայսրը դիմում է սուլթան Սելիմ III-ին, առաջարկելով համաձայնության գալ Ֆաթհ Ալի շահի հետ և դրանով իսկ հնարավոր դարձնել Թուրքիայի և Իրանի համատեղ ելույթը ընդհանուր թշնամու դեմ։ Միաժամանակ նա հայտնում է շահին իր շահագրգռվածությունը երկու երկրների միջև բարեկամություն հաստատվելու հարցում և խնդրում է, որ նրանք վերջ տան իրենց վեճերին և միավորվեն՝ համատեղ կերպով դիմագրավելու իրենց իսկական թշնամուն³⁸։

1806 թ. ռուսական զորքերի կողմից Դերբենտի, Բաքվի, Մուղանի և Անդրկովկասի այլ քաղաքների ու շրջանների գրավումը ստիպեց շահին Նապոլեոնի մոտ ուղարկել իր ներկայացուցիչ, Ղազվինի նա-

³⁵ *Տե՛ս* А. Ф. Муллер, Мустафа-паша Байрактар, М.—Л., 1948, стр. 150; О. Schlechta-Wssehrd, Die Kämpfe zwischen Russland und Persien in Transkaukasien, Wien, 1864, S. 30.

³⁶ АКАК, т. 3, стр. 522.

³⁷ А. Р. Иоакимьян, *նշվ. աշխ.*, էջ 143.

³⁸ *Նույն տեղում*, էջ 146—147։

հանգապետ Միրզա Ռեզա խանին, հանձնարարելով նրան հնարավորին չափ շուտափույթ կերպով դաշինք կնքել Ֆրանսիայի հետ³⁹: Դեռևս մինչև իրանական լիազորի Ֆինկենշտեյն հասնելը, որտեղ նախատեսվում էր կնքել այդ դաշինքը, Թալեյրանը դիմում է Նապոլեոնին հետևյալ հարցումով. աշխատել կնքել եռյակ դաշինք Ֆրանսիայի, Թուրքիայի և Իրանի միջև, ինչպես ինքն է համարում նպատակահարմար ու ցանկալի, թե՞ ինչպես ժողովրդն է առաջարկում՝ կնքել երկու առանձին պայմանագրեր հիշյալ պետությունների հետ⁴⁰: Հնդ որում Թալեյրանի այդ հարցման մեջ շեշտվում էր, որ ժողովրդի առաջարկը հիմնված է այն իրողության վրա, որ Օսմանյան կայսրության և Իրանի միջև առկա հակասությունները դժվար թե հնարավորություն տան կնքելու եռյակ դաշինք:

Ի դեպ Թուրքիան ուշադրությամբ հետևում էր Ֆինկենշտեյնում ֆրանսիական բանակցությունների ընթացքին: Ֆինկենշտեյնի Նապոլեոնի ճամբարում գտնվող թուրքական դեսպան Վահիդ էֆենդին բնավ չէր թաքցնում Բ. Դուան անբարյացական վերաբերմունքը Իրանի նկատմամբ: Ավելին, թուրքական դեսպանը աշխատում էր ազդել Նապոլեոնի վրա, որպեսզի վերջինս ճնշում դործադրի շահական կառավարության վրա Թուրքիայի հետ տերիտորիալ վեճերի հարցում ավելի զիջող լինելու համար: Միաժամանակ նա փորձում էր կանխել առաջիկա ֆրանս-իրանական պայմանագրի այն կետերը, որոնք կարող էին ձեռնառու լինել թուրքական կառավարությանը⁴¹:

Իր հերթին Նապոլեոնը ամեն կերպ աշխատում էր միավորել երկու պետություններին ընդդեմ ռուսների, թուրքերին գայթակղեցնելով շուրջ խոստումներով, որ եթե էրզրումի փաշան կովկասյան ճակատում իր բոլոր զորքերով օգնության հասնի Աբբաս Միրզային, ինքը՝ Նապոլեոնը, խոստանում է նպաստել, որ Թուրքիան ռուսներից ետ ստանա Ղրիմը, Վրաստանը և վերջապես թուրքական հսկողություն սահմանվի ողջ սևծովյան ավազանի վրա⁴²:

Ֆինկենշտեյնում Նապոլեոնի փորձերը կողմերին հաշտեցնելու և

محمود محمود، تاریخ روابط سیاسی ایران و انگلیس در قرن نوزدهم میلادی، جلد اول تهران ۱۳۲۸، ص ۳۹-۴۴

⁴⁰ A. P. Иоаннисян, *ibid.*, т. 2, с. 147.

⁴¹ ناصرنجمی، ایران در میان طوفان یا شرح زندگی عباس میرزا، تهران ۱۹۵۷ ص ۹۵-۹۷

⁴² Նույն տեղում, էջ 96:

ներանց ընդգրկելու համատեղ դաշինքի մեջ ավարտվեցին անհաջողությամբ: Այդ պատճառով որոշվեց կնքել առանձին ֆրանս-իրանական պայմանագիր⁴³, որը ստորագրվեց 1807 թ. մայիսի 4-ին: Պաշտպանողական-հարձակողական կոչված այդ պայմանագիրը ըստ էության հանդիսանում էր ֆրանս-իրանական դաշնակցային պայմանագիր⁴⁴: Թեև, անկասկած, դա արևելյան քաղաքականության բնագավառում Նապոլեոնի դիվանագիտության խոշոր հաջողություններից մեկն էր, մասնավորապես որ Ֆինկենշտեյնի պայմանագիրն իր սուր ծայրով ուղղված էր նաև Անգլիայի դեմ, սակայն այնուհանդերձ ֆրանսիական կայսրին չհաջողվեց իրականացնել իր գլխավոր նպատակը՝ ֆրանս-թուրք-իրանական եռյակ դաշինքը: Նապոլեոնը առանձին երկկողմանի համաձայնագրերը Իրանի և Թուրքիայի հետ չէր համարում բավականաչափ արդյունավետ: Նրա կարծիքով, առավել ազդու և շոշափելի ուժ կդառնար եռյակ դաշինքը: Այդ բանը հատկապես ցայտուն կերպով երևում է գնեհրալ Կլոդ Մատյե Գարդանին տրված Նապոլեոնի 1807 թ. մայիսի 10-ի գրավոր հրահանգում, որտեղ նա ուղղակի պնդում է Ռուսաստանի դեմ Իրանի և Թուրքիայի միջև ռազմական դաշինքի կնքման անհրաժեշտության վրա⁴⁵: Նրա կարծիքով, այդպիսի դաշինքը ոչ միայն արգելք կհանդիսանար Ռուսաստանի առաջխաղացմանը Մերձավոր և Միջին արևելքում, այլև մեծապես կազդեի ռուսական քաղաքականության ակտիվության վրա նաև Նվրոպայում⁴⁶:

Նկնելով նշված նկատառումներից, ֆրանսիական դիվանագիտությունը հետևողականորեն աշխատում էր հարթել թուրք-իրանական կոնֆլիկտը և կողմերին համոզել բանակցություններ սկսել: Այդ ջանքերը շուտով պսակվեցին հաջողությամբ. շահական կառավարությունը համաձայնություն տվեց Կոստանդնուպոլսի հետ սկսել բանակցություններ: Ի վերջո կողմերը համաձայնության եկան համատեղ ելույթ ունենալ Ռուսաստանի դեմ: 1807 թ. ամռանը սերասկեր Յուսուֆ փաշան հրամայեց Թուրքիայի ասիական նահանգների բոլոր փաշաներին, որ-

⁴³ А. Р. Ноанкисян, *նշվ. աշխ.*, էջ 147:

⁴⁴ Պայմանագրի լրիվ տեքստը տե՛ս J. C. Hurewitz, *Diplomacy in the Near and Middle East*, Princeton, New-York, 1956, vol. I, pp. 77—78.

⁴⁵ Տե՛ս „Mission du général Gardane en Perse sous le premier Empire“, Paris, 1865, p. 81—94 (Տիտված է ըստ А. Р. Ноанкисян, *նշվ. աշխ.*, էջ 140—150):

⁴⁶ سعيد نفيسي، تاريخ اجتماعي وسياسي ايران در دوره معاصر، جلد اول، تهران ۱۳۳۵، ص ۱۰۰

պեսզի իրենց զորքերով շարժվեն ու միանան պարսիկներին, երր ռուսները ռազմական գործողություններ սկսեն Երևանի նահանգում: Ֆաթհ Ալի շահն իր հերթին խոստանում էր օգնել թուրքերին, Ռուսաստանի դեմ մղված նրանց ռազմական գործողություններում⁴⁷: Այդ առթիվ պարսիկ պատմաբան Ա. Ա. Բինան գրում է. «Նրանք ծրագրել էին, որ թուրքական զորամասերը արևելքից, իսկ իրանական զորքերը արևմուտքից պետք է մուտք գործեն Վրաստան»⁴⁸: Սահմանի մոտ կենտրոնացնելով 35 հազարանոց բանակ, Աբրաս Միրզան սպասում էր Արփաչայի ճակատամարտի (1807 թ. հունիսի 17—18) ելքին, որպեսզի շարժի իր բանակը: Սակայն այդ ճակատամարտում թուրքական զորքերի պարտությունը ստիպեց գահաժառանգին հապշտապ հեռանալ Նախիջևան⁴⁹:

Այսպիսով, ռուսական զենքի վճռական հաղթանակի շնորհիվ ձախողվեց Ռուսաստանի դեմ թուրքերի և պարսիկների համատեղ հարվածի պլանը:

Շուտով միջազգային դրության մեջ տեղի ունեցավ արմատական փոփոխություն. 1807 թ. հուլիսի 8-ին Ֆրանսիայի և Ռուսաստանի միջև կնքվեց Տիլզիթի հաշտությունը, որի հետևանքով ցարական Ռուսաստանը թշնամի լինելուց ժամանակավորապես վերածվեց Ֆրանսիայի դաշնակցի: «Նապոլեոնը,— այդ առթիվ գրում է Ռուկիրը,— ստիպված էր Ասիայում իր համար ձեռնադրել թուրք-պարսկական բարեկամությունը զոհել հանուն ռուսական դաշինքի, որը նրան անհրաժեշտ էր Եվրոպայում»⁵⁰:

Սակայն Ռուսաստանի նկատմամբ ֆրանսիացիների թշնամական գործունեությունն իրանում չդադարեց նաև Տիլզիթից հետո: Ֆրանսիական դիվանագիտությունը եռանդուն կերպով աշխատում էր հասնել թուրքիայի և իրանի մերձեցմանը և մասնավորապես նրանց ու Ֆրանսիայի միջև հակառուսական եռյակ դաշինքի կնքմանը:

Հենց այս շրջանում ուժեղանում է անգլիացիների գրոհը իրանում ֆրանսիացիների դիրքերի վրա: 1808 թ. վերջին բրիտանական կառավարության հանձնարարությամբ իրան է ժամանում անգլիական մի

⁴⁷ Н. Ф. Дубровин, История войн п владычества русских на Кавказе. т. 5, 1888, стр. 141.

⁴⁸ علی اکبرینا، تاریخ سیاسی و دیپلوماسی ایران، جلد اول، تهران ۱۳۳۷ ه. ق.

⁴⁹ АКАК, т. 3, стр. 548—549; Н. Ф. Дубровин, *Указ. соч.*, т. 5, էջ 177—179.

⁵⁰ Рупр, Англо-русское соперничество в Азии в XIX в., М., 1924, стр. 154.

առաքելություն՝ Հարֆորդ Ջոնսի գլխավորությամբ: 1809 թ. մարտի 19-ին Ջոնսը Իրանի հետ կնքում է պայմանագիր, ըստ որի շահը պարտավորվում է խզել իր կապերը Ֆրանսիայի հետ: Պայմանագրով բրիտանական կառավարությունը խոստանում էր շահին ամենամյա ֆինանսական հատկացում 160 հազար թումանի չափով (մինչև նրա պատերազմի ավարտը Ռուսաստանի հետ) և բացի այդ, իր վրա պարտավորություն էր վերցնում իրանական բանակին տրամադրել զենք և ուղարկել ռազմական հրահանգիչներ⁵¹:

Հիշյալ պայմանագրի ստորագրումից հետո Իրանում առաջնություն ձեռք բերելու համար Անգլիայի և Ֆրանսիայի միջև պայքարն ավարտվեց Մեծ Բրիտանիայի հաղթանակով:

Անգլիական դիվանագիտությունը, առաջնորդվելով իր հակառուսական միտումներով, անմիջապես ձեռնամուխ եղավ նաև թուրք-իրանական դաշինքի ստեղծմանը: 1809 թ. հունվարին անգլո-թուրքական պայմանագրի ստորագրումը, որի հետևանքով ապրիլին Թուրքիան վերսկսեց պատերազմը Ռուսաստանի դեմ, ավելի ուշ դարձրեց այդ դաշինքի ձևավորումը: Հարֆորդ Ջոնսը Թեհրանում և անգլիական դեսպան էղբեր՝ Կոստանդնուպոլսում այդ ուղղությամբ ձեռնամուխ եղան բուռն գործունեության: Նրանց համատեղ ջանքերի շնորհիվ 1809 թ. օգոստոսին Կոստանդնուպոլիս ժամանեց շահի լիազորը Կովկասում համատեղ ռազմական գործողություններ սկսելու հարցը թուրքական կառավարության հետ համաձայնեցնելու համար⁵²: Նա Ֆաթհ Ալի շահի անունից առաջարկություն է անում Անգլիայի մասնակցությամբ կնքել թուրք-իրանական դաշինք՝ Ռուսաստանի դեմ համատեղ պայքար մղելու համար և առաջարկում է պարտավորվել զենքը ցած չդնել, մինչև երկու կողմերի համար ձեռնտու հաշտության կնքումը: Ընդ որում շահը պատրաստակամություն էր հայտնում մի բանակ ուղարկել Անդրկովկասում գործող թուրքական զորքերին միանալու համար և բացի այդ, խոստանում էր Կոստանդնուպոլսին հատկացնել զրամական օգնություն⁵³:

⁵¹ J. W. Kaye, The life and correspondence of Sir John Malcolm, London, 1856, vol. I, p. 439.

⁵² St. R. Adair, The negotiations for the peace of the Dardanelles in 1808—1809, London, 1845, vol. I—II.

⁵³ АВПР, Главный архив 1—13, д. 7, л. 51 об—52, ф. ВУА, д. 6184, л. 124.

⁵⁴ А. Р. Иоаннисян. Զվ. աշխ., էջ 242.

Որպես այդ համաձայնության գործնական իրականացում Ախալ-ցխայի Շերիֆ փաշան իրանից ստացավ 100 հազար ռուբլի և նույն արժողությամբ զանազան հանդերձանք իր զինվորներին բաժանելու համար, որոնք պատրաստվում էին իրանական բանակի հարձակման անցնելուն պես մուտք գործել Անդրկովկասի սահմանները⁵⁵։ Միաժամանակ Շորագյալ և Փամբակ ներխուժելու մտադրությամբ իր զորքերը Ապարանի մոտ կենտրոնացնելուց հետո, Աբբաս Միրզան բանակցությունների մեջ մտավ էրզրումի բանակի հրամանատարի և Ախալցխայի փաշայի հետ ռուսների դեմ համատեղ ելույթի վերաբերյալ։ Ձեռք բերված պայմանավորվածության շնորհիվ իրանական 10 հազարանոց մի բանակ, Երևանի սարդար Հոսեյն խանի հրամանատարությամբ, օգոստոս ամսին Կարսի փաշալիքի վրայով անցավ Ախալցխայի փաշալիք, որպեսզի այստեղից թուրքական զորքերի հետ համատեղ ներխուժի Վրաստան⁵⁶։

Այս բոլորը վկայում էր այն մասին, որ 1809 թ. կողմերը որոշակի համաձայնության էին եկել միավորելու իրենց ջանքերը Կովկասում համատեղ ագրեսիայի դիմելու համար, եվ միայն սեպտեմբերի 5-ին Ախալքալաքի մոտ իրանական զորքերի պարտությունը միառժամանակ հետաձգեց թուրք-իրանական միացյալ ճակատի ստեղծումը⁵⁷։

Այսպիսով, 1809 թ. ևս, հակառակ անգլիացիների բոլոր ջանքերին, թուրք-իրանական դաշինքի կնքումը գործնական իրականացում չստացավ, Դրա զխավոր պատճառը կայանում է նրանում, որ Թուրքիան գերադասում էր. ընդհանուր թշնամու դեմ պայքար մղել առանձին-առանձին, առանց իր վրա դաշնակցային պարտավորություններ վերցնելու։ Այդ առթիվ Ա. Ռ. Հովհաննիսյանն իրավացիորեն նշում է. «Բ. Դուռը չցանկացավ իրանի հետ իրեն կապել պայմանագրային պարտավորություններով և այդ պատճառով ընդառաջ չգնաց անգլիական դիվանագիտության ջանքերին, առավել ևս, որ Ֆրանսիայի կողմից Ավստրիայի ջախջախումից հետո Անգլիայի ազդեցությունը Կոստանդնուպոլսում ժամանակավորապես - թուլացել էր»⁵⁸։ Թուրք-իրանական դաշինքի ձևավորմանը մեծապես խանգարում էին նաև երկու երկրների միջև շա-

⁵⁵ Утверждение русского владычества на Кавказе, под ред. В. Потто, т. 2, стр. 13.

⁵⁶ АКАК, т. 4, стр. 185—186, 810—812.

⁵⁷ А. Р. Иоаннисян, *նշվ. աշխ.*, էջ 292.

⁵⁸ *علي اكبرينا* *նշվ. աշխ.*, հ. 1, էջ 154—157.

րունակվող տերիտորիալ վեճերը, սահմանամերձ շրջանների ցեղերի անընդհատ բախումները և միմյանց ներքին գործերին միջամտելու անդադրում փորձերը:

Իրանական բանակի նոր պարտութունները և Թուրքիայի հետ զինական դաշինքի այս փորձի անհաջողությունը ստիպեցին Աբբաս միրզային 1810 թ. ապրիլին բանակցություններ սկսել ռուսական հրամանատարության հետ զինադադար ստորագրելու վերաբերյալ: Ի պատասխան դրա, անգլիացիները ծավալեցին բուռն գործունեություն՝ ձախողելու այդ բանակցությունները, միաժամանակ իրենց հույսը չկտրելով թուրք-իրանական դաշինքի կնքման ապագա հնարավորության նկատմամբ: Ջոնսը աշխատում էր բանակցությունների տեքստի մեջ ընդգրկել այնպիսի կետեր,—գրում է պրոֆեսոր Ալի Աբբաս Բինան,—որոնք նախապես երաշխավորում էին ռուսների համար նրանց անընդունելի լինելը⁵⁹:

Թուրքիայի սահրանքները ևս պակաս կարևոր դեր չխաղացին ռուս-իրանական բանակցությունները ձախողելու գործում: Շահազրգոված լինելով Ռուսաստանի և Իրանի միջև պատերազմի շարունակման մեջ, Կոստանդնուպոլիսը սկսում է մեծարժեք նվերներ ուղարկել Թեհրանի արքունիքին», միաժամանակ խոստանալով օգնության կարգով Իրանին հատկացնել իր անատոլիական զորամասերից 12 հազարանոց ընտիր զորք⁶⁰: Այնուհետև, Բ. Դուռը Իրան է ուղարկում սուլթանի լիազորություններով օժտված մեծ վեզիր Աբդուլ Վահիբ էֆենդին, որին հանձնարարված էր նախ խափանել ռուս-իրանական զինադադարը և ապա ռազմական դաշինք կնքել շահի հետ:

Աղբյուրների վկայությամբ, այս անգամ ևս անգլիական դիվանագիտությունն ակտիվ միջամտություն է ցույց տալիս այդ բանակցություններին⁶¹: Այդ առթիվ Կովկասում գլխավոր հրամանատար գեներալ Տորմասովը գրում է. «Այժմ նույն օտարերկրյա (իմա՝ Անգլիայի—Վ. Բ.) ազդեցության շնորհիվ երկու պետությունները միավորվում են մեր դեմ⁶²:

Պատերազմում Իրանի ծանր վիճակը ստիպեց շահական արքունիքին ընդառաջ գնալ դաշինք կնքելու վերաբերյալ թուրքական առաջարկներին: Ինչպես նշվեց, իրանական բանակը ռուսական զորքերից կրում

⁵⁹ على آجبر بينا 224. աշխ., հ. 1, էջ 154—157.

⁶⁰ ИГБИИ, ф. ВУА, д. 6184, лл. 221—222.

⁶¹ АКАК, т. 4, стр. 719.

⁶² АКАК, т. 6, ч. 2, стр. 400.

էր պարտութիւն պարտութեան ետեւից: Անգլիական սպաների ղեկավարութեամբ Աբբաս միրզայի բանակի վերակազմակերպման գործը առաջ էր գնում չափազանց դանդաղ, դեռեւ չդրսեւորելով ոչ մի նոր որակ: Ավելին, խաները դիմադրում էին բանակի վերակառուցման այլ գործին, դրա մեջ տեսնելով իրենց ազդեցութեան սահմանափակման նկատառումներ: Անդրկովկասում գնալով ուժեղանում էր Ռուսաստանին միանալու ձգտումները, որոնք ուղեկցվում էին տեղական ժողովուրդների և հատկապես հայերի բացահայտ հակաիրանական ելույթներով: Երկրի ներսում այս ու այնտեղ անընդհատ բռնկում էին տեղական ֆեոդալների ապստամբություններ կենտրոնական շահական իշխանութեան դեմ: Այս բոլորը ստիպեցին շահին 1810 թ. օգոստոսին Թուրքիայի հետ դաշինք կնքել⁶³, որը հայտնի է Կոստանդնուպոլսի պայմանագիր անունով:

Այսպիսով. այն, ինչ չկարողացավ իրագործել Ֆրանսիան, գլուխ բերեց անգլիական դիվանագիտութեանը:

Հենց Թեհրանում գտնվելու օրերին Աբդուլ Վահիբ էֆենդին շահական կառավարության հետ մշակում է երկու պետությունների գործողությունների միասնական պլան՝ ուղղված Ռուսաստանի դեմ: Հատկապես կարևոր նշանակություն էր տրվում ռուսների թիկունքում, Սև ծովից մինչև Կասպից ծովն ընկած տարածության վրա, տեղական ժողովուրդների (հատկապես մահմեդական) ապստամբություններ հրահրելու հարցին: Այդ նպատակով Դազստան, Ադրբեջան, Վրաստան և Կովկասի մյուս նահանգներն ուղարկվեցին Թուրքական և պարսկական զործակալներ, որոնք իրենց հետ ունեին շահի, գահաժառանգ Աբբաս միրզայի և Թուրքական սուլթանի բազմաթիվ կոչեր⁶⁴:

Որոշվել էր նաև 1811 թ. մայիսի վերջին միացյալ ուժերով հարձակում գործել Վրաստանի վրա: Սակայն այդ ծրագիրը հնարավոր չեղավ իրագործել մի շարք տարաձայնությունների պատճառով: Այնուհետև, 1811 թ. սեպտեմբերին փորձ կատարվեց միավորել իրանական և Թուրքական զորքերին՝ ռուսներին համատեղ հարված հասցնելու համար, սակայն այդ փորձը ևս մատնվեց անհաջողության, ընդ որում ոչ թե պատահական դիպվածի հետևանքով, ինչպես ենթադրում էր Տորմասովը⁶⁵, այլ իրանի և Թուրքիայի միջև գոյություն ունեցող խորը հակասությունների պատճառով, որոնց հետևանքով, ինչպես իրավացիոր-

⁶³ اکبر بیجا علی، ۲۲۲، ۱، ۱، ۱۵۷،

⁶⁴ ЦГИА Грз. ССР, ф. 16, д. 852, лл. 1—3; АКАК, т. 4, стр. 115.

⁶⁵ АКАК, т. 4, стр. 775—776, док. № 1180.

րեն նշում է ակադեմիկոս Ա. Ռ. Հովհաննիսյանը, այդպես էլ այդ երկու պետությունների միջև, շնայած սկզբում ֆրանսիացիների, ապա անգլիացիների ջանքերի, չհաստատվեց իրական և կայուն դաշինք⁶⁶:

Այս շրջանում թուրք-իրանական հարաբերությունների սրման հիմնական պատճառը քրդական հարցն էր: Մոսուլի փաշալիքի Սուլեյմանիե շրջանի քրդական առաջնորդը շարունակում էր սերտ հարաբերություններ պահպանել շահական կառավարության հետ: Ամենայն հավանականությամբ շահի դրդումով իրեն վերադրելով Քրդստանի փաշայի տիտղոսը, նա հրաժարվում էր ենթարկվել Բ. Դռանը: Ավելին, նա ակտիվորեն նպաստում էր իրանական ազդեցության տարածմանը ողջ հարավային Քրդստանում, մասնավորապես Ռեանդուզի, Բոհթանի և Բահդինանի կիսանկախ իշխանություններում⁶⁷:

Հարկ է նշել, որ XIX դ. սկզբին իրանի քրդական քաղաքականությունը աչքի էր ընկնում իր ճկունությամբ: Սովորաբար շահը քրդական ցեղերից մեկի առավել ազդեցիկ և իրեն առավել շատ նվիրված առաջնորդներից մեկին շնորհում էր Քրդստանի ժառանգական վալիի տիտղոս և այնուհետև օգնում էր նրան զինքի ուժով իր ազդեցությունը տարածել ինչպես իրանական, այնպես էլ թուրքական Քրդստանի մյուս մասերի ցեղերի վրա: Ճիշտ է, թեև Քրդստանի վալիները ոչ միշտ է, որ նվիրված էին մնում շահական կառավարությանը և հյու-հնազանդ կատարում նրանց ցուցումները, սակայն այնուհանդերձ Թուրքիայի հետ անընդհատ ռազմական բախումների ժամանակ, իրանը հաճախակի օգտագործում էր այդ վալիների ազդեցությունը Թուրքիայի քրդերին իր կողմը հրապուրելու համար⁶⁸:

Օսմանյան կայսրությունը մեծապես անհանգստացած էր նրանից, որ քրդերի նկատմամբ իրանի ազդեցությունն անցնում է նրա պետական սահմանից այն կողմ, Թուրքիայի տարածքում ընդգրկելով նշանակալից տարածություն: Մասնավորապես այն հանգամանքը, որ Նրեվանը և Նախիջևանը գտնվում էին պարսիկների ձեռքում, նրանց հնարավորություն էր տալիս այնտեղից իրենց ազդեցությունը տարածել համարյա ողջ հյուսիսային Քրդստանի, ինչպես նաև Բայազետի և մասամբ նաև Վանի փաշալիքի քրդերի վրա:

Շահական կառավարությունը հետևողականորեն սիրաշահում էր

⁶⁶ А. Р. Иоаннисян, *Узг.* աշխ., էջ 318, 322—324.

⁶⁷ П. И. Аверьянов, Курды в войнах России с Персией и Турцией в течение XIX столетия. Современное политическое положение турецких, персидских и русских курдов, Тифлис, 1900, стр. 7.

⁶⁸ Նույն տեղում, էջ 5:

նաև Բաղնշի քրդական խոշոր իշխանապետությանը, հատկապես նկատի առնելով նրա ռազմական, ինչպես նաև տնտեսական կարևոր դիրքը Հայկաի և Թավրիզի հաղորդակցության ճանապարհի վրա⁶⁹:

Աբրահա միրզային հաջողվեց զանազան արտոնություններ խոստանալու գնով իր կողմը գրավել նաև Բեյլամի քրդական ռազմաշունչ ցեղերին, որոնք գահաժառանգի հեծելազորը համալրեցին 10—15 հազար անկանոն հեծյալ զորքերով: Այդ նույն կերպ նա իր բանակի մեջ ընդգրկեց նաև Հեքյարիի քրդական որոշ ցեղերի⁷⁰:

Այսպիսով, Արևմտյան Հայաստանում և Քրդստանում, որտեղ գերփշխում էին ժառանգական քրդական դերեբեյները և որտեղ թուրքական փշխանությունը կրում էր զուտ անվանական բնույթ, գնալով ուժեղանում էր իրանական ազդեցությունը, որը չէր կարող թուրքական կառավարող շրջաններում առաջ չբերել թշնամական ռեակցիա իրանի նկատմամբ: Դրան պետք է ավելացնել, որ այդ թվականներին տեղի էին ունենում մի շարք ազատագրական բռնկումներ թե՛ քրդերի և թե՛ հայերի կողմից, որոնք է՛լ ավելի էին խարխուլ դարձնում թուրքական ազդեցությունը Անատոլիայի արևելյան շրջաններում: «Օսմանյան կառավարությունը որքան անհամբեր կդառնար և որքան ջղայնոտ շարժումներով իր բազուկը կերկարեր ինքնիշխան շրջանները թևարկելու, այնքան հաճախակի կդառնային ըմբոստությունները: Քրդստանի ներքին իշխանապետությունները թուրքական վտանգը կզգային և առիթը չէին փախցրեն հարվածելու թուրքական զորքերը: Այսպես, Զեյթունից հետո, Քրդստանի հեռավոր, բայց ամենից զորավոր մեկ շրջանը, Սուլեյմանիե փաշալիքը, ապստամբության դրոշակը կը բարձրացներ»⁷¹:

Բացի վերոհիշյալ հանգամանքներից, թուրք-իրանական դաշինքը ի վիճակի չէր գործողության մեջ մտնել այն պատճառով, որ 1811 թ. աշնանը ռուսական զորքերը Կոստուզովի հրամանատարությամբ ջախջախեցին թուրքական բանակը: Թուրքիային այլևս ոչինչ չէր մնում, բացի հաշտություն խնդրելուց: 1812 թ. մայիսի 28-ին Բուխարեստում կնքվեց ռուս-թուրքական հաշտության պայմանագիր:

Այդ պայմանագիրը իրանական կառավարող շրջանները գնահատե-

69 Կ. Սաաունի, Պատմութիւն Տարօնի աշխարհի, Պէյրուք, 1956, էջ 79—81:

70 Մ. Մ. Аверьянов, Նշվ. աշխ., էջ 9—10:

71 Կ. Սաաունի, Քուրդ ազգային շարժումները և հայ-քրդական հարաբերությունները, Բեյրութ, 1969, էջ 84:

ցին որպես Օսմանյան կայսրության կողմից դաշնակցային պարտավորությունների կոպիտ խախտում: Դժգոհ լինելով, որ սուլթան Մահմուդ II-ը հաշտություն կնքեց մի պետության հետ, որի դեմ ինքը պատերազմ է մղում, Ֆաթհ Ալի շահը Բուխարեստի պայմանագիրը հայտարարեց որպես իր դեմ ուղղված մի ակտ⁷²: Շահական արքունիքի վրա ջղայնացնող ներգործություն ունեցավ հատկապես այն տեղեկությունը, որ ըստ Բուխարեստի պայմանագրի 13-րդ կետի, նախատեսվում է Բ. Դռան ռաբրի ծառայությունները Ռուսաստանի և Իրանի միջև հաշտություն կնքելու գործում⁷³:

Բուխարեստի հաշտության պայմանագրի կնքումը համընկավ Թուրք-իրանական հարաբերությունների նոր սրման հետ, որը 1812 թ. հանգեցրեց երկու պետությունների միջև ռազմական լուրջ կոնֆլիկտի: Զինված ընդհարման անմիջական պատճառ հանդիսացավ հետևյալը. համոզվելով, որ Թուրքիայի միջազգային և ներքին դրությունը հնարավորություն չեն տալիս նրան ակտիվորեն միջամտել Քրդստանի հարցերին, Սուլեյմանիեի կառավարիչ Աբգուրրահմանը կրկին ապստամբեց, իրեն հռչակելով Բ. Դռնից միանգամայն անկախ: Միաժամանակ դուրս գալով շահական կառավարության հնազանդությունից, նա հայտարարեց, որ հրաժարվում է հարկատու լինել Իրանին: Ավելին, Աբգուրրահմանը շահական արքունիքից պահանջեց իրեն վերադարձնել պատանդի վիճակում Իրանում գտնվող իր որդուն, հակառակ դեպքում սպառնալով ասպատակ սփռել Քերմանշահի նահանգում: Ի պատասխան դրա, Քերմանշահի կառավարիչ Մոհամմադ Ալի միրզան իր զորքերը անմիջապես շարժեց դեպի Սուլեյմանիե և գրավեց այն: Աբգուրրահմանը ստիպված էր վերստին իր հնազանդությունը հայտնել շահին և արքայազուն Մոհամմադ Ալի միրզային վճարել 50.000 թուման ռազմատուգանք, պարտավորվելով յուրաքանչյուր տարի վճարել նույնքան գումար որպես հարկ:

Այս իրադարձությունները Կոստանդնուպոլսում մեկնաբանվեցին որպես Թուրքական Քրդստանի նկատմամբ Իրանի կողմից հովանավորություն հաստատելու փորձ: Անմիջապես սուլթանը հրապարակեց հրամանագիր, որի հիման վրա Բաղդադի Արդուլլա-փաշան կատարեց զորահավաք և շարժվեց դեպի Սուլեյմանիե, պատժելու քրդական անհնազանդ առաջնորդին և վերահաստատելու այնտեղ սուլթանի իշխանու-

⁷² А. Адамов, *Узл. узл.*, т. 411.

⁷³ Т. Юзефович, *Договоры России с Востоком*, СПб., 1869, стр. 57.

թյունը: Արդուրրահմանը կրկին ստիպված էր փախչել Քերմանշահ և խնդրել նրա կառավարչի հովանավորությունը⁷⁴:

Օղավելով ստեղծված հարմար առիթից, իրանական զորքերը ներխուժեցին Բաղդադի փաշալիք: Կոստանդնուպոլսում ռուսական դեսպան Իտալինսկին հաղորդում էր, որ իրանական կառավարությունը իր թըշնամական գործողությունները Թուրքիայի նկատմամբ պատճառաբանում է նրանով, բր վերջինս Ռուսաստանի հետ կնքել է սեպարատ հաշտություն, առանց հաշվի առնելու իրանի շահերը⁷⁵:

Թուրքական կառավարությունն իր հերթին զորքերի լրացուցիչ համալրումներ ուղարկեց Բաղդադի փաշալիք, որի հետևանքով կոնֆլիկտն ընդունեց ավելի ծավալուն բնույթ: Թուրքական ռեյս-էֆենդին, նույնիսկ, Կոստանդնուպոլսում անգլիական դեսպանին պաշտոնապես հայտարարեց, որ Օսմանյան կայսրությունը և իրանը գտնվում են պատերազմական վիճակում:

Անգլիական դիվանագիտությունից մեծ ջանքեր պահանջվեցին Մերձավոր արևելքում Մեծ Բրիտանիայի քաղաքական շահերին հակասող այդ ռազմական կոնֆլիկտը դադարեցնելու համար: Դրան հասնելու համար Լոնդոնը նույնիսկ համաձայնվեց թուրքերին վճարել այն բոլոր վնասները, որոնք նրանց հասցվել էին շահական զորքերի կողմից 1812 թ. ռազմական ընդհարումների ընթացքում⁷⁶: Անգլիացիներն անում էին այս զոհողությունը, նպատակ ունենալով Ֆաթհ Ալի շահի և Մահմուդ II-ի մերձեցման շնորհիվ ամրապնդել իրանի դիրքերը Ռուսաստանի հետ առաջիկա հաշտության բանակցությունների ընթացքում և դրանով իսկ ճնշում գործադրել Միջին արևելքում իրենց հիմնական ախոյանի նկատմամբ:

1812 թ. հոկտեմբերին Ասլանդուդի մոտ տեղի ունեցած ճակատամարտում ռուսական զորքերի կողմից Աբբաս միրզայի բանակի զլխովին ջախջախումը շահական կառավարությանն ստիպեց Թուրքիայի հետ հարաբերություններում ավելի զիջող լինել: Ավելին, Աբբաս միրզան փորձում է ուսանել վերջինի պարտության համար, որոշում է ռուսների վրա հարձակում գործել նրանց համար միանգամայն անակնկալ տեղից՝ Կարսի և Ախալցխայի փաշալիքների վրայով: Իսկ դա, հասկանալի է, հնարավոր էր միայն թուրքերի համաձայնության դեպքում: Այդ

⁷⁴ J. Morier, Second Voyage en Perse, en Arménie et dans l' Asie Mineure fait de 1810 a 1816, Paris, 1818, vol. I, p. 343—345; vol. II, p. 28.

⁷⁵ А. Р. Иоакимьян, *с. 2* *л. 1*, *с. 2* 408.

⁷⁶ Նույն տեղում, *с. 2* 407:

առթիվ Ռուսաստանի արտաքին գործերի մինիստր Ն. Պ. Ռումյանցևը գրում է Կոստանդնուպոլսում դեսպանորդ Ա. Յա. Իտալիենսկուն, որ թեև թուրքական իշխանությունները թուլլատրել են, սակայն Աբրաս միրզայի՝ Վրաստան ներխուժելու երկու փորձերն էլ ավարտվել են անհաջողությամբ⁷⁷։ Իսկ Ալեքսանդր I-ին հասցեագրված 1813 թ. օգոստոսի 31-ի զեկուցագրում Ռումյանցևը հայտնում է հետևյալը. «...պարսիկները եռանդուն կերպով աշխատում են վերականգնել խաղաղությունը Թուրքիայի հետ, հավանական է նաև, որ նրանց հետ դաշինք կնքեն»⁷⁸։ 1813 թ. սեպտեմբերին Բ. Դուռը դիվանագիտական դեմարշ կատարեց Կոստանդնուպոլսում բրիտանական դեսպան Լիստոնի առջև, պատրաստվելով նույն ոգով առաջադրություններ կատարել նաև ինտերնունցիի և Ֆրանսիական դեսպանի առջև, պահանջելով Թուրքիային վերադարձնել կովկասյան այն բոլոր տերիտորիաները, որոնք Ռուսաստանին էին անցել ըստ Բուխարեստի պայմանագրի։ Այդ պահանջը Բ. Դուռն կողմից պատճառաբանվում էր «սվրոպական հավասարակշռությունը» վերականգնելու անհրաժեշտությամբ։ Իր դիրքերն ամրապնդելու համար Թուրքիան կոչ էր անում, որ Իրանը ևս վարվի նույն կերպ⁷⁹։

Պատահական չէ, որ երբ 1813 թ. աշնանը Ռուսաստանի և Իրանի միջև հաշտության պայմանագիր կնքելու վերաբերյալ բանակցություններ էին տեղի ունենում, Կոստանդնուպոլիսը եռանդուն գործունեություն է ծավալում պայմանագրի ստորագրումը խանգարելու համար։ Ռումյանցևին ուղղված հաղորդագրությունում, խոսելով ռուս-իրանական բանակցությունների վերաբերյալ Թուրքիայի ռեակցիայի մասին, Իտալիենսկին շեշտում է, որ այդ իրադարձությունը «բավականաչափ հեռու է այն բանից, որ հաճելի լինի Բ. Դուռն համար», որը հավակնություններ ունի Կովկասի մի շարք նահանգների նկատմամբ⁸⁰։

Անդրկովկասում իրենց տիրապետությունը վերականգնելու ձգտումը ստիպեց Իրանի և Թուրքիայի կառավարող շրջաններին միմյանց միջև եղած հակասությունները մղել հտին պլան և հանդես գալ միասնական ճակատով։ Թեև 1813 թ. աշնանը թուրքական մայրաքաղաքում գտնվող իրանական դիվանագիտական ներկայացուցիչները՝ սկզբում Հոսեյն աղան, իսկ այնուհետև Նասրոլլահ խանը, սուլթանական կառա-

⁷⁷ Внешняя политика России. Документы Российского министерства иностранных дел, серия II, т. VII, М., 1970, стр. 361.

⁷⁸ Նույն տեղում, էջ 378։

⁷⁹ Նույն տեղում, էջ 388։

⁸⁰ Նույն տեղում, էջ 754։

վարության հետ բանակցություններ վարելու ժամանակ փոխադարձաբար միմյանց ներկայացնում էին տարբեր մեղադրանքներ և տերիտորիալ հավակնություններ, սակայն անգլիացիների անմիջական մասնակցության շնորհիվ կրկին պայմանավորվեցին Ռուսաստանի դեմ ստեղծել միացյալ ճակատ:

Այս նոր պայմանավորվածությունը ևս ոչ մի գործնական հետևանք չունեցավ, որովհետև 1813 թ. հոկտեմբերի 12-ին Ռուսաստանի և Իրանի միջև ստորագրվեց Գյուլիստանի հաշտության պայմանագիրը: Այն, ինչպես և սպասվում էր, դժգոհությամբ ընդունվեց թուրքական կառավարող շրջանների կողմից: Դուռը հատկապես դժգոհ էր նրանից, որ շահը ընդունում էր Աբխազիայի նկատմամբ Ռուսաստանի տիրապետության իրավունքը, տերիտորիաներ, որոնց նկատմամբ Օսմանյան կայսրությունը դեռ հավակնություններ ուներ: Այնուհետև, Գյուլիստանի պայմանագրի կնքումը, թուրքական տիրապետող շրջանների կարծիքով, ի չիք էր դարձնում Իրանի և Թուրքիայի միացյալ ելույթի հնարավորությունը Ռուսաստանի դեմ: Սակայն տեղյակ լինելով, որ հաշտության պայմանագիր ստորագրելով շահը մտածում էր Ռուսաստանի դեմ նոր պատերազմի մասին և առհասարակ իրանական արքունիքում տիրում էին ռևանշիստական տրամադրություններ, թուրքերը սկսում են շեշտված սիրալիր վերաբերմունք դրսևորել Կոստանդնուպոլսում իրանական դեսպանորդ միրզա Ռեզայի նկատմամբ: Վերջինս հրավիրվում է Բաղդադի փաշալիքի կապակցությամբ գումարված հատուկ խորհրդաժողովի, որի ընթացքում, առիթից օգտվելով, թուրքական մինիստրները ամեն կերպ աշխատում են համոզել նրան, որ Թուրքիայի և Իրանի միջև դաշինքի կնքումը կենսական անհրաժեշտություն է երկու պետությունների համար⁸¹: Ընդ որում այդ բանակցությունների ժամանակ միրզա Ռեզան սուրհանդակների միջոցով անընդհատ կապ էր պահպանում Թեհրանի հետ, հետևաբար, շահական արքունիքը տեղյակ էր այդ բանակցություններին:

Իրականում թուրքական կառավարող շրջաններին այդ ժամանակ ոչ այնքան հետաքրքրում էր դաշինքի հարցը Իրանի հետ, որքան Բաղդադի փաշալիքի հարցում իրանա-թուրքական նոր կոնֆլիկտի բռնկման հավանականությունը կանխելու հարցը: Կոստանդնուպոլիսը երկյուղներ ուներ, որ Ռուսաստանից պարտություն կրելուց հետո Իրանը փոխհատուցում կպիտրի Բաղդադի փաշալիքի կողմում: Այս հողի վրա, Գյու-

⁸¹ А. Р. Иосадисян, №24. աշխ., էջ 436.

լիստանի պայմանագրի ստորագրումից հետո, ինչպես հաղորդում էին Կ. Պոլսում ուսական դիվանագիտական ներկայացուցիչները, Թուրքիայի և Իրանի քաղաքական հարաբերություններում նկատվում է լարվածություն⁸²։ Իտալիոնսկին նույնպես գրում է, որ հավանական է Բաբախանի և Բ. Դուան միջև պատերազմ բռնկվի, որ Կոստանդնուպոլսում այդ մասին լուրեր են շրշում, որոնց պատճառով դիվանը երկու անգամ նիստ է գումարել և վերջին նիստի որոշման համաձայն զորահավաքի վերաբերյալ ուղարկվել են մոտավորապես հարյուր ֆիրմաններ⁸³։

Բ. Դուան այս անհանգստությունը բնավ անհիմն չէր։ Կոստանդնուպոլսում հավաստի տեղեկություններ ունեին, որ Գյուլիստանի պայմանագրի ստորագրումից անմիջապես հետո գահաժառանգ Աբբաս միրզան (որի կողմից, ի դեպ, գահը ժառանգելու օրինական իրավունքը ուսաների կողմից պաշտոնապես ճանաչվում էր Գյուլիստանի պայմանագրով), Թավրիզից իր զորքերը անմիջապես շարժել է դեպի Թուրքական սահմանը և սկսել է անընդհատ զորաշարժեր կատարել⁸⁴։

Իրանական դեսպան միրզա Ռեզայի հետ բանակցությունների ձախողումը նույնպես անուղղակի կերպով վկայում էր, որ Իրանը Օսմանյան կայսրության նկատմամբ թշնամական ետին մտքեր ունի։

1814 թ. սկզբներին Թուրք-իրանական հարաբերությունները շարունակում են մնալ ծայրահեղ լարված վիճակում։ Ռումյանցեկին ուղղված իր 1814 թ. փետրվարի 17-ի հաղորդագրությունում Իտալիոնսկին Կոստանդնուպոլսից գրում է, որ Թուրքական կառավարությունը նկատելի սառը վերաբերմունք է դրսևորում Օսմանյան կայսրությունում իրանական ներկայացուցիչներ Հոսեյն աղայի և Նասրուլլահ խանի նկատմամբ և որ Բ. Դուռը հանձնարարել է էրզրումի փաշային, ինչպես նաև Իրանի հետ սահմանամերձ շրջանների մի շարք այլ զինվորական գործիչների զորահավաք կատարել և լինել ծայրահեղ զգույշ։ Ռուսական դեսպանորդը այնուհետև շարունակում է, որ Բ. Դուռը իրանա-թուրքական հարաբերությունների սրման գործում մեղադրում է Ռուսաստանին, դա վերագրելով նրա սադրանքներին⁸⁵։

Ի դեպ, այդ նույն տեսակետին էր նաև բրիտանական դիվանագիտությունը։ Ռուս-իրանական առաջին պատերազմի ելքը լուրջ հարված էր Անգլիայի ագրեսիվ ծրագրերին, որը ձգտում էր իրեն ենթարկել Իրան-

⁸² Внешняя политика России, серия II, т. VII, стр. 596—597.

⁸³ Նույն տեղում, էջ 388։

⁸⁴ Նույն տեղում, էջ 596։

⁸⁵ Նույն տեղում, էջ 596—597։

նը և սահմանել իր ռազմական հսկողությունը Կասպից ծովի ավազանի վրա: Վախենալով, որ Ռուսաստանի ազդեցության մեծացումն իրանում ապագայում կարող է խանգարել այդ երկիրը որպես անգլիական քաղաքականության գործիք օգտագործելուն, անգլիացիները բանակցություններ սկսեցին շահի հետ նոր պայմանագրի կնքելու վերաբերյալ: Անգլո-իրանական այդ նոր պայմանագիրը ստորագրվեց Թեհրանում 1814 թ. նոյեմբերի 25-ին: Այն առաջին հերթին ուղղված էր Ռուսաստանի դեմ և նպատակ ուներ հրահրել նոր ռուս-իրանական պատերազմ: Այս պայմանագիրը մեծապես նպաստեց շահական արքունիքի ռևանշիստական տրամադրությունների աճին⁸⁶:

Վերոհիշյալ պայմանագրով շահին խոստանալով ռազմական և ֆինանսական օգնություն այն դեպքում, եթե իրանը պատերազմի մեջ մտնե՛ր «որևէ եվրոպական պետության դեմ», Անգլիան միաժամանակ 1816 թ. աշնանը եռանդուն կերպով ձեռնամուխ է լինում թուրք-իրանական տարաձայնությունների հարթեցմանը, նպատակ ունենալով ըստեղծել այս երկու պետությունների դաշինք՝ ընդդեմ Ռուսաստանի⁸⁷, կամ առնվազն միավորել նրանց Մերձավոր և Միջին արևելքից իր ախոջանին միաժամանակյա հարված հասցնելու համար: Այս վերջին գաղափարը անգլիացիներին թվում էր միանգամայն ռեալ, որովհետև նույնիսկ թուրք-իրանական հարաբերությունների ժայրահեղ լարվածության վիճակում շատ հաճախ երկու պետությունները, շահերի ընդհանրության հիմքի վրա, Ռուսաստանի դեմ հանգես էին գալիս համատեղ դիվանագիտական ելույթներով: Այսպես, 1816 թ. հունվարի 20-ին շահական դեսպան միրզա Աբուլ Հասան խանը Ռուսաստանի արտաքին գործերի մինիստր Կ. Վ. Նեսսեկրոդեին հղում է մի նոտա, որտեղ նա պնդում է լրիվ վերանայել Գյուլիստանի պայմանագիրը⁸⁸: Այդ նոտան շահական դեսպանը ուղարկեց սուլթանական կառավարության նոտայի հետ համարյա միաժամանակ, որտեղ թուրքերը պահանջում էին վերանայել Բուխարեստի պայմանագրի կետերը: Իսկ մարտի 23-ին Պետերբուրգում բրիտանական դեսպանատունը իր հերթին նոտա է ներկայացնում ռուսական կառավարությանը, որտեղ նա պաշտպանում է իրանի պահանջները:

⁸⁶ М. С. Иванов, Очерк истории Ирана, М., 1952, стр. 135—136.

⁸⁷ Б. П. Балаян, Международные отношения Ирана в 1813—1826 гг., Ереван, 1967, стр. 37.

⁸⁸ А. П. Щербатов, Генерал-фельдмаршал князь Паскевич, т. II, СПб., 1890, прилож., стр. 3—4.

Այսպիսով, միանգամայն ակնհայտ է, որ անգլիական, իրանական և թուրքական դիվանագետները Ռուսաստանի դեմ ձեռնարկում էին համատեղ դիվանագիտական դեմարշ⁸⁰:

Պատահական չէ, որ այս շրջանում Ռուսաստանի քաղաքականության էությունը կայանում էր նրանում, որ նոր ռուս-թուրքական պատերազմի բռնկման դեպքում Իրանը պահպանի չեզոքություն, կամ բացառիկ թուրք-իրանական դաշինքի կնքումը: Այս ոգով Ա. Պ. Երմոլովը Պետերբուրգից ստացել էր համապատասխան հրահանգ, որը նա աշխատում էր կենսագործել 1817 թ. Իրանում իր դեսպանության ժամանակ: Խեղաթյուրելով այս փաստը, իրանական պատմաբաններ Մոդթադար Ղոլամ Հոսեյնը⁸⁰ և Ալի Աբբար Բինան⁸¹ պնդում են, որ, ընդհակառակը, Ռուսաստանը առաջարկում էր շահական կառավարությանը ռուս-թուրքական պատերազմի դեպքում ռազմական դաշինք կնքել Ռուսաստանի հետ, փոխարենը խոստանալով որոշ տերիտորիալ զիջումներ կատարել Իրանին: Այդ նույն տեսակետը առաջ է մղվում նաև անգլիական պատմաբան Ռ. Վաթսոնի կողմից⁸²:

Երմոլովի հետ բանակցությունները համոզեցին շահին, որ Ռուսաստանի համար ամենից անցանկալին թուրք-իրանական դաշինքի հաստատումն է, մի հանգամանք, որը մեծացրեց իրանական կառավարող շրջանների շահագրգռվածությունը անհապաղ կնքելու նման դաշինք: Նախաձեռնությունը վերցնելով իր ձեռքը, շահը, դեռևս մինչև Երմոլովի դեսպանության վերադարձը Կովկաս, 1817 թ. սեպտեմբերին Սափե քաղաքի նահանգապետ Մոհեր Ալի խանին գաղտնի հանձնարարությամբ ուղարկեց Կոստանդնուպոլիս⁸³: Վերջինս 1818 թ. հունվարի 30-ին ընդունվում է սուլթան Մահմուդ II-ի կողմից⁸⁴, մանրամասն տեղեկություններ հաղորդում նրան Երմոլովի դեսպանության ձախողման վերաբերյալ և ավելացնում, որ Ռուսաստանը ոչ միայն անվտանգության և տերիտորիալ անձեռնմխելիության սպառնալիք է հանդիսանում Իրանի համար, այլև եղբայրակից մահմեդական երկրի՝ Թուրքիայի համար:

⁸⁰ Л. С. Семенов, Россия и международные отношения на Среднем Востоке в 20-ые годы XIX в., ЛГУ, 1963, стр. 33.

⁸⁰ قلام حسين مقتدر، تاريخ نظامی ايران، طهران ۱۳۱۷، ص. ۲۹۳.

⁸¹ علي اكبر دينا، ص. 1، էջ 101.

⁸² محمد محمود، تاريخ روابط سياسی ايران و انگليس در قرن سكره، جلد اول تهران ۱۳۲۸، ص ۱۷۷.

⁸³ Նույն տեղում, հ. 1, էջ 102:

⁸⁴ «Северная пчела», № 21, 13 марта 1818.

Այնուհետև Մոհեբ Ալի խանը հայտարարում է, որ նկատի ունենալով ռուսական անակնկալ հարձակման վտանգի առկայությունը, ինքը շահից հանձնարարություն ունի սուլթանին առաջարկել կնքելու թուրք-իրանական հարձակողական-պաշտպանողական մի դաշինք, որպեսզի երկու հարևան մահմեդական պետությունները ի վիճակի լինեն համատեղ կերպով հակահարված տալու Ռուսաստանին⁹⁵։ Այլ կերպ ասած առաջարկվում էր վերականգնել 1810 թ. ռազմական դաշինքի վերաբերյալ պայմանագիրը։

Ի դեպ, անգլիացիները դարձյալ մասնակցություն էին ցուցաբերում այս բանակցություններին։ Թեև Կոստանդնուպոլսում անգլիական դեսպանորդը ռուսական դեսպան Ստրոգանովի հետ զրույցի ժամանակ աշխատում է ժխտել այդ հանգամանքը, հայտարարելով, որ Անգլիան իբրեւ մի մասնակցություն չի ունեցել Ռուսաստանի համար այդքան տհաճ առաջարկությանը», սակայն ռուսների տրամադրության տակ եղած փաստերը անառակելիորեն հաստատում էին, որ բրիտանական դիվանագիտությունն այդ բանակցություններում ևս խաղում էր բավականին ակտիվ դեր⁹⁶։ Այդ հանգամանքը հաստատվում է նաև կողմնակի տվյալներով։ Զննելով անգլիական դիվանագետների վարձագրիժը և գործողությունները Սրբազան դաշինքի Ասիայի կոնգրեսում (1818 թ. հոկտեմբեր-նոյեմբեր), ռուսական քաղաքագետները պարզորոշ կերպով եկել էին այն համոզման, որ Անգլիան մտադրություն ունի «միջամտելու... Ռուսաստանի հարաբերություններին Պարսկաստանի և Թուրքիայի նկատմամբ»⁹⁷։

Անգլիական միջնորդությունը և իրանի եռանդուն ջանքերը, սակայն, այս անգամ ևս ավարտվեցին ապարդյուն։ Բ. Դուռը մերժեց շահական կառավարության առաջարկը, հայտարարելով, որ իր հարաբերությունները իրանի հետ առանց այն էլ «հիմնված են իսլամի սրբազան դավանակցության հիմքի վրա» և որ ոչինչ չի կարող «նոր և ավելի մեծ ուժ հաղորդել իրենց սերտ և բարեկամական դաշինքին»⁹⁸։

Թուրքական կառավարության կողմից այս մերժումը նախ պետք է քաջատրեյ նրանով, որ տվյալ իրադրության պայմաններում, երբ իրա-

⁹⁵ علی اکبر بیجا 24. աշխ., Գ. 1, էջ 192, ակ'ն Դաև՝ В. Помто, Кавказская война, т. 3, СПб., 1887, стр. 6.

⁹⁶ АКАК, т. VI, ч. 2, стр. 189—190.

⁹⁷ С. М. Соловьев, Император Александр I. Политика-дипломатия, СПб., 1877, стр. 470.

⁹⁸ АКАК, т. VI, ч. 2, стр. 189—190.

ներ ալլևս պատերազմական վիճակի մեջ չէր գտնվում Ռուսաստանի հետ, Թուրք-իրանական դաշինքը ոչինչ չէր կարող տալ Օսմանյան կայսրությանը: Բացի այդ իրանա-թուրքական հարաբերությունները դեռ զբոսնում էին լարված վիճակում և Բ. Դուռը կասկածանքով էր վերաբերվում շահական կառավարության անկեղծությանը:

Թուրքիայի հետ դաշինք կնքելու այս փորձի անհաջողությունը ուժեղացրեց դաշարներին՝ Անգլիայի հետ մերձեցման և նրանից ռազմական և ֆինանսական օգնություն ստանալու ճանապարհով Անդրկովկասում կորցրած տերիտորիաները ետ նվաճելու մտայնությունը: Այդ նպատակով 1818 թ. վերջին Լոնդոն ուղարկվեց դիվանագիտական մի առաքելություն միջա Աբուլ Հասան խան Շիրազի գլխավորությամբ: Անգլիական մայրաքաղաք մեկնելու ճանապարհին շահական դեսպանությանը դեկավարը Կոստանդնուպոլսում մի փորձ ևս կատարեց դաշինքի վերաբերյալ Թուրքիայի հետ պայմանավորվելու ուղղությամբ: Կոստանդնուպոլսում նա մշտապես արժանանում էր «վեզիրի, սուլթանի և օտարերկրյա, հատկապես անգլիական, դեսպանների ունկնդրությանը»: Ստրոգանովին այցելելու ժամանակ Աբուլ Հասան խանը նրան է հանձնում միջա Բոզորդի նամակը, որտեղ վերամբարձ արտահայտություններով խոսվում էր Ռուսաստանի և Իրանի միջև «սերտ դաշինքի» մասին: Ոչ մի ճշմարիտ խոսք չասելով իր Լոնդոն մեկնելու նպատակների մասին, Աբուլ Հասան խանը հայտարարում է, որ ինքը ուղարկված է միայն շահի «Բարեկամական նամակները» հանձնելու թուրքական սուլթանին, ավստրիական կայսրին և ֆրանսիական թագավորին»⁹⁹:

Կոստանդնուպոլսում իրանական առաքելության դեկավարի առաջարկներին Բ. Դուռը պատասխանեց քար անտարբերությամբ¹⁰⁰, Դա էլ ավելի սրեց Թուրք-իրանական առանց այն էլ լարված հարաբերությունները: Սահմանամերձ շրջաններում երկու պետությունների միջև ծայր առան ռազմական ընդհարումներ¹⁰¹, Կոնֆլիկտի անմիջական պատճառ հանդիսացավ այն, որ ռուս-իրանական պատերազմի շրջանում, օգտվելով Իրանի դժվարին կացությունից, Թուրքիան զրավել էր իրանական սահմանամերձ մի շարք տերիտորիաներ: Բացի այդ, սկսել

⁹⁹ Տե՛ս Ստրոգանովի 1818 թ. դեկտեմբերի 2-ի նամակը Երմոլովին, АКАК, т. VI, в. 2, стр. 414—415.

¹⁰⁰ Л. С. Семенов, № 24. 1818. էջ 51.

¹⁰¹ Նույն տեղում, էջ 72:

էր թուրքահայտակ քրդերին ակտիվորեն հրահրել իրանի դեմ: Երկու երկրների միջև միջպետական հարաբերությունների բարդացման պատճառ էր հանդիսացել նաև թուրքական իշխանությունների կողմից շիիթների սրբազան վայրեր՝ Քարբալա և Նաջաֆ, ուխտագնացության մեկնող պարսիկներից գանձվող մաքսատուրքերի բարձրացումը:

Իրաքի օսմանյան վարչությունը պահանջում էր նաև պարսիկ հանգուցյալներին Նաջաֆ տեղափոխելու և այնտեղ թաղելու համար վճարել բավականին բարձր տուրք, որից խուսափելու համար հանգուցյալների հարազատները դիմում էին սահմանը անցնելու անլեզալ միջոցին¹⁰³, որն, անշուշտ, բարդությունների տեղիք էր տալիս: Առկա էին նաև կոնֆլիկտի սրման այլ պատճառներ: Այսպես, Սուլեյմանիեի քուրդ նոր կառավարիչ Մահմուդ փաշան բացահայտ կերպով չէր ցանկանում ենթարկվել Բաղդադի Դավուդ փաշային և հայտարարում էր, որ ինքը միայն իրանական շահին է համարում իր սյուզերենը: Քրդական անհնազանդ առաջնորդին պատժելու համար Դավուդ փաշան զորքեր է շարժում դեպի Քրդստան, որին իրանը պատասխանել էր Սուլեյմանիեի շրջանում խոշոր բանակի կենտրոնացմամբ¹⁰⁴:

Քերմանշահի շրջանում նահանգի կառավարիչ Մոհամմադ Ալի միրզան, իսկ հյուսիսում Երևանի խանության սարդար Հոսեյն խան Ղաշարը իրենց գործակալության միջոցով ակտիվորեն սկսեցին գործել Բաղդադի, Վանի, Բայազետի և Մուշի շրջաններում: Սուր վեճի առարկա էր դարձել նաև Շաթթ օլ Արաբ գետի մի քանի կղզիների պատկանելիության հարցը, որոնց նկատմամբ երկուստեք ներկայացվում էին հավակնություններ:

Թուրքական և իրանական զորքերի միջև ռազմական բախումները ծայր առան սկզբում Փյանշևանի և Զոհաբի լեռնային շրջաններում և հարավում՝ Նուզեստանի նահանգում, իսկ այնուհետև տարածվեցին նաև այլ շրջաններում: Փաստորեն թուրք-իրանական սահմանը վերածվել էր ճակատային մի գծի:

Իրանա-թուրքական հարաբերությունների լարվածությունը ուղեկցվում է իրանա-անգլիական հարաբերությունների վատթարացմամբ: Ի

¹⁰³ ناصرنجمی، عباس میرزا یارشیدترین و میهن پرست ترین فرزندان قاجار و جنگهای ایران با روسیه تزاری، تهران، ۱۳۳۷، ص ۱۰۴.

¹⁰³ Khalid al-Issi, The Shatt al-Arab dispute. State University of Groningen, 1971, p. 16—17.

¹⁰⁴ А. Адамов, № 24, 22, էջ 415.

հայտ եկան շահական արքունիքի և Մեծ Բրիտանիայի միջև հակասութ-
 ւոյունների սրման բազմաթիւ պատճառներ: Նախ խնդրոնում ձախողման
 մատնվեց միրզա Աբուլ Հասան խան Շիրազիի առաքելութունը: Այնու-
 հետև, Պարսից ժոցում և Իրաքում տեղի ունեցած իրադարձութիւնները
 է՛լ ավելի բարդացրին Անգլիայի և Իրանի հարաբերութիւնները: Այն
 բանից հետո, երբ 1819 թ. Եգիպտոսի տիրակալ Մոհամմադ Ալին խո-
 շոր հաղթանակ տարավ Արաբական թերակղզու վահաբիթների պետու-
 թյան նկատմամբ, որն իր հսկողութիւն տակ էր պահում նաև Պարսից
 ժոցի առափնյա քաղաքները, արգելք հանդիսանալով անգլիական առե-
 տրին, Օստ-Հնդկական ընկերութիւնը որոշեց օգտվել պատեհ առիթից
 և նաւատորմ ուղարկելով Պարսից ժոց, ջախշախեց տեղական շեյխերին
 և նաւահանգստային քաղաքները ենթարկեց իր ազդեցութիւնը: Քիչ
 ավելի ուշ, 1820 թ. հունվարին, անգլիացիները Օմանի շեյխերին ստի-
 պեցին կնքել մի պայմանագիր, որի շնորհիւ ժովահենութիւն և ստրկա-
 վաճառութիւն դեմ պայքարի պատրվակի տակ Անգլիան հնարավորու-
 թիւն էր ստանում «կարգ ու կանոն» պահպանել Պարսից ժոցի ջրերում:
 Այդ պայմանագրին ստիպված էր միանալ նաև Բահրեյնի շեյխը: Դա
 նշանակում էր Անգլիայի բացահայտ կոնֆլիկտը Իրանի հետ, որով-
 հետև վերջինս Բահրեյնը դիտում էր որպես իր տիրույթը և բացի այդ
 այնտեղից ստանում էր խոշոր եկամուտներ (բահրեյնյան կղզիներից
 մարգարտի հանույթը շահական զանձարանին բերում էր տարեկան Ի
 միլիոն ռուբլուց ավելի եկամուտ)¹⁰⁵: Մյուս կողմից, Բաղդադի փաշա-
 լիքում. (Արաբական Իրաքում), անգլիական վաճառականների մրցակ-
 ցութիւնը մեծ վնասներ էր հասցնում իրանական առևտրին, որը նույն-
 պես հանդիսանում էր անգլո-իրանական հարաբերութիւնների սրման
 պատճառներից մեկը¹⁰⁶: Շահական կառավարութիւն դժգոհութիւնն անգ-
 լիացիներից է՛լ ավելի մեծացավ, երբ բրիտանական ռազմական հրա-
 հանգիչներ Լինդզեյը և Մակինդոնը և խորհրդականներ Արմստրոնգը և
 Վիլյամսոնը հեռացան Իրանից¹⁰⁷:

Այս պարագաներում, շնայած Կովկասում և Միջին Ասիայում ցա-
 րական կառավարութիւն վարած քաղաքականութիւն նկատմամբ ունե-

¹⁰⁵ И. Бларамберг, Статистическое обозрение Персии, СПб., 1857, стр. 27;
 Ф. Ф. Бартоломей, Посольство Меншикова в Персию в 1826 г. (Из дневни-
 ка), СПб., 1904, стр. 34.

¹⁰⁶ Յե՛ն V. Fontanier, Voyage dans l'Inde et dans le Golfe Persique. т. I,
 Paris, 1844

¹⁰⁷ R. Lyall, Travels in Russia, vol. II, London, 1825, p.p. 65—66.

ցած մեծ դժգոհության, շահական արքունիքը որոշեց մերձենալ Ռուսաստանին: Վերջինս իր հերթին ընդառաջ գնաց իրանական կառավարության այդ տրամադրություններին: Նախ 1819 թ. Ալեքսանդր I-ը Աբրաս միրզային ճանաչեց որպես իրանական գահաժառանգ¹⁰⁰: Ի պատասխան դրան, Աբրաս միրզան իր նվիրվածությունը հայտնեց ռուսական կայսրին¹⁰¹ և համաձայնվեց ռուսներին վերադարձնել Իրանում գտնվող իրենց ռազմագերիների մի մասը:

Այնուհետև, 1820 թ. դիվանագիտական հանձնարարությամբ Ա. Պ. Ծրմուլովի կողմից Իրան ուղարկվեց ռուսական սպա Ն. Ա. Կախովսկին, իսկ Աբրաս միրզան իր հերթին հանձնարարեց Թիֆլիս մեկնել միրզա Մասուդին, որպեսզի վերջինս ռուսական իշխանություններին հայտնի գահաժառանգի «անկեղծ բարեկամության և բարի կամեցողության հավաստիքները»¹⁰²:

XIX դ. 20-ական թթ. սկզբին սկսվեց արևելյան ճգնաժամի նոր արում: Օսմանյան կայսրությունը ցնցվում էր ճնշված ժողովուրդների ազգային-ազատագրական շարժումներից: Հատկապես ուժգին թափ ստացավ հուլյն ժողովրդի ազատագրական պայքարը: Հունական ապստամբները ազատագրեցին Կալաֆատան, Միսսոլունգին, Լիվադիան: Դարդանելում հուլյն նավաստիները ջախջախեցին սուլթանի նավատորմը: Բալկանյան թերակղզու կենտրոնում և հարավում ապստամբություններ տարածվում էր ավելի մեծ ուժով: Համարյա ողջ հուլյն ժողովուրդը արձագանքում էր ապստամբ-գետերիստների կոչին: Բացի այդ, 1820 թ. զարնանից սուլթանական բանակի մեծ մասը զբաղված էր ապստամբած էպիրի փաշայի դեմ պայքարով: Օսմանյան կայսրության համար լուրջ դժվարություններ էին ստեղծվել նաև Մոլդավիայում և Վալախիայում: Սուլթան Մահմուդ II-ը և նրա կառավարությունը ուղղակի գտնվում էին խուճապի մեջ: Սուլթանը հարկադրված էր անատոլիական զորամասերը տեղափոխել Բալկաններ, որի հետևանքով Իրանի հետ թուրքական սահմաններն ըստ էության մնացել էին անպաշտպան վիճակում:

Շահական կառավարությունը և մասնավորապես Աբրաս միրզան որոշեցին օգտվել ստեղծված հարմար առիթից՝ զենքի ուժով լուծելու

¹⁰⁰ АКАК, т. VI, ч. 2, стр. 213—214.

¹⁰⁰ Путевые заметки Грибоедова, 28 июля 1819 г. (Султаниэ). А. С. Грибоедов, Соч., т. III, стр. 85.

¹¹⁰ А. З. Иоаннисиани, Кавказ во внешней политике России в начале XIX в. Ученые записки Московского пед. института им. В. И. Ленина, т. XXXVII, 1946, стр. 123.

Թուրքիայի հետ ունեցած բաղդում վեճերը: Աբբաս միրզան, հատկապես, որոշել էր Օսմանյան կայսրությանից տերիտորիալ նվաճումների հաշվին փոխհատուցել այն կորուստները, որ Իրանն ունեցել էր Անդրկովկասում: Պատերազմում հաղթանակ ձեռք բերելու դեպքում գահաժառանգը հույս ուներ նաև վերականգնել իր խարխլված դիրքերը: Որպես իրանական բանակի գլխավոր հրամանատար նա անձամբ ինքն էր կրում Ռուսաստանի հետ պատերազմում պարտությունների և Գյուլիստանի պայմանագրի կնքման պատասխանատվությունը: Վերջապես, հաղթանակի դեպքում Աբբաս միրզան կարող էր ամրապնդել գահաժառանգի իր դիրքերը, քանի որ նրա բազմաթիվ եղբայրները շարունակում էին գահի նկատմամբ ունենալ հավակնություններ: Ընդ որում մոտալուտ ռուս-թուրքական պատերազմի հավանականությունը հույս էր ներշնչում իրանական կառավարող շրջաններին, որ Թուրքիայի հետ առաջիկա ռազմական բախման ընթացքում իրենք ոչ միայն կօգտվեն Ռուսաստանի աջակցությունից, այլև հանձին նրա կունենան ռազմական հուսալի դաշնակից: Այդ հույսերը ձեռք բերեցին շոշափելի կերպարանք հատկապես այն բանից հետո, երբ 1821 թ. հունիսի 28-ին Ալեքսանդր I-ը Կոստանդնուպոլսում իր դեսպան Ստրոգանովի միջոցով սուլթանին հղեց մի վերջնագիր¹¹¹, որի բովանդակությունը ոչ մի կասկած չէր թողնում, որ Ալեքսանդր I-ը պատրաստվում է պատերազմ սկսել Մահմուդ II-ի դեմ: Թուրքական դիվանի կտրուկ առարկությունների պատճառով Ստրոգանովը հեռացավ Կոստանդնուպոլսից և 1821 թ. օգոստոսի 8-ին Բ. Դուան և Ռուսաստանի միջև դիվանագիտական հարաբերություններն արդեն խզված էին: Ալեքսանդր I-ը Ռուսական կայսրության հարավային սահմաններում ձեռնամուխ եղավ զորահավաքի: Սակայն ցանկանալով իր գործողությունները համաձայնեցնել մեծ պետությունների հետ, ռուսական կայսրը չէր շտապում ռազմական գործողություններ սկսել Թուրքիայի դեմ: Շուտով պարզվեց, որ Եվրոպայի առաջնակարգ երկու պետությունները՝ Անգլիան և Ավստրիան միավորվել են խանգարելու համար Պետերբուրգի ծրագրերի իրագործմանը: Այդ երկու պետությունները նույնիսկ անթույլատրելի էին համարում քննարկել Օսմանյան կայսրության լինել կամ չլինելու հարցը և ամեն կերպ ձգձգում էին կանխել ռուս-թուրքական բախումը: Այդ նպատակով Ավստրիայի և Անգլիայի արտաքին գործերի մինիստրներ Մետտերնիխը և Կեստրիխ կնքեցին միմյանց սերտորեն կապող մի համաձայնագիր,

¹¹¹ См. А. Дебидур, Дипломатическая история Европы, т. I, М., 1947, стр. 194.

ըստ որի իրենց միապետները պետք է բոլոր ջանքերը գործադրեն խաղաղությունը մուսաստանի և Թուրքիայի միջև պահպանելու համար¹¹²։

Բնական է, որ ավստրո-անգլիական այս համաձայնագիրը սառնեցնելու էր ցարի ռազմաշունչ տրամադրությունները, մանավանդ որ նրա մտադրությունները աջակցություն չգտան նաև Բեռլինում և Փարիզում։

Իրանական արքունիքը, որը ուշի-ուշով հետևում էր այս իրադարձություններին, անշուշտ պետք է համոզվեր, որ Թուրքիայի դեմ նախապատրաստվելիք պատերազմում Ռուսաստանին որպես դաշնակից ունենալը լուրջ բաղձալի երազանք է։ Շահական կառավարությունը առիթներ ուներ նաև ենթադրելու, որ պատերազմը Թուրքիայի դեմ ոչ միայն աջակցություն չի ստանալու Անգլիայի կողմից, այլև հանդիպելու է նրա հակադեմոկրատիային։ Այդ ենթադրությանը հանգելու համար հիմքեր էին տալիս հետևյալ հանգամանքները. իրանա-թուրքական պատերազմը անխուսափելիորեն պետք է հանգեցներ Ռուսաստանի պատենցիալ հակառակորդների բանակների թուլացմանը, որը, անտարակույս, ձեռնտու չէր Անգլիային։ Այնուհետև, հակառակ անգլիացիների ցանկությունների, Աբբաս միրզան պետք է Անգլիայից ստացած զենքը օգտագործեր թուրքերի դեմ, մինչդեռ այն հատկացվում էր Ռուսաստանի դեմ պատերազմի համար։ Ոչ կարևոր նշանակություն ուներ և այն, որ իրանա-թուրքական պատերազմը վերջնականապես ի չիք կդարձներ Թուրքիայի և իրանի միջև հակառուսական դաշինք ստեղծելու պլանը, որի վրա անգլիացիները ծախսել էին բազում միջոցներ և հսկայական ժամանակ։ Անտարակույս, այդ պատերազմը խոշոր հարված կհասցներ նաև Մերձավոր ու Միջին արևելքում անգլիական առևտրին, որովհետև պատերազմի շրջանում իսպառ կփակվեին Օսմանյան կայսրության վրայով անցնող անգլիական առևտրի գլխավոր ուղիները¹¹³։ Լոնդոնի կաբլինետը չէր բացառում նաև, որ թուրք-իրանական պատերազմի ընթացքում շահերի միասնության հիմքի վրա կարող է ստեղծվել ռուս-իրանական ռազմական դաշինք, որը կունենա անասելի ծանր հետևանքներ Մեծ Բրիտանիայի ռազմական, տնտեսական և քաղաքական շահերի համար ոչ միայն Մերձավոր արևելքում, այլև Բալկաններում, միջերկրածովյան ավազանում և հատկապես սևծովյան նեղուցների շրջանում։ Վերոհիշյալ նկատառումները ստիպում էին բրիտանական դիվա-

¹¹² А. Дебуаур, նշվ. աշխ., էջ 194—195։

¹¹³ Б. П. Балахан, նշվ. աշխ., էջ 73։

նագիտությանը ձեռնարկել բոլոր միջոցները կանխելու իրանա-թուրքական պատերազմը: Սակայն ի վերջո այդ ջանքերը չտվեցին ոչ մի դրական արդյունք:

Հասունացող իրանա-թուրքական պատերազմը անտարակույս հանդիսանալու էր Պետերբուրգի կաթինետի սեեռուն ուշադրության առարկան: Ռուսաստանին հետաքրքրում էր ոչ միայն այդ պատերազմը, այլև նրա հավանական հետևանքները: Այդ իսկ պատճառով 1821 թ. օգոստոսի 23-ին Երմոլովը գրում է Իրանում ռուսական դիվանագիտական ներկայացուցիչ Ս. Ի. Մազարովիին, որ լավ կլինեի, եթե հնարավոր լինեի «թափանցել Պարսկաստանի հարաբերությունների մեջ Բ. Դռան նկատմամբ» և պարզել նաև «կարող է արդյոք պատերազմը (Հունաստանում—Վ. Բ.) միավորել Իրանին ե թուրքիային՝ ընդդեմ Ռուսաստանի»: Երմոլովը շեշտում էր նման «հետազոտության» կերևորությունը, հույս հայտնելով, որ Իրանում ռուսական միսիայի խորաթափանցությունը կկանխի Ռուսաստանի համար անցանկալի հետևանքները¹¹⁴:

Սակայն իրեն տրված հանձնարարությունը Մազարովիը կատարում է վերին աստիճանի ապաշնորհ կերպով: Այդ առթիվ Ն. Ն. Մուրավյովի գրառումներում կարդում ենք. «Երբ Պետերբուրգից ստացվեցին համապատասխան թղթերը, որոնցում հայտնվում էր պարսկական արքունիքին, որ թուրքերը իրենց վարքագծով իրենց վրա են բարդում կայսրի զայրույթը և իրենք են մեզ դրգում պատերազմի, անհրաժեշտ էր բացատրել Աբբաս միրզային, որ կայսրը ցանկանում է, որ բոլոր ժողովուրդները իմանան, որ զավթումների կիրքը չէ, որ ստիպում է նրան վարվել այդ կերպ, այլ բացառապես թուրքերի ոչ ճիշտ արարքները իր նկատմամբ: Գրիբոյեդովը գնացել էր Աբբաս միրզայի մոտ և բացատրել այդ հանգամանքը, ասելով, որ կայսրը չի պահանջում դաշնակիցներ, այլ միայն ցանկանում է, որ զահաժառանգը տեղյակ լինի այդ բոլորին: Աբբաս միրզան ուրախանալով, այս առիթով խոստացավ հանել 50 հազար զորք և շարժվել թուրքերի վրա, որը և նա արեց: Հաջորդ օրը Մազարովիը հանդիպելով նրան (Աբբաս միրզային—Վ. Բ.) այգում, սկսեց նրան այդ նույն բանը ասել: Սակայն փոխանակ զգուշություն պահպանելու, նա սկսեց խնդրել Աբբաս միրզային լինելու մեր դաշնակիցը և երբ նա տվեց իր համաձայնությունը, ի նշան երախտագիտության նա հափշտակեց նրա ձեռքը և համբուրեց այն: Ահա մի արարք,

¹¹⁴ АКАК, т. VI, ч. 2, стр. 242; См. также С. В. Шостакович, Дипломатическая деятельность Грибоедова, М., 1960, стр. 60.

որը սազական է մեր ծառայութեան մեջ գտնվող օտարերկրյա վարձկանիս—վերջում բացականչում էր ն. Մուրավյովը¹¹⁵:

Այս զրուցանքից Աբբաս միրզան, անշուշտ, կռահելու էր, որ Թուրքիայի հետ առաջիկա պատերազմում Ռուսաստանը, եթե հանդես չգա դաշնակցի դերում, համենայն դեպս համակրանքով կվերաբերվի Իրանին: Ի դեպ, այդ տեսակետի համոզված կողմնակից էր նաև Նրմուլովը, որը Ռուսաստանի արտաքին գործերի մինիստր Նեսսեկրոդեին գրած նամակում շեշտում էր, որ իրանա-թուրքական պատերազմը «մեզ համար չափազանց ձեռնտու է, քանի որ Թուրքերի հետ մեր խզման դեպքում թեև մենք չունենք պարսիկների օգնութեան կարիքը, սակայն նրանց փոխադարձ թշնամանքը անօգուտ չէ մեզ համար»¹¹⁶: Այդ նույն տեսակետին էին նաև Ռուսաստանի արտաքին քաղաքականութեան դեկլարաներից մեկը՝ Ի. Կապոդիստրիան և գլխավոր շտաբի պետ Ի. Ի. Դիրբիլը, որոնք գտնում էին, որ անհրաժեշտ է անհապաղ ռազմական դաշինք կնքել Իրանի հետ, «զինել պարսիկներին», ի շահ հասունացող պատերազմի Թուրքիայի դեմ¹¹⁷:

Սակայն նման տեսակետները բնավ չէին բաժանվում Ալեքսանդր I-ի և նրա արտաքին գործերի մինիստրի Կողմից: Թյուրիմացությունները կանխելու համար Նեսսեկրոդեին հանձնարարեց Իրանում ռուսական ներկայացուցիչներ Գրիբոյեդովին և Մազարովիչին այցելել Աբբաս միրզային և պաշտոնապես հայտարարել նրան, որ Ռուսաստանը ձեռնպահ է մնում Իրանի հետ Թուրքիայի դեմ համատեղ ելույթ ունենալուց¹¹⁸:

Բանն այն է, որ ցարական կառավարող շրջանները Իրանի հետ դաշնակցելու կամ նրան աջակցելու հարցը անխզելի կերպով կապում էին այն դեպքի հետ, եթե Ռուսաստանը պատերազմի մեջ մտնելու Թուրքիայի հետ: Սակայն, քանի որ 1821 թ. Պետերբուրգում դեռ համարում էին, որ Հունաստանը կանգնել է հեղափոխութեան կործանարար արահետի վրա, որոշվեց պատերազմի հարցը Թուրքիայի հետ միառժամանակ հետաձգել¹¹⁹:

¹¹⁵ «Русский архив», 1888, № 5, стр. 105; См. запись Н. Н. Муравьева от января 1822 г.

¹¹⁶ АКАК, т. VI, ч. 2, стр. 253.

¹¹⁷ II. Каподистрия, Записка о служебной деятельности (1826). Сборник «Российского императорского общества», т. 3, стр. 272; «Соображения барона Дибича о действиях против Турции» (июль, 1821).

¹¹⁸ ЦГИАЛ, ф. 1018, оп. 2, д. 90, л. 11.

¹¹⁹ Л. С. Семенов, 124. աշխ., էջ 72.

1821 թ. ամռան վերջին թուրք-իրանական հարաբերությունները հասան ծայրահեղ սրույթյան: Սահմանի առանձին հատվածներում սկսվեցին զինված կատաղի բախումներ: Կողմերը սկսեցին լայնորեն օգտագործել սահմանամերձ շրջանների իրենց հպատակ քրդական ցեղերին, նրանց հրահրելով անցնել սահմանը և ասպատակ սփռել հակառակորդի կողմում:

Բայազետի կառավարիչ Սելիմ փաշային հաշոդվեց համոզել իրանահպատակ քրդական Հադեբրանլու և Վիսիրկի ցեղերին անցնել Թուրքիա և այնտեղից հարձակումներ գործել իրանական տերիտորիայի վրա: Հնդ որում թուրքական իշխանությունները Աբբաս միրզային պաշտոնապես հայտնեցին, որ իրենք հավակնություններ ունեն այն տերիտորիաների նկատմամբ (Սալմաստի շրջակայքում), որոնք հանդիսանում էին Հադեբրանլու ցեղի բնակավայրերը¹²⁰: Աբբաս միրզան ստիպված էր էրզրումի փաշայի մոտ ուղարկել իր ներկայացուցիչ հաջի Ալի բեկին հիշյալ խնդրի շուրջը բանակցելու համար, սակայն փաշան ձերբակալեց նրան և բանտ նետեց¹²¹:

Թուրքական իշխանությունները ամենուրեք սկսեցին հալածանքների ենթարկել Օսմանյան կայսրությունում բնակվող իրանահպատակ պարսիկներին: Հատկապես Բաղդադում և էրզրումում ծայր առավ հակաշիիթական ուժգին քարոզչություն: Իրաքի տեղապահ Դավուդ փաշան հրամայեց բռնագրավել Բաղդադում բնակվող բոլոր հարուստ պարսիկների գույքը և հարստությունները, իսկ իրենց ձերբակալել: Այդ նույն կերպ նա վարվեց նաև Քարբալայում և Նաջաֆում: Շիիթական այս սրբազան քաղաքների բոլոր հարստությունները տեղափոխվեցին Բաղդադ և վերածվեցին թուրքական ոսկեդրամի¹²²: Ուժեղացրին հալածանքները նաև Իրաքում շիիթների սրբազան վայրեր մեկնող իրանական ուխտավորների նկատմամբ¹²³: Բանը նույնիսկ հասավ նրան, որ էրզրումի զորամասի պետը զնդակահարեց իրանական ղեսպանորդ Սահեդ բեկին¹²⁴: Դրությունը է՛լ ավելի շիկացավ, երբ էրզրումի վրայով

¹²⁰ ناصر نجمی، ۲۲۴، ۲۲۵، ۲۲۶، ۲۲۷، ۲۲۸، ۲۲۹، ۲۳۰، ۲۳۱، ۲۳۲، ۲۳۳، ۲۳۴، ۲۳۵، ۲۳۶، ۲۳۷، ۲۳۸، ۲۳۹، ۲۴۰، ۲۴۱، ۲۴۲، ۲۴۳، ۲۴۴، ۲۴۵، ۲۴۶، ۲۴۷، ۲۴۸، ۲۴۹، ۲۵۰، ۲۵۱، ۲۵۲، ۲۵۳، ۲۵۴، ۲۵۵، ۲۵۶، ۲۵۷، ۲۵۸، ۲۵۹، ۲۶۰، ۲۶۱، ۲۶۲، ۲۶۳، ۲۶۴، ۲۶۵، ۲۶۶، ۲۶۷، ۲۶۸، ۲۶۹، ۲۷۰، ۲۷۱، ۲۷۲، ۲۷۳، ۲۷۴، ۲۷۵، ۲۷۶، ۲۷۷، ۲۷۸، ۲۷۹، ۲۸۰، ۲۸۱، ۲۸۲، ۲۸۳، ۲۸۴، ۲۸۵، ۲۸۶، ۲۸۷، ۲۸۸، ۲۸۹، ۲۹۰، ۲۹۱، ۲۹۲، ۲۹۳، ۲۹۴، ۲۹۵، ۲۹۶، ۲۹۷، ۲۹۸، ۲۹۹، ۳۰۰، ۳۰۱، ۳۰۲، ۳۰۳، ۳۰۴، ۳۰۵، ۳۰۶، ۳۰۷، ۳۰۸، ۳۰۹، ۳۱۰، ۳۱۱، ۳۱۲، ۳۱۳، ۳۱۴، ۳۱۵، ۳۱۶، ۳۱۷، ۳۱۸، ۳۱۹، ۳۲۰، ۳۲۱، ۳۲۲، ۳۲۳، ۳۲۴، ۳۲۵، ۳۲۶، ۳۲۷، ۳۲۸، ۳۲۹، ۳۳۰، ۳۳۱، ۳۳۲، ۳۳۳، ۳۳۴، ۳۳۵، ۳۳۶، ۳۳۷، ۳۳۸، ۳۳۹، ۳۴۰، ۳۴۱، ۳۴۲، ۳۴۳، ۳۴۴، ۳۴۵، ۳۴۶، ۳۴۷، ۳۴۸، ۳۴۹، ۳۵۰، ۳۵۱، ۳۵۲، ۳۵۳، ۳۵۴، ۳۵۵، ۳۵۶، ۳۵۷، ۳۵۸، ۳۵۹، ۳۶۰، ۳۶۱، ۳۶۲، ۳۶۳، ۳۶۴، ۳۶۵، ۳۶۶، ۳۶۷، ۳۶۸، ۳۶۹، ۳۷۰، ۳۷۱، ۳۷۲، ۳۷۳، ۳۷۴، ۳۷۵، ۳۷۶، ۳۷۷، ۳۷۸، ۳۷۹، ۳۸۰، ۳۸۱، ۳۸۲، ۳۸۳، ۳۸۴، ۳۸۵، ۳۸۶، ۳۸۷، ۳۸۸، ۳۸۹، ۳۹۰، ۳۹۱، ۳۹۲، ۳۹۳، ۳۹۴، ۳۹۵، ۳۹۶، ۳۹۷، ۳۹۸، ۳۹۹، ۴۰۰، ۴۰۱، ۴۰۲، ۴۰۳، ۴۰۴، ۴۰۵، ۴۰۶، ۴۰۷، ۴۰۸، ۴۰۹، ۴۱۰، ۴۱۱، ۴۱۲، ۴۱۳، ۴۱۴، ۴۱۵، ۴۱۶، ۴۱۷، ۴۱۸، ۴۱۹، ۴۲۰، ۴۲۱، ۴۲۲، ۴۲۳، ۴۲۴، ۴۲۵، ۴۲۶، ۴۲۷، ۴۲۸، ۴۲۹، ۴۳۰، ۴۳۱، ۴۳۲، ۴۳۳، ۴۳۴، ۴۳۵، ۴۳۶، ۴۳۷، ۴۳۸، ۴۳۹، ۴۴۰، ۴۴۱، ۴۴۲، ۴۴۳، ۴۴۴، ۴۴۵، ۴۴۶، ۴۴۷، ۴۴۸، ۴۴۹، ۴۵۰، ۴۵۱، ۴۵۲، ۴۵۳، ۴۵۴، ۴۵۵، ۴۵۶، ۴۵۷، ۴۵۸، ۴۵۹، ۴۶۰، ۴۶۱، ۴۶۲، ۴۶۳، ۴۶۴، ۴۶۵، ۴۶۶، ۴۶۷، ۴۶۸، ۴۶۹، ۴۷۰، ۴۷۱، ۴۷۲، ۴۷۳، ۴۷۴، ۴۷۵، ۴۷۶، ۴۷۷، ۴۷۸، ۴۷۹، ۴۸۰، ۴۸۱، ۴۸۲، ۴۸۳، ۴۸۴، ۴۸۵، ۴۸۶، ۴۸۷، ۴۸۸، ۴۸۹، ۴۹۰، ۴۹۱، ۴۹۲، ۴۹۳، ۴۹۴، ۴۹۵، ۴۹۶، ۴۹۷، ۴۹۸، ۴۹۹، ۵۰۰، ۵۰۱، ۵۰۲، ۵۰۳، ۵۰۴، ۵۰۵، ۵۰۶، ۵۰۷، ۵۰۸، ۵۰۹، ۵۱۰، ۵۱۱، ۵۱۲، ۵۱۳، ۵۱۴، ۵۱۵، ۵۱۶، ۵۱۷، ۵۱۸، ۵۱۹، ۵۲۰، ۵۲۱، ۵۲۲، ۵۲۳، ۵۲۴، ۵۲۵، ۵۲۶، ۵۲۷، ۵۲۸، ۵۲۹، ۵۳۰، ۵۳۱، ۵۳۲، ۵۳۳، ۵۳۴، ۵۳۵، ۵۳۶، ۵۳۷، ۵۳۸، ۵۳۹، ۵۴۰، ۵۴۱، ۵۴۲، ۵۴۳، ۵۴۴، ۵۴۵، ۵۴۶، ۵۴۷، ۵۴۸، ۵۴۹، ۵۵۰، ۵۵۱، ۵۵۲، ۵۵۳، ۵۵۴، ۵۵۵، ۵۵۶، ۵۵۷، ۵۵۸، ۵۵۹، ۵۶۰، ۵۶۱، ۵۶۲، ۵۶۳، ۵۶۴، ۵۶۵، ۵۶۶، ۵۶۷، ۵۶۸، ۵۶۹، ۵۷۰، ۵۷۱، ۵۷۲، ۵۷۳، ۵۷۴، ۵۷۵، ۵۷۶، ۵۷۷، ۵۷۸، ۵۷۹، ۵۸۰، ۵۸۱، ۵۸۲، ۵۸۳، ۵۸۴، ۵۸۵، ۵۸۶، ۵۸۷، ۵۸۸، ۵۸۹، ۵۹۰، ۵۹۱، ۵۹۲، ۵۹۳، ۵۹۴، ۵۹۵، ۵۹۶، ۵۹۷، ۵۹۸، ۵۹۹، ۶۰۰، ۶۰۱، ۶۰۲، ۶۰۳، ۶۰۴، ۶۰۵، ۶۰۶، ۶۰۷، ۶۰۸، ۶۰۹، ۶۱۰، ۶۱۱، ۶۱۲، ۶۱۳، ۶۱۴، ۶۱۵، ۶۱۶، ۶۱۷، ۶۱۸، ۶۱۹، ۶۲۰، ۶۲۱، ۶۲۲، ۶۲۳، ۶۲۴، ۶۲۵، ۶۲۶، ۶۲۷، ۶۲۸، ۶۲۹، ۶۳۰، ۶۳۱، ۶۳۲، ۶۳۳، ۶۳۴، ۶۳۵، ۶۳۶، ۶۳۷، ۶۳۸، ۶۳۹، ۶۴۰، ۶۴۱، ۶۴۲، ۶۴۳، ۶۴۴، ۶۴۵، ۶۴۶، ۶۴۷، ۶۴۸، ۶۴۹، ۶۵۰، ۶۵۱، ۶۵۲، ۶۵۳، ۶۵۴، ۶۵۵، ۶۵۶، ۶۵۷، ۶۵۸، ۶۵۹، ۶۶۰، ۶۶۱، ۶۶۲، ۶۶۳، ۶۶۴، ۶۶۵، ۶۶۶، ۶۶۷، ۶۶۸، ۶۶۹، ۶۷۰، ۶۷۱، ۶۷۲، ۶۷۳، ۶۷۴، ۶۷۵، ۶۷۶، ۶۷۷، ۶۷۸، ۶۷۹، ۶۸۰، ۶۸۱، ۶۸۲، ۶۸۳، ۶۸۴، ۶۸۵، ۶۸۶، ۶۸۷، ۶۸۸، ۶۸۹، ۶۹۰، ۶۹۱، ۶۹۲، ۶۹۳، ۶۹۴، ۶۹۵، ۶۹۶، ۶۹۷، ۶۹۸، ۶۹۹، ۷۰۰، ۷۰۱، ۷۰۲، ۷۰۳، ۷۰۴، ۷۰۵، ۷۰۶، ۷۰۷، ۷۰۸، ۷۰۹، ۷۱۰، ۷۱۱، ۷۱۲، ۷۱۳، ۷۱۴، ۷۱۵، ۷۱۶، ۷۱۷، ۷۱۸، ۷۱۹، ۷۲۰، ۷۲۱، ۷۲۲، ۷۲۳، ۷۲۴، ۷۲۵، ۷۲۶، ۷۲۷، ۷۲۸، ۷۲۹، ۷۳۰، ۷۳۱، ۷۳۲، ۷۳۳، ۷۳۴، ۷۳۵، ۷۳۶، ۷۳۷، ۷۳۸، ۷۳۹، ۷۴۰، ۷۴۱، ۷۴۲، ۷۴۳، ۷۴۴، ۷۴۵، ۷۴۶، ۷۴۷، ۷۴۸، ۷۴۹، ۷۵۰، ۷۵۱، ۷۵۲، ۷۵۳، ۷۵۴، ۷۵۵، ۷۵۶، ۷۵۷، ۷۵۸، ۷۵۹، ۷۶۰، ۷۶۱، ۷۶۲، ۷۶۳، ۷۶۴، ۷۶۵، ۷۶۶، ۷۶۷، ۷۶۸، ۷۶۹، ۷۷۰، ۷۷۱، ۷۷۲، ۷۷۳، ۷۷۴، ۷۷۵، ۷۷۶، ۷۷۷، ۷۷۸، ۷۷۹، ۷۸۰، ۷۸۱، ۷۸۲، ۷۸۳، ۷۸۴، ۷۸۵، ۷۸۶، ۷۸۷، ۷۸۸، ۷۸۹، ۷۹۰، ۷۹۱، ۷۹۲، ۷۹۳، ۷۹۴، ۷۹۵، ۷۹۶، ۷۹۷، ۷۹۸، ۷۹۹، ۸۰۰، ۸۰۱، ۸۰۲، ۸۰۳، ۸۰۴، ۸۰۵، ۸۰۶، ۸۰۷، ۸۰۸، ۸۰۹، ۸۱۰، ۸۱۱، ۸۱۲، ۸۱۳، ۸۱۴، ۸۱۵، ۸۱۶، ۸۱۷، ۸۱۸، ۸۱۹، ۸۲۰، ۸۲۱، ۸۲۲، ۸۲۳، ۸۲۴، ۸۲۵، ۸۲۶، ۸۲۷، ۸۲۸، ۸۲۹، ۸۳۰، ۸۳۱، ۸۳۲، ۸۳۳، ۸۳۴، ۸۳۵، ۸۳۶، ۸۳۷، ۸۳۸، ۸۳۹، ۸۴۰، ۸۴۱، ۸۴۲، ۸۴۳، ۸۴۴، ۸۴۵، ۸۴۶، ۸۴۷، ۸۴۸، ۸۴۹، ۸۵۰، ۸۵۱، ۸۵۲، ۸۵۳، ۸۵۴، ۸۵۵، ۸۵۶، ۸۵۷، ۸۵۸، ۸۵۹، ۸۶۰، ۸۶۱، ۸۶۲، ۸۶۳، ۸۶۴، ۸۶۵، ۸۶۶، ۸۶۷، ۸۶۸، ۸۶۹، ۸۷۰، ۸۷۱، ۸۷۲، ۸۷۳، ۸۷۴، ۸۷۵، ۸۷۶، ۸۷۷، ۸۷۸، ۸۷۹، ۸۸۰، ۸۸۱، ۸۸۲، ۸۸۳، ۸۸۴، ۸۸۵، ۸۸۶، ۸۸۷، ۸۸۸، ۸۸۹، ۸۹۰، ۸۹۱، ۸۹۲، ۸۹۳، ۸۹۴، ۸۹۵، ۸۹۶، ۸۹۷، ۸۹۸، ۸۹۹، ۹۰۰، ۹۰۱، ۹۰۲، ۹۰۳، ۹۰۴، ۹۰۵، ۹۰۶، ۹۰۷، ۹۰۸، ۹۰۹، ۹۱۰، ۹۱۱، ۹۱۲، ۹۱۳، ۹۱۴، ۹۱۵، ۹۱۶، ۹۱۷، ۹۱۸، ۹۱۹، ۹۲۰، ۹۲۱، ۹۲۲، ۹۲۳، ۹۲۴، ۹۲۵، ۹۲۶، ۹۲۷، ۹۲۸، ۹۲۹، ۹۳۰، ۹۳۱، ۹۳۲، ۹۳۳، ۹۳۴، ۹۳۵، ۹۳۶، ۹۳۷، ۹۳۸، ۹۳۹، ۹۴۰، ۹۴۱، ۹۴۲، ۹۴۳، ۹۴۴، ۹۴۵، ۹۴۶، ۹۴۷، ۹۴۸، ۹۴۹، ۹۵۰، ۹۵۱، ۹۵۲، ۹۵۳، ۹۵۴، ۹۵۵، ۹۵۶، ۹۵۷، ۹۵۸، ۹۵۹، ۹۶۰، ۹۶۱، ۹۶۲، ۹۶۳، ۹۶۴، ۹۶۵، ۹۶۶، ۹۶۷، ۹۶۸، ۹۶۹، ۹۷۰، ۹۷۱، ۹۷۲، ۹۷۳، ۹۷۴، ۹۷۵، ۹۷۶، ۹۷۷، ۹۷۸، ۹۷۹، ۹۸۰، ۹۸۱، ۹۸۲، ۹۸۳، ۹۸۴، ۹۸۵، ۹۸۶، ۹۸۷، ۹۸۸، ۹۸۹، ۹۹۰، ۹۹۱، ۹۹۲، ۹۹۳، ۹۹۴، ۹۹۵، ۹۹۶، ۹۹۷، ۹۹۸، ۹۹۹، ۱۰۰۰

¹²¹ Նույն տեղում:

¹²² C. J. Rich, ۲۲۴، ۲۲۵، ۲۲۶، ۲۲۷، ۲۲۸، ۲۲۹، ۲۳۰، ۲۳۱، ۲۳۲، ۲۳۳، ۲۳۴، ۲۳۵، ۲۳۶، ۲۳۷، ۲۳۸، ۲۳۹، ۲۴۰، ۲۴۱، ۲۴۲، ۲۴۳، ۲۴۴، ۲۴۵، ۲۴۶، ۲۴۷، ۲۴۸، ۲۴۹، ۲۵۰، ۲۵۱، ۲۵۲، ۲۵۳، ۲۵۴، ۲۵۵، ۲۵۶، ۲۵۷، ۲۵۸، ۲۵۹، ۲۶۰، ۲۶۱، ۲۶۲، ۲۶۳، ۲۶۴، ۲۶۵، ۲۶۶، ۲۶۷، ۲۶۸، ۲۶۹، ۲۷۰، ۲۷۱، ۲۷۲، ۲۷۳، ۲۷۴، ۲۷۵، ۲۷۶، ۲۷۷، ۲۷۸، ۲۷۹، ۲۸۰، ۲۸۱، ۲۸۲، ۲۸۳، ۲۸۴، ۲۸۵، ۲۸۶، ۲۸۷، ۲۸۸، ۲۸۹، ۲۹۰، ۲۹۱، ۲۹۲، ۲۹۳، ۲۹۴، ۲۹۵، ۲۹۶، ۲۹۷، ۲۹۸، ۲۹۹، ۳۰۰، ۳۰۱، ۳۰۲، ۳۰۳، ۳۰۴، ۳۰۵، ۳۰۶، ۳۰۷، ۳۰۸، ۳۰۹، ۳۱۰، ۳۱۱، ۳۱۲، ۳۱۳، ۳۱۴، ۳۱۵، ۳۱۶، ۳۱۷، ۳۱۸، ۳۱۹، ۳۲۰، ۳۲۱، ۳۲۲، ۳۲۳، ۳۲۴، ۳۲۵، ۳۲۶، ۳۲۷، ۳۲۸، ۳۲۹، ۳۳۰، ۳۳۱، ۳۳۲، ۳۳۳، ۳۳۴، ۳۳۵، ۳۳۶، ۳۳۷، ۳۳۸، ۳۳۹، ۳۴۰، ۳۴۱، ۳۴۲، ۳۴۳، ۳۴۴، ۳۴۵، ۳۴۶، ۳۴۷، ۳۴۸، ۳۴۹، ۳۵۰، ۳۵۱، ۳۵۲، ۳۵۳، ۳۵۴، ۳۵۵، ۳۵۶، ۳۵۷، ۳۵۸، ۳۵۹، ۳۶۰، ۳۶۱، ۳۶۲، ۳۶۳، ۳۶۴، ۳۶۵، ۳۶۶، ۳۶۷، ۳۶۸، ۳۶۹، ۳۷۰، ۳۷۱، ۳۷۲، ۳۷۳، ۳۷۴، ۳۷۵، ۳۷۶، ۳۷۷، ۳۷۸، ۳۷۹، ۳۸۰، ۳۸۱، ۳۸۲، ۳۸۳، ۳۸۴، ۳۸۵، ۳۸۶، ۳۸۷، ۳۸۸، ۳۸۹، ۳۹۰، ۳۹۱، ۳۹۲، ۳۹۳، ۳۹۴، ۳۹۵، ۳۹۶، ۳۹۷، ۳۹۸، ۳۹۹، ۴۰۰، ۴۰۱، ۴۰۲، ۴۰۳، ۴۰۴، ۴۰۵، ۴۰۶، ۴۰۷، ۴۰۸، ۴۰۹، ۴۱۰، ۴۱۱، ۴۱۲، ۴۱۳، ۴۱۴، ۴۱۵، ۴۱۶، ۴۱۷، ۴۱۸، ۴۱۹، ۴۲۰، ۴۲۱، ۴۲۲، ۴۲۳، ۴۲۴، ۴۲۵، ۴۲۶، ۴۲۷، ۴۲۸، ۴۲۹، ۴۳۰، ۴۳۱، ۴۳۲، ۴۳۳، ۴۳۴، ۴۳۵، ۴۳۶، ۴۳۷، ۴۳۸، ۴۳۹، ۴۴۰، ۴۴۱، ۴۴۲، ۴۴۳، ۴۴۴، ۴۴۵، ۴۴۶، ۴۴۷، ۴۴۸، ۴۴۹، ۴۵۰، ۴۵۱، ۴۵۲، ۴۵۳، ۴۵۴، ۴۵۵، ۴۵۶، ۴۵۷، ۴۵۸، ۴۵۹، ۴۶۰، ۴۶۱، ۴۶۲، ۴۶۳، ۴۶۴، ۴۶۵، ۴۶۶، ۴۶۷، ۴۶۸، ۴۶۹، ۴۷۰، ۴۷۱، ۴۷۲، ۴۷۳، ۴۷۴، ۴۷۵، ۴۷۶، ۴۷۷، ۴۷۸، ۴۷۹، ۴۸۰، ۴۸۱، ۴۸۲، ۴۸۳، ۴۸۴، ۴۸۵، ۴۸۶، ۴۸۷، ۴۸۸، ۴۸۹، ۴۹۰، ۴۹۱، ۴۹۲، ۴۹۳، ۴۹۴، ۴۹۵، ۴۹۶، ۴۹۷، ۴۹۸، ۴۹۹، ۵۰۰

¹²³ عباس اقبال، تاریخ مفصل ایران از استیلاي مغول تا انقراض قاجاریه تهران ۱۳۴۳، ص ۷۹

¹²⁴ عبدالله رازی، تاریخ ایران، تهران ۱۳۳۵، ص ۴۷-۴۷

ովատագնացության մեկնող Ֆաթհ Ալի շահի հարեմը ենթարկվեց այդ-
նահանգի սերասկեր Ալի փաշայի հարձակմանը և կողոպուտին¹²⁵։

Իրանական ֆեոդալական ազնվականությունը, բարձրաստիճան
հոգևորականությունը և զինվորականությունը, ինչպես նաև շահական
արքունիքի մեծ մասը գտնում էր, որ շահը պետք է անհապաղ պատե-
րազմ հայտարարի Օսմանյան կայսրությանը։ Այդ խնդրում հատկապես
մեծ շահագրգռվածություն էր դրսևորում գահաժառանգ Աբրահա միրզան,
որի կարծիքով, Թուրքիայի ներքին և միջազգային բարդությունները
(յանիշարիների հուզումները, պատերազմը Հունաստանում, ապստամ-
բությունը Վալախիայում և այլն) հիանալի հնարավորություններ են
պատեղծում Թուրքիայի դեմ հաղթական պատերազմ մղելու համար։ Աբ-
րահա միրզան հատկապես տենչում էր ճակատամարտի դաշտում փորձել
իր բանակի ռազմական վերակառուցումների արդյունքները, մանավանդ
որ միանգամայն ակնհայտ էր, որ 1814 թ. մինչև 1821 թ. ընկած շրջ-
անում Իրանի զինված ուժերի վերակառուցման գործը ձեռք էր բերել
շոշափելի հաջողություններ։

Քաջ գիտակցելով, որ պատերազմը Թուրքերի դեմ կարող է առաջ
բերել միջազգային բնույթի բարդություններ, գահաժառանգը ռազմա-
կան գործողություններ սկսելու նախօրյակին սկսեց ձեռնարկել որոշա-
կի դիվանագիտական նախապատրաստություններ։ Նրան հատկապես
մտահոգում էր պատերազմի ընթացքում Ռուսաստանի դիրքորոշման
հարցը։

Վերոհիշյալ նկատառումներից ելնելով Աբրահա միրզան նախ մի-
նամակ հղեց Նրմալուվին, որտեղ գրում էր, որ իբր Թուրքական կառա-
վարության կողմից հույն քրիստոնյաների նկատմամբ գործադրվող
դաժանությունները իր մեջ առաջ են բերում զայրույթի բուռն զգացում
և պարտադրում են իրեն պատերազմի դուրս գալ Թուրքիայի դեմ¹²⁶։
Անշուշտ, այս հայտարարությունը նպատակ ուներ նախ շահել Ռուսաս-
տանի համակրանքը և ապա Թուրքերի դեմ պատերազմը սքողել հանուն
արդարության մղվող պայքարի լուսապսակով։

Քանի որ Աբրահա միրզան մտադիր էր իր բանակը շարժել երկու
ուղղությամբ՝ Միջագետքի և Արևմտյան Հայաստանի, նա եռանդուն
աշխատանքներ էր տանում պատերազմի ընթացքում այդ շրջանների
բնակչության աջակցությունը ստանալու համար։ Արևմտյան Հայաստա-
նում նա իր հույսերը կապում էր հայ բնակչության հետ, նկատի ունե-

فریدون آملیت، امیر کبیر و ایران، تهران، ۱۳۳۴، ص ۳۷

¹²⁶ B. Πορτο, նշվ. աշխ., էջ 9,

նալով, որ օսմանյան ծանր լուծը ազդակ կհանդիսանա հայերի հակա-
թուրքական ելույթների համար: Իր այս նպատակին հասնելու համար
Աբրաս միրզան մեծ ջբախմբով մեկնեց էջմիածին, որպեսզի կաթողի-
կոսն իր սուրն օրհնի քրիստոնեական խորանում:¹²⁷ Դրանով նա ըստ
երևույթին հույս ուներ նաև շահել Արևելյան Հայաստանի հայ բնակչու-
թյան համակրանքը:

Իսկ Միջագետքում Աբրաս միրզան իր հույսերը դրել էր այնտեղ
գտնվող պարսկական խոշոր համայնքի և շիրվան դավանող արաբական
ցեղերի վրա, որոնց շրջանում Իրանը բազմաթիվ կողմնակիցներ ուներ:
Իրաքի հյուսիսում իրանական պրոպագանդան մղվում էր Քերմանշա-
հից, իսկ հարավում իրանական ազդեցության ուղեկցողն էր Հովեյզա
քաղաքը, որի շուրջը դեռևս XVIII դ. սկզբից բնակվում էր Բենի կամի
արաբական ցեղը (20.000 մարդ), ինչպես նաև Մունթեֆիկի ցեղը, որոնք
ունեին իրանական կողմնորոշում¹²⁸: Դիտակցելով, որ Միջագետքի ա-
րաբական մի շարք ցեղերի պրո-իրանական տրամադրությունները մեծա-
գույն վտանգ են հանդիսանում փաշալիքի համար, Դավուդ փաշան
պատերազմի հենց նախօրյակին եռանդուն կերպով ձեռնամուխ եղավ
նրանց հնազանդեցմանը և սաղմում խեղդեց այդ ցեղերի ապստամբու-
թյան հնարավորությունը հօգուտ Իրանի¹²⁹:

Խոսելով Իրանի և Թուրքիայի միջև հասունացող պատերազմի մա-
սին, 1821 թ. հոկտեմբերին Նեսսելրոդեն գրում էր Նրմուլովին. «...Պարս-
կաստանը ունի ընդարձակ մտադրություններ և ծրագրեր...: Շահը, որ
այդ գործում օգտվում է իր երկու որդիների միահամուռ աջակցությու-
նից, մտադիր է իր պետության ողջ ռազմական ուժերը ուղղել դեպի
թուրքական կայսրության արևելյան նահանգները»¹³⁰:

Ինչ վերաբերում է Թուրքիային, ապա հաշվի առնելով կայսրու-
թյունում ստեղծված ծայր աստիճան բարդ իրադրությունը, կառավա-
րությունը աշխատում էր գործը չհասցնել մինչև պատերազմի: Այդ առ-
թիվ Կոստանդնուպոլսում ռուսական դեսպանը նկատում է. «...Կարծում
եմ, որ Բ. Դուռը, զգալով իր վիճակը, սիրով կգերադասի խաղաղ մի-
ջոցները և հակված չէ այժմ դիմելու Պարսկաստանի դեմ թշնամական
գործողությունների»¹³¹:

¹²⁷ R. G. Watson, A history of Persia, London, 1866, p. 139.

¹²⁸ Տե՛ս A. Адамс, նշվ. աշխ., էջ 416—418:

¹²⁹ Տե՛ս V. Fontanier, Voyage dans l'Inde et dans le Golfe Perstque, Paris, 1844, т. I, p. 364.

¹³⁰ АКАК, т. VI, ч. 2, стр. 250.

¹³¹ Նույն տեղում, էջ 419:

Սակայն պատերազմը կանխելու ուղղությամբ Բ. Դռան ձեռնարկած միջոցները արդեն ուշացած էին: 1821 թ. հոկտեմբերին սկսվեց իրանա-թուրքական. պատերազմ: Ռազմական գործողությունները ժալվալեցին Միջագետքում, Քրդստանում և Արևմտյան Հայաստանի տարածքում:

Չալդրանի մոտ թուրքական զորքերին առաջին պարտությունը հասցրեց Երևանի սարդար Հասան խանը¹³², Ալեուհետե երկամսյա պաշարումից հետո Աբբաս միրզան գրավեց Բայազետը և գերի վերցրեց Բայազետի Բալլուլ փաշային¹³³: 1822 թ. գարնանը թուրքական զորքերը ջախջախվեցին պաշարված Թուփրակ Կալայի մոտ, որից հետո իրանական բանակը գրավեց նաև Ակ Սեբայը¹³⁴:

Թուրքիան որոշեց կենտրոնացնել խոշոր ուժեր և անցնել հակահարձակման: Օսմանյան մի խոշոր բանակ շրջանցելով Բայազետը և Թուփրակ Կալան, ներխուժեց Իրանական Ատրպատական, նպատակ ունենալով գրավել Թավրիզը: Սակայն հանդիպելով Աբբաս միրզայի բանակին, ջախջախիչ պարտություն կրեց¹³⁵: Այս հաղթանակից հետո Արևմտյան Հայաստանի տարածքում Աբբաս միրզան գրավեց ևս մի շարք նոր տերիտորիաներ. Դիաղինը, Մալազկերտը, Բաղեշը, Մուշը, Վանը, Ախլաթը, Ադիլջեզը, Խանդուշը և այլն¹³⁶:

Աբբաս միրզայի այս խոշոր հաջողությունները գլխավորապես պետք է բացատրել նրանով, որ ռազմական այս կամպանիայի ժամանակ նրան աջակցում էին ոչ միայն իրանահպատակ քրդերը, այլև Թուրքիայի քրդական ցեղերը¹³⁷:

Թուրքական կառավարությունը որոշեց հակազորոհ կազմակերպել այս անգամ Միջագետքի ուղղությամբ: Բաղդադի Դավուդ փաշային հրամայվեց Շահրեզուրի կողմից ներխուժել Քերմանշահի նահանգը: Սակայն այս փորձը ևս մատնվեց անհաջողության, որովհետև թուրքական զորքերը վճռական պարտություն կրեցին Քերմանշահի վալի Մոհամմադ Ալի միրզայի կողմից, որը ետ շարտելով հակառակորդին, հետապնդեց նրան մինչև Բաղդադից ոչ հեռու գտնվող Բենի Սայիդ կոչ-

¹³² ناصر نجمی նշվ. աշխ., էջ 105:

¹³³ П. И. Аверьянов, նշվ. աշխ., էջ 31:

¹³⁴ R. G. Watson, նշվ. աշխ., էջ 197—198:

¹³⁵ یکرنگیان میرحسین، گرشاهی از تاریخ نظامی ایران، تهران ۱۳۳۷

ص ۴۸

¹³⁶ R. G. Watson, նշվ. աշխ., էջ 137:

¹³⁷ А. Адамов, նշվ. աշխ., էջ 419:

ված վայրը, այստեղ նախապատրաստվելով գրոհով վերցնելու Բաղդադը¹³⁶։ Միջագետքում զարգացնելով իրենց հաջողությունները, իրանական զորքերը գրավեցին նաև Քիրքուքը և Մոսուլը։

Բաղդադը գրավելու նախապատրաստությունների եռուն պահին իրանական բանակի հրամանատար Մոհամմադ Ալի միրզան անակնկալ հիվանդանում է խոլերայով և մահանում։ Բանակը հրաման է ստանում ժամանակավորապես նահանջել Քերմանշահ։ Օգտվելով դրանից, Բաղդադի Դավուդ փաշան անցնում է հակահարձակման, սակայն իրանական սահմանի մոտ նա կրկին պարտություն է կրում այս անգամ մահացած Մոհամմադ Ալի միրզայի որդու՝ Մոհամմադ Հոսեյնի կողմից¹³⁹։

Ինչպիսի՞ դիրք գրավեցին Մերձավոր և Միջին արևելքի հարցերով շահագրգռված եվրոպական երկու խոշոր պետությունները՝ Ռուսաստանը և Անգլիան, իրանա-թուրքական այս պատերազմի նկատմամբ։

Պատերազմը սկսվելու նախօրյակին և պատերազմի առաջին օրերից Պետերբուրգը ուշի-ուշով հետևում էր նրա ընթացքին, որովհետև թուրքական և իրանական խոշոր զորամիավորումների կենտրոնացումները Հայաստանի և Ատրպատականի տերիտորիայում Ռուսաստանի կողմից դիտվում էր որպես իր շահերի համար անցանկալի ու վտանգավոր երևույթ։ Սակայն միևնույն ժամանակ պատերազմը ժամանակավորապես շեղում էր Իրանի և Թուրքիայի ուղադրությունը ռուսական սահմաններից։ Այդ առթիվ նեսսելրոդեն 1821 թ. նոյեմբերի 9-ին գրում է Երմոլովին. «...նրանց փոխադարձ թշնամանքը անօգուտ չէ։ Եթե մի պահ ենթադրենք, որ նրանք համաձայնվեն միավորվել մեր դեմ... դրա հետևանքով ինչպիսի օգուտներից մենք կզրկվենք»¹⁴⁰։

Պետերբուրգի կաբինետին առաջին հերթին մտահոգում էր այն, որ իրիտանական կառավարությունը չմեղադրի իրեն այդ պատերազմը հրահրելու մեջ, որը կարող էր, ցարական կառավարող շրջանների կարծիքով, տեղիք տալ անցանկալի բարդությունների Անգլիայի հետ։ Այս ոգով 1821 թ. դեկտեմբերի 17-ին նեսսելրոդեն հրահանգ ուղարկեց Երմոլովին, որտեղ ցուցում էր տրվում «խուսափել այն ամենից, ինչը կարող է տեղիք տալ Մեծ Բրիտանիայի գործակալներին մտածելու, որ մենք ցանկանում ենք զինել «պարսիկներին ընդդեմ թուրքերի»¹⁴¹։ Իսկ

¹³⁶ G. Keppel, Personal narrative of travels in Babylonia, Assyria, Media and Scythia, London, 1827, vol. I, pp. 265—268.

¹³⁹ R. G. Watson, նշվ. աշխ., էջ 201—202։

¹⁴⁰ АКАК, т. VI, ч. 2, стр. 253.

¹⁴¹ Шен А. З. Иосифуши, նշվ. հոդվածը, էջ 171։

Ա. Ս. Դրիբոյեդովին և Ս. Ի. Մազարովիին կարգադրեց այդ մասին անհապաղ տեղեկացնել Աբրահամ Իրզային¹⁴²:

Առաջնորդվելով վերոհիշյալ սկզբունքներով, Ռուսաստանի արտաքին գործերի մինիստրը մերժեց արքայազուն Մոհամմադ Ալի Իրզայի կողմից Պետերբուրգ ուղարկված Կիֆալի միսիայի առաջարկները, որոնց էությունը կայանում էր նրանում, որ օգտվելով Թուրքիայի հետ պատերազմից, արքայազունը ցանկանում էր ամրապնդել իր հավակնությունները իրանական գահի նկատմամբ և այդ նպատակով խնդրում էր Ալեքսանդր I-ի աջակցությունը: Պետերբուրգն իր մերժումը պատճառաբանեց նրանով, որ ինքը հավատարիմ է մնում Գյուլիստանի պայմանագրին, որը նախատեսում է աջակցություն ցույց տալ միայն Իրանի օրինական գահաժառանգին՝ Աբրահամ Իրզային¹⁴³:

Վերոհիշյալ նկատառումները ստիպում էին Նեսսելրոդին իր ենթականերից պահանջել հանգստություն պահպանել և շմիջամտել կոնֆլիկտին:

Անշուշտ, Ռուսաստանի կողմից Իրանին աջակցելու դեպքում ռուսները հնարավորություն կունենային շահի կողմից ձեռք բերելու որոշակի զիջումներ Անդրկովկասի հարցերում: Սակայն հակառակ այս տրամաբանությանը, ռուսական արտաքին գործերի մինիստրը տալիս էր միանգամայն այլ հրահանգներ, միաժամանակ անհրաժեշտ գտնելով «Բ. Դռանը հնարավորություն տալ նրա այս դժվարին վիճակում հաշտվելու Պարսկաստանի հետ»¹⁴⁴: Ո՞րն էր առաջին հայացքից այդ տարօրինակ և անհասկանալի քաղաքականության պատճառը: Բանն այն է, որ հանդիսանալով «Սրբազան դաշինքի» գաղափարների համոզված կողմնակից, Նեսսելրոդեն փաստորեն հնազանդությանը կատարում էր անգլիական և ավստրո-գերմանական դիվանագիտության կամքը, հանդես գալով որպես եվրոպական պետությունների հետ համաձայնեցված գործողությունների կողմնակից, հակառակ նույնիսկ այն բանին, որ այդ քաղաքականությունը տվյալ պահին հակասում էր Ռուսաստանի պետական շահերին:

Նեսսելրոդեն ջանում էր բացառել ամեն մի կասկած այն մասին, որ Իրանի հակաթուրքական քաղաքականությունը և Մերձավոր ու Մի-

¹⁴² Записки Н. Н. Муравьева, «Русский архив», 1888, кн. 2, стр. 105; А. С. Грибоедов, Сочинения, т. III, стр. 241.

¹⁴³ Сб. А. П. Щербатов, изд. 2-е, 4-е, 2-е, 30—33, ЦГАДА, ф. Ермоловых 1046, оп. I, д. 332; ЦГИА, ф. 1018, оп. 2, д. 89, л. 31 об.

¹⁴⁴ Сб. А. З. Иоаннисиани, изд. 1-е, 2-е, 170.

ջին արեւելքում ծավալվող իրադարձութիւնները կապ ունեն Մուղավիայի և Վալախիայի դեպքերի հետ: Նա աշխատում էր առիթ չտալ ենթադրելու, որ այդ գործողութիւնները ղեկավարելու ներքին զսպանակները գտնվում են Ռուսաստանի ձեռքերում և նա է, որ կազմակերպել է միաժամանակյա հարված Թուրքիայի դեմ ինչպես Եվրոպայում (Մուղավիա, Վալախիա, Հունաստան), այնպես էլ Մերձավոր արեւելքում: «...Կարող ենք մենք արդյոք հրահրել նրանց (պարսիկներին—Վ. Ա.) Թուրքիայի դեմ թշնամական գործողութիւնների»։ այս հարցադրմանը Ռուսաստանի արտաքին գործերի մինիստրը պատասխանում է հետևալ կերպ. «Մենք զրանով կսասանենք մեր խաղաղ հարաբերութիւնների հիմքերը Դուան հետ, որոնք հազիվ ենք մենք կարողացել վերականգնել: Ասիայում նպաստելով պատերազմին, մենք իրավունք ունենք արդյոք մեր դաշնակիցներին ասելու, որ Եվրոպայում ցանկանում ենք պահպանվի հանգստութիւն»¹⁴⁵:

Այսպիսով, միանգամայն անհիմն է թուրքական պատմագրութեան այն տեսակետը, որ Իրանը պատերազմի մեջ մտավ Թուրքիայի դեմ ռմիայն այն պատճառով, որ հանդիսանում էր Ռուսաստանի դաշնակիցը»¹⁴⁶: Իսկ իրանական պատմագրութիւնը, գտնվելով անգլիական տեսակետի ազդեցութեան տակ, առաջ է քաշում այն դրույթը, որ օգտագործելով թուրք-իրանական հակամարտութիւնը, Ռուսաստանն այդ երկու պետութիւնների միջև հրահրեց պատերազմ¹⁴⁷: Բացահռութիւն է կազմում թերևս Մահմուդ Ֆարհադ Մոթամեզի այն տեսակետը, որ թուրք-իրանական հարաբերութիւնները միտումնավոր կերպով սրվում էին անգլիացիների կողմից, որոնք հետապնդելով Աֆղանստանում հիմնավորվելու և Իրանի արեւելյան շրջանները (մասնավորապես Իրանական Բալուչեստանը) իրենց ազդեցութեանը ենթարկելու նպատակները, աշխատում էին թուրք-իրանական հարաբերութիւնների սրումով շեղել իրանական կառավարութեան ուշադրութիւնը երկրի արեւելյան շրջաններից և այն սեւեռել բացառապես արևմուտքի (Թուրքիայի) և հյուսիսի (Ռուսաստանի) կողմը¹⁴⁸:

¹⁴⁵ Նույն տեղում, էջ 173:

¹⁴⁶ محمد راسم، عثمانلى تاريخ، جلد ۴، قسطنطنيه، ۱۳۲۸-۱۳۳۰

ص ۱۷۷۸-۱۷۷۹

¹⁴⁷ «چیل قوزاللو، تاريخ نظامی ايران، تهران، ۱۳۱۵، ص ۸۲»

¹⁴⁸ محمود فرهامعتمد، تاريخ روابط سياسی ايران و عثمانی، يا سپهسالار

اعظم، جلد دوم، تهران، ۱۹۵۷، ص ۳۰

նին, Երմոլովը Նեսսելրոդեի ուշադրութիւնը սեւեռում էր այն բանի վրա, թե «...որքան հեռու է գնում անգլիական կառավարութեան հոգատարութիւնը Պարսկաստանի և Դռան միջև ծագած թշնամական գործողութիւնների դադարեցման ուղղութեամբ»¹⁵²:

Իրանա-թուրքական պատերազմը շոշափելի հարված էր հասցնում նաև Անգլիայի առևտրատնտեսական շահերին: Բուշեհրում և Բասրայում սահմանված բարձր մաքսատուրքերը հանգեցրին անգլիական առևտրի շեշտակի կրճատմանը Պարսից ծոցի ավազանի երկրներում, իսկ պատերազմի հետևանքով Տրապիզոն—Թավրիզ և Բաղդադ—Քերմանշահ առևտրական ճանապարհի փակումը դադարեցրեց անգլիական ապրանքների մոտքը դեպի Իրան Փոքր Ասիայի վրայով: Իրանում անգլիական առևտրի կրճատմանը անխուսափելիորեն հետևելու էր Մեծ Բրիտանիայի քաղաքական ազդեցութեան անկումը:

Վերոհիշյալ նկատառումները Լոնդոնի կաբինետին ստիպեցին վճռականորեն վերանայել իր քաղաքականութիւնը իրանա-թուրքական հարաբերութիւնների նկատմամբ: Քաղաքական այս նոր գիծը կենսագործելու էր արտաքին գործերի պետական քարտուղար Ջորջ Կանինինգը, որը փոխարինել էր ինքնասպանութիւն գործած Կեստլրիին: Նրա մշակած քաղաքականութիւնը վերին աստիճանի հստակ էր՝ անհապաղ դադարեցնել իրանա-թուրքական պատերազմը և ստեղծել այդ երկու երկրների բոլոր Ռուսաստանի դեմ պատերազմ մղելու համար¹⁵³:

Լոնդոնի հանձնարարութեամբ Իրանում անգլիական գործերի հավատարմատար Հ. Ուիլլոքը և բրիտանական միսիայի առաջին քարտուղար Ջ. Մաքնեյը (որը փոխարինել էր Ջ. Կեմպբելլին) շահական կառավարութիւնից պահանջեցին անհապաղ դադարեցնել ռազմական գործողութիւնները Թուրքիայի դեմ¹⁵⁴: Այդ փաստը ստիպված էր խոստովանել Միշին արեւելքում անգլիական հետախուզներից մեկը՝ Յրեյզերը¹⁵⁵: Սակայն դիվանագիտական այս առաջադրութիւնը հաջողութիւն չունեցավ: Որոշվեց շահի մոտ ուղարկել մայոր Հարրիսոնին¹⁵⁶: Իր հերթին Օստ-Հնդկական ընկերութիւնը համարյա միաժամանակ Իրան ուղարկեց մի հատուկ միսիա՝ Զակսի և Յրեյզերի մասնակցութեամբ, որոնց հանձնարարված էր անհապաղ հարթել Պարսից ծոցի Քեշմ կղզու

¹⁵² АКАК, т. VI, ч. 2, стр. 267.

¹⁵³ Б. П. Балаян, *նշվ. աշխ.*, էջ 79—80:

¹⁵⁴ АКАК, т. VI, ч. 2, стр. 434.

¹⁵⁵ *Տե՛ս J. Fraser, Travels and adventures in the Persia and provinces on the Southern banks of the Caspian Sea, London, 1826, p. 303.*

¹⁵⁶ АКАК, т. VI, ч. 2, стр. 253.

համար ծագած անգլո-իրանական վեճը (որը 1821 թ. գրավվել էր անգլիացիների կողմից) և դրանով իսկ հողնախապատրաստել Հարրիսոնին տված հանձնարարությունը գլուխ բերելու համար:

Սակայն քանի որ այս փորձը ևս ավարտվեց անհաջողությամբ, Անգլիան որոշեց դիմել ավելի կտրուկ միջոցների: Բրիտանական կառավարության որոշ գործիչներ նույնիսկ պահանջում էին Իրանի դեմ օգտագործել Պարսից ծոցում գտնվող անգլիական ռազմական նավատորմը, սակայն մտավախություն ունենալով, որ դա կարող է տեղիք տալ ռուս-իրանական դաշինքի կնքման, հրաժարվեցին այդ գաղափարից¹⁵⁷:

Անգլիական գործերի հավատարմատար Հենրի Ուիլյամսը արգելեց անգլիական սպաներ կինդզեյին, Մակինդոշին, Արմատոնգին և Վիլյամսին մասնակցել իրանա-թուրքական պատերազմին: Որպես պատասխան Աբբաս միրզան պահանջեց, որ հիշյալ սպաները հեռանան Իրանից¹⁵⁸, Այս դիպվածը է՛լ ավելի լարեց անգլո-իրանական հարաբերությունները, որոնցից անմիջապես օգտվեցին ֆրանսիական սպաները: Մարշալ Բրյունի նախկին համհարզ Ալլարը դարձավ իրանական հեծելազորի հրամանատար, իսկ կապիտան Թ. էթյենն նշանակվեց Նախիջևանի և Մարանդի գումարտակների հրահանգիչ: Նրանց հետ միասին ֆրանսիական մի շարք սպաներ՝ Վենտուրան, Կուրը, Ջիբելլին և այլն, սկսեցին մասնակցել իրանա-թուրքական պատերազմին¹⁵⁹:

Վկայակոչելով 1814 թ. անգլո-իրանական դաշնակցային պայմանագիրը, 1822 թ. Ֆաթհ Ալի շահը դիմեց Անգլիային, խնդրելով ֆինանսական օգնություն: Սակայն, մերժում ստացավ: Միանգամայն ակնհայտ է, որ բրիտանական կառավարությունը չէր ցանկանում ֆինանսավորել պատերազմը Թուրքիայի դեմ: Մերժում ստանալուց հետո շահը, անգլիական էմիսարի արտահայտությամբ, «հետևելով նրանց վատ խորհուրդներին, ովքեր մղում էին նրան Անգլիայի նկատմամբ թշնամական և վիրավորական գործողությունների» (իմա՝ Ռուսաստանը—Վ. Բ.) անգլիական գործերի հավատարմատարին հղեց բողոքի պաշտոնական նոտա¹⁶⁰:

¹⁵⁷ Л. С. Семенов, *изд. 2-е*, т. 73:

¹⁵⁸ Նույն տեղում, էջ 74: Մանրամասն տե՛ս Ch. Bélanger, *Voyage aux Indes-Orientales et la Perse pendant les années 1825 a 1829*, vol. II, Paris, 1838.

¹⁵⁹ Б. П. Балаган, *изд. 2-е*, т. 81, Л. С. Семенов, *изд. 2-е*, т. 53—54: J. Fraser, *Travels and adventures...*, pp. 303—304, 309.

¹⁶⁰ АКАК, т. VI, ч. 2, стр. 264.

1822 թ. ապրիլին Թեհրանում անգլիական միսիայի ղեկավար Հ. Ուիլյոքը, առաջին քարտուղար Զ. Մաքնիլը հեռացան Իրանից և Անգլիայի ու Իրանի միջև դիվանագիտական հարաբերությունները փաստորեն խզվեցին: Այս պարագայում Աբբաս միրզան դիմեց ցարական կառավարությանը, խնդրելով Իրանին տրամադրել կարճժամկետ փոխառություն մոտ 100.000 ռուբլու չափով, փոխանցելով այն Լոնդոն Իրանի կողմից գնված անգլիական զենքի արժեքը վճարելու համար: 1822 թ. բանակցությունները ռուս-իրանական փոխառության վերաբերյալ և դրան նախորդած Ն. Ն. Մուրավյովի միսիայի ակտիվ գործունեությունը Իրանում (1821 թ.) առաջ բերեցին բրիտանական կառավարության բողոքը, որը Պետերբուրգի կաբինետին հաղորդվեց Անգլիայում ռուսական դեսպան Խ. Ա. Լիվենի միջոցով¹⁶¹:

Սակայն շնայած Անգլիայի դիմադրությունը, 1821—1823 թթ. իրանա-թուրքական պատերազմի շրջանում ռուս-իրանական քաղաքական և առավելապես տնտեսական հարաբերությունները նշանակալիորեն ակտիվացան: Նախ Ռուսաստանի արտաքին գործերի մինիստրությունը կովկասյան իշխանությունների կարգադրեց խստիվ և անշեղորեն պահպանել Գյուլիստանի պայմանագրի կետերը¹⁶²: Այնուհետև օգտվելով իրանա-թուրքական պատերազմից և Պարսից ծոցում անգլո-իրանական հարաբերությունների սրումից, որի հետևանքով ըստ էության դադարեց Իրանի առևտուրը ինչպես ծոցի երկրների, այնպես էլ Թուրքիայի հետ¹⁶³, Ռուսաստանը ձեռնարկեց մի շարք գործուն միջոցառումներ Իրանի հետ առևտուրը աշխուժացնելու համար: Նախ Իրանի սահմաններում նա վերացրեց մաքսային արգելքները և Անդրկովկասում սահմանեց արտոնյալ մաքսային ռեժիմ, որի հետևանքով ռուս-իրանական առևտուրը նշանակալիորեն աշխուժացավ: Այնուհետև, 1822 թ. ֆինանսների մինիստր Դ. Գուրևը կարգադրեց մաքսատներում իրանական ապրանքներից գանձել Գյուլիստանի պայմանագրով նախատեսված 5%-ի չափով մաքսատուրք¹⁶⁴:

Բացի այդ, 1822 թ. հուլիսի 1-ին ուժի մեջ մտավ Ալեքսանդր I-ի հրամանագիրը Ռուսաստանի տերիտորիայով դնպի Իրան արևմտասկզբնապական ապրանքների տարանցիկ առևտրի արտոնյալ մաքսատուրքեր

¹⁶¹ А. С. Семенов, *изд. шп., т. 74*:

¹⁶² *См. Записки Н. Н. Муравьева, «Русский архив», 1888, кн. I, стр. 77.*

¹⁶³ V. Fontanier, *Voyages en Orient, entreprises par ordre du gouvernement français, de l'année 1821 a l'année 1829, т. II, Paris, 1829, p. 76.*

¹⁶⁴ АКАК, т. VI, ч. 2, стр. 218.

սահմանելու մասին, որի նպատակն էր իրանական շուկայում ռուս-ֆրանսիական գրոհ կազմակերպելու Անգլիայի դիրքերի դեմ¹⁸⁵։ Վերոհիշյալ միջոցառումների հետևանքով իրանական վաճառականների քառավանները էրզրումից և Բաղդադից իրենց ճանապարհը շեղեցին դեպի Թիֆլիս։

Շահական կառավարությունն իր հերթին շահագրգռվածություն էր դրսևորում Ռուսաստանի հետ առևտրի ընդլայնման և առհասարակ Ռուսաստանի օգնությամբ իր ներքին տնտեսական դժվարությունները հաղթահարելու մեջ, որոնք առաջ էին եկել ներքին ցնցումների (1818—1819 թթ. ապստամբությունները Քրդստանում և Գիլանում), հարևան պետությունների հետ ռազմական ընդհարումների (1814—1818 թթ. Հերաթի խնդրով Աֆղանստանի հետ, 1818 թվականից Թուրքիայի հետ) և վերջապես 1818—1819 թթ. ծանր երաշտի հետևանքով։ Այդ հանգամանքը ստիպում էր շահին մասնակիորեն կատարել Գյուլիստանի պայմանագրի կետերը։

Սակայն շահական կառավարությունը բնավ մտադիր չէր երկարատև ժամանակաշրջանի համար բարելավել իր առևտրատնտեսական հարաբերությունները Ռուսաստանի հետ, որովհետև վերջինս իրանի համար շարունակում էր մնալ որպես համար առաջին քաղաքական ախոյան։ Պատահական չէ, որ ռուս-իրանական տնտեսական կապերի աշխուժացմանը չհետևեցին քաղաքական հարաբերությունների ակտիվացումը և ռուս-իրանական համագործակցությունը բնավ դուրս չէր դալիս երկրորդական նշանակություն ունեցող հարցերի շրջանակներից։

1821—1823 թթ. իրանա-թուրքական պատերազմի շրջանում իրանական դիվանագիտության գծի մանրազնին ուսումնասիրությունն անվերապահորեն բերում է այն համոզման, որ Ռուսաստանի հետ քաղաքական հարաբերություններում շահը աշխատում էր վարել սքողված թշնամանքի քաղաքականություն, մինչդեռ անգլիացիների մոտ աշխատում էր ստեղծել Ռուսաստանի հետ մերձեցման տպավորություն։ Այս երկդիմի քաղաքականության նպատակն էր անգլիացիներից ստանալ օգնություն Ռուսաստանի դեմ նոր պատերազմի նախապատրաստվելու համար։

Ի վերջո այս նկատառումները ստիպեցին շահական կառավարությանը նորմալացնելու իր լարված հարաբերություններն Անգլիայի հետ։ 1823 թ. կեսերին, երբ իրանա-թուրքական պատերազմը դեռ բռնկված չէր, շահը շարունակվում էր, Ֆաթհ Ալի շահը Շիրազի կառավարչի անու-

¹⁸⁵ Б. П. Балаян, *нշվ. աշխ.*, էջ 86—87։

նով հրապարակում է մի ֆարման, որով վերստին հաստատվում էին Անգլիայի առևտրական արտոնություններն Իրանում: Դրան անմիջապես հետևում է անգլո-իրանական մի առևտրական համաձայնագրի ստորագրում, որով վերջ էին տրվում Պարսից ծոցի շրջանում անգլո-իրանական վեճին և լարված հարաբերություններին¹⁶⁶:

Հատկանշական է, որ այս բանակցությունների ժամանակ կոնդուկտ էր գտնվում նաև թուրքական դեսպանը¹⁶:

Լոնդոնի համաձայնագիրը կնքվելուց հետո Իրանի և Թուրքիայի միջև սկսվում են նախնական բանակցություններ հաշտության պայմանագիր կնքելու վերաբերյալ: Թուրքիան մեծագույն շահագրգռվածություն էր դրսևորում արագ ավարտելու այդ բանակցությունները և շուտափույթ կերպով կնքելու հաշտություն, որպեսզի հնարավորություն չտանա իր բոլոր ուժերը նետելու Հունաստան այնտեղ ապստամբությունը ճնշելու համար:

¹⁶⁸ *Sh'u C U. Aitchison*. A collection of treaties, engagements, and sanads relating to India and neighbouring Countries. Calcutta, 1892, vol. XIII, p. 64.

198 АКАК. т. VI, ч. 2, стр. 293.

170 *Sty. A. Adomov. 524. 525. 526. 419:*

¹⁷¹ Н. А. Халфин, Борьба за Курдистан. (Курдский вопрос в международных отношениях XIX в.), М., 1963, стр. 36. *فريدون اسميت* *ش. ۱۲۱، ۲، ۳۱*، *محيي الدين محمد* *ش. ۱۲۱، ۴، ۲، ۳۱*،

տարածում գտած այն տեսակետը, որ իբր Աբրահամ իրզալի բանակում սկսված խռիբրայի համաճարակը ստիպեց նրան համաձայնվելու զորքերը ետ քաշել զրաված տեղիտորիաներից և սկսել հաշտության բանակցություններ, չի համապատասխանում իրականությանը:

Բացի վերոհիշյալ հանգամանքներից ի՞նչը ստիպեց իրանական կառավարությանը հրաժարվել Թուրքիայի դեմ բարեհաջող պատերազմում իր հաղթանակի պտուղները քաղելու հնարավորությունից:

Նախ, շահական կառավարությունը, որը դեռևս չէր հրաժարվել Անդրկովկասում իր տիրապետությունը վերականգնելու մտադրությունից և արդեն վերցրել էր Ռուսաստանի դեմ նոր պատերազմի նախապատրաստման կուրս, ձգտում էր առաջիկա այդ պատերազմի ընթացքում կամ հանդես գալ Թուրքիայի հետ համատեղ և կամ ժայրահեղ դիպքում Թուրքական սահմանի կողմից ապահովել իր թիկունքը: Դրա անհրաժեշտությունը թելադրվում էր նաև նրանով, որ Թուրքիայի հետ հաշտության կնքումը անգլիացիների կողմից դիտվում էր որպես պարտադիր պայման Իրանին ռազմական և ֆինանսական օգնություն ցույց տալու հարցում: Իսկ առանց այդ օգնության բացառվում էր նոր պատերազմը Ռուսաստանի դեմ:

Մյուս կողմից, Իրանում շարունակվող ներքին ցնցումները (էսամայիլիթների ապստամբությունը Յազդում, միրզա Խալիլ Օլլայի շարժումը Քերմանշահում, Թուրքմենների ապստամբությունը Խորասանում¹⁷² և այլն) ստիպում էին իրանական կառավարող վերնախավին անհապաղ դադարեցնել պատերազմը Թուրքիայի հետ և լրջորեն զբաղվել այդ ապստամբությունների ճնշման և երկրի ներքին կյանքը ինչ-որ չափով կայունացնելու հարցերով, որը կենսական անհրաժեշտություն էր Ռուսաստանի դեմ նախապատրաստվող ժանր պատերազմի նախօրյակին:

Բացի այդ, 1821—1823 թթ. պատերազմի շրջանում Իրանը որոշակիորեն կորցրեց իր ազդեցությունը ոչ միայն Թուրքիայի, այլև Իրանի քրդերի շրջանում, որոնց հետ կառավարող շրջանները մեծ հույսեր էին կապում Ռուսաստանի դեմ առաջիկա պատերազմում օգտագործելու խնդրում: Աբրահամ իրզալի բռնի միջոցառումները քրդական զանգվածներին ընդգրկելու իր բանակի շարքերը ուժգին դժգոհությունների տեղիք տվեցին ցեղերի շրջանում: Հետևանքը հանդիսացավ այն, որ, օրինակ, Բայազետի պաշարման ժամանակ Հայդերանլու ցեղի քրդերը զբոստվին ճանաչեցին Բ. Դուան իշխանությունը, իսկ Ռուսաստանին սահ-

¹⁷² بکرنگیان میجر حسین، ۲۷۴. աշխ., էջ 44—49.

մանակից մի շարք քրդական ցեղեր դիմեցին Կովկասի ռուսական իշխանություններին, խնդրելով թույլ տալ իրենց տեղափոխվելու Անդրկովկասում նոր նվաճված ռուսական տիրապետությունները և ընդունելու ռուսական հպատակություն¹⁷³:

Իրանա-թուրքական նախնական բանակցությունները ավարտվեցին հաջողությամբ և 1823 թ. հուլիսին Բուռֆ փաշան օսմանյան կառավարության կողմից և միջա Մոհամմադ Ալի Ալթինին Իրանի կողմից ժամանեցին էրզրում հաշտության պայմանագիր կնքելու համար¹⁷⁴:

Էրզրումի դաշնագիրը ստորագրվեց 1823 թ. հուլիսի 28-ին (1238 թ. Զիլզադեյի 19-ին)¹⁷⁵: Այն սուլթանի կողմից հաստատվեց նույն թվականի դեկտեմբերին, իսկ շահը ռատիֆիկացիայի ենթարկեց 1824 թ. հունվարին¹⁷⁶:

Պայմանագրի ներածական բաժնում նշվում էր, որ վերականգնվում են երկու պետությունների սահմանների պատերազմից առաջ եղած վիճակը, այսինքն՝ տերիտորիալ ստատուս-քվոն, կողմերը պարտավորվում են վերադարձնել ռազմագերիներին և այլն:

Իրանը պարտավորվում էր պայմանագիրը կնքելուց հետո 60 օրվա ընթացքում Թուրքիային վերադարձնել այն բոլոր հողերը, քաղաքները և գյուղերը, որոնք գրավել էր պատերազմի ընթացքում:

Պայմանագրի առաջին հոդվածում նշվում էր, որ կողմերը իրենց վրա պարտավորություն են վերցնում շմիջամտել միմյանց ներքին գործերին ընդհանրապես և Բաղդադի փաշալիքում և Քրդստանում մասնավորապես: Նկատի ունենալով սահմանամերձ շրջաններում քրդական ցեղերի անընդհատ տեղաշարժերը մի երկրից մյուսը և դրա հետևանքով երկու պետությունների միջև առաջացող անընդհատ վեճերը, նախատեսվում էր պայմանավորվածություն ձեռք բերել որոշելու համար նրանց կողմից արոտավայրերից օգտվելու հարկերի չափը:

¹⁷³ П. И. Аверьянов, *նշվ. աշխ.*, էջ 31:

¹⁷⁴ *آدمیت قیود*, *նշվ. աշխ.*, էջ 37:

¹⁷⁵ Այս պայմանագրի լրիվ տեքստը տե՛ս «Материалы для географин Азиатской Турции и Персии. Путевой журнал Е. И. Чирикова, русского комиссара-посредника по турецко-персидскому разграничению, 1849—1852», СПб., 1875, стр. 638—648. Պայմանագրի պարսկերեն բնագրի տեքստը տե՛ս *فرهادنامه*, *նշվ. աշխ.*, էջ 31—38:

¹⁷⁶ O. Schlechta-Wssehrd, *նշվ. աշխ.*, էջ 112:

Երկրորդ հոդվածում թուրքական կառավարությունը իր վրա պարա-
 ավորություն էր վերցնում Օսմանյան կայսրության տերիտորիայում
 գտնվող մահմեդական սրբավայրեր Մաքքե և Մադինե, ինչպես նաև շի-
 իթական սրբավայրեր Քարրալա և Նաշաֆ ուխտագնացության մեկնող
 պարսկահպատակների նկատմամբ վերաբերվել բարյացակամորեն և
 նրանցից ալլա չգանձել այնպիսի մաքսատուրքեր, ինչպիսիք են «գուր-
 ման», «բաշը» և այլն: Նախատեսվում էր նաև Օսմանյան կայսրությու-
 նում առևտուր անող իրանական վաճառականներից գանձել 4% -ի մաք-
 սատուրք, այսինքն այնքան, որքան գանձվում էր թուրքահպատակ վա-
 ճառականներից: Պայմանագրի այս կետը նպատակ ուներ խրախուսել
 իրանական ապրանքների ներմուծումը Օսմանյան կայսրություն և վե-
 րականգնել պատերազմի հետևանքով ընդհատված իրանա-թուրքական
 առևտուրը: Ընդ որում քանի որ Գյուլիստանի պայմանագրով նախա-
 տեսված էր Ռուսաստանում իրանական վաճառականներից գանձել 5% -ի
 մաքսատուրք, թուրքիան միտումնավոր կերպով այն իջեցնում էր, դարձ-
 նելով 4%, որպեսզի իրանական առևտուրը Ռուսաստանից շեղվի դեպի
 թուրքիա: Այս քաղաքականության արդյունքները չստիպեցին երկար
 սպասեցնել տալ իրենց: Տրապիզոն—էրզրում—Թավրիզ առևտրական ճա-
 նապարհով թուրքիայի և Անգլիայի հետ Իրանի առևտուրը կրկին աշ-
 խուժացավ և ընդհակառակը՝ Ռուսաստանի հետ կտրուկ նվազեց¹⁷⁷:

Քիչ ավելի ուշ անգլիացիները Տրապիզոնում և էրզրումում բաց
 արին անգլիական առևտրական ընկերությունների մշտական ներկա-
 յացուցչություններ, որոնք աննախընթաց չափով աշխուժացրին առև-
 տուրը ոչ միայն Իրանի, այլև նրա վրայով նաև Ասիայի ներքին շրջան-
 ների հետ¹⁷⁸:

Պայմանագրի երրորդ հոդվածը ամբողջապես նվիրված էր քրդա-
 կան հարցին: Նրա էությունը կայանում էր նրանում, որ արգելքներ
 ստեղծվեին քրդերի մեկ երկրից մյուսը կամայական տեղափոխություն-
 ների առջև և որոշեին այս կամ այն ցեղի հպատակության հարցը:

Չորրորդ հոդվածը, որը հանդիսանում էր երրորդի օրգանական
 շարունակությունը, նախատեսում էր ասանձահարել քրդերին և նրանց
 պահել իրենց հսկողության ներքո: Մասնավորապես նշվում էր, որ մեկ

¹⁷⁷ *Տե՛ս* Ю. Гагемейстер, О европейской торговле в Турции и Персии, СПб., 1838, стр. 94.

¹⁷⁸ *Տե՛ս* Burgess, A brief notice respecting the trade of the North provin-
 ces of Persia. „The Portfolio“, London, 1836, vol. X, p. 357—359; „Royal
 Central Asian Journal“, London, 1944, vol. LXXX, p. p. III—IV.

երկրից մյուսը փախչելու դեպքում տեղի իշխանությունները քրդերին չպետք է տրամադրեն հպատակություն կամ վերցնեն հովանավորության տակ:

Հինգերորդ հոդվածով կարգավորվում էր պատերազմի ընթացքում Օսմանյան կայսրության տերիտորիայում եղած պարսիկ վաճառականներից բռնագրավված ապրանքների հարցը: Վեցերորդ հոդվածը վերաբերում էր ժառանգության հարցերին և վերջապես յոթերորդ հոդվածում նշվում էր, որ «երկու պետությունների միջև բարեկամություն ամրապնդելու նպատակով» յուրաքանչյուր երեք տարին մեկ կողմերը պետք է միմյանց մոտ ուղարկեն իրենց ներկայացուցիչներին՝ վիճելի հարցերի վերաբերյալ բանակցելու նպատակով:

Երկու երկրների միջև սահմանները ճշտելու հարցում էրզրումի պայմանագիրը համարյա կրկնում էր 1639 թ. Զոհաբի պայմանագրի համապատասխան բաժինը: Բացառություն էր կազմում Զոհաբի շրջանի պատկանելության վերաբերյալ հարցը, որը 1639 թ. պայմանագրով անցնում էր Թուրքիային, մինչդեռ 1823 թ. էրզրումի դաշնագիրը կնքելու պահին այն գրավվել էր իրանի կողմից և վերջինս (ինչպես նաև Ախուրիքի շրջանը) ոչ մի գնով չհամաձայնվեց հանձնել Օսմանյան կայսրությանը¹⁷⁹:

էրզրումի պայմանագիրը ստորագրելուց անմիջապես հետո իրանը Օսմանյան կայսրությանը վերադարձրեց պատերազմի ընթացքում գրաված բոլոր քաղաքները, այդ թվում նաև Արճեշը, Մալազկերտը, Հախլաթը, Բաղեշը, Վանը, Բայազետը, Սուլեյմանիեն, Քիրքուքը, Մոսուլը և այլն¹⁸⁰:

Ռուսները կասկածներ ունեին, որ էրզրումի պայմանագիրը պարունակում է նաև գաղտնի մի հոդված, որով նախատեսվում է Թուրքիայի օգնությունը իրանին՝ ընդդեմ Ռուսաստանի: Այդ մասին Թավրիզից Երմոլովին ուղղված 1823 թ. օգոստոսի 5-ի նամակում գրում է Ամբուրգերը¹⁸¹: Հիշյալ տեղեկությունը հաստատվում է նրանով, որ էրզրումի պայմանագիրը ստորագրվելուց անմիջապես հետո հատուկ հանձնարարությամբ Կոստանդնուպոլիս է ուղարկվում ջահի ղեսպան միրզա Ֆայզ Օլլան, որը խնդրում է սուլթանի աջակցությունը «Ռուսաստանի դեմ ենթադրվող պատերազմում»: Ի պատասխան դրա, սուլթանը «իբր թե

¹⁷⁹ В. Ф. Минорский, Турецко-персидское разграничение, Пг., 1916, стр. 2—3.

¹⁸⁰ عبدالله رازی، تاریخ مغصل ایران، تهران، ۱۳۳۵ ص ۴۷۰

¹⁸¹ «Кавказский сборник», т. XXIV, стр. 1.

համաձայնվել է շահի առաջարկի հետ և խոստացել է նրան օսմանյան Դուան կողմից ամեն տեսակի օգնություն»¹⁸²:

Ռուս-իրանական պատերազմի նախօրյակին (1825 թ. հոկտեմբերին) դեսպանի լիազորություններով օժտված Դավիթ բեկ Մատուրյան մեկիք Շահնազարյանցը շահի կողմից ուղարկվում է Կոստանդնուպոլիս, որպեսզի հեղորդի Բ. Դուանը միավորվելու Պարսկաստանի հետ ընդդեմ Ռուսաստանի»¹⁸³, կամ այլ կերպ ասած հիշեցնել տա սովթանին իր վրա վերցրած դաշնակցային պարտավորությունները: Իրանական պատմաբան Զամիլ Դուղանլուն ևս հաստատում է էրզրումի պայմանագրում գաղտնի հոդվածի առկայությունը, ցավելով, որ այդ հոդվածը երկրորդ ռուս-իրանական պատերազմի շրջանում չգործադրվեց: Նա այդ պայմանագիրը գնահատում է որպես «փոխօգնության համաձայնագիր»¹⁸⁴:

Այսպիսով, ինչպես իրավացիորեն նշում է սովետական պատմաբան Լ. Ս. Սեմյոնովը, «Թեհրանի, Ստամբուլի և Լոնդոնի դաշինքը համարյա վերականգնվեց»¹⁸⁵: Գլխավորապես հանում այդ դաշինքի Իրանը հրաժարվեց տեղիտորիալ այն ձեռքբերումներից, որ նա ունեցել էր Արևմտյան Հայաստանում և Միջագետքում: Հետևաբար, նախահեղափոխական շրջանի ռուս պատմագրության (Վ. Պոտտո, Ա. Շերբատով, Ն. Դուբրովին¹⁸⁶ և այլն) այն տեսակետը, որ Իրանը հրաժարվեց իր նվաճած տեղիտորիաներից, վախճանվով, որ Թուրքիան Հունաստանից զորքեր կտեղափոխի ասիական ճակատ Իրանի դեմ նետելու համար, անընդունելի է և հեռու է իրականությունից:

1821—1823 թթ. իրանա-թուրքական պատերազմի դադարեցումը ունեցավ մի շարք լուրջ հետևանքներ Մերձավոր և Միջին արևելքի քաղաքական իրադրության վրա: Նախ Անգլիան վերստին վերականգնեց իր սասանված դիրքերը Իրանում և մասնավորապես Պարսից ծոցի շրջանում: 1823 թվականից նկատվում է Իրանում անգլիական գործակալության գործունեության աննախընթաց ակտիվացում: Բրիտանական դեսպանորդ Զոն Մակդոնալդը դառնում է Ֆաթհ Ալի շահի առաջին խորհրդականը: Իրանական բազմաթիվ բարձր աստիճանավորներ փաստորեն վերածվում են անգլիական միսիայի վարձու գործակալության: Այսպես,

¹⁸² Мадатов-Вельяминову, 6 апреля 1826, АКАК, т. VI, ч. 2, стр. 343.

¹⁸³ Տե՛ս „The Asiatic Journal“, vol. 22, 1826, p. 734.

¹⁸⁴ جميل قوزانلو، تاريخ نظامی ايران، جلد دوم، تهران ۱۳۱۵، ص ۸۴.

¹⁸⁵ Л. С. Семенов, նշվ. աշխ., էջ 84.

¹⁸⁶ В. Потто, նշվ. աշխ., հ. 3: А. П. Шербагов, նշվ. աշխ., Н. Ф. Дубровин, նշվ. աշխ.:

արտաքին գործերի ղեկավար Արու Հասան խանը գաղտնի կերպով անգլիացիներին սկսում է ստանալ տարեկան 3000 թուման¹⁸⁷։ Նույն կերպ վճարվում են նաև շահի առաջին միևիսոր Ալլայար խանը և շիթական հոգևորականության ազդեցիկ ղեկավար մոշթահեդ Սեյեդ Մոհամմազը։

Ռուսների ազդեցությունը, ընդհակառակը, կրկին գնում է դեպի անկում։ Իրանը նոր եռանդով սկսում է նախապատրաստվել պատերազմի Ռուսաստանի դեմ՝ դարձյալ ապավինելով Անգլիայի օգնությանը։

Միաժամանակ ուսումական կառավարության դիվանագիտական անհաջողությունները՝ հուլյն-թուրքական կոնֆլիկտին պետությունների կողմից միջամտություն կազմակերպելու գործում, թուրքիայում ընկալվեցին որպես միջազգային ասպարեզում Ռուսաստանի քաղաքական մեկուսացման հաստնացման հայտանիշ։ Դրա հետևանքով Օսմանյան կայսրության կառավարող շրջանների մոտ ռևանշիստական տրամադրությունները կրկին ուժեղացան, որոնք իրենց արտահայտությունը գտան Ռուսաստանի հետ կնքված նախկին պայմանագրերը վերանայելու ձգտման մեջ ոչ միայն նեղուցների ռեժիմի և դանուրյան իշխանությունների ստատուսի, այլև կովկասյան սահմանների հարցում¹⁸⁸։

Թուրքական այդ քաղաքականության դրսևորումներից մեկը հանդիսացավ նաև այն, որ Բ. Դուռը Լոնդոնի հետ համատեղ աշխատում էր հավաստիացնել շահին, որ առաջիկա ուս-իրանական պատերազմի դեպքում Թուրքիան անվերապահորեն հանդես կգա Իրանի դաշնակցի դերում։ «Մահմուդ II-ը,—գրում է Ա. Դերիդուրը,—նախապես հաշվի էր առնում այն օգուտները, որոնք Թուրքիային կարող էր տալ այդ պահին հաստնացող կոնֆլիկտը Ռուսաստանի և Պարսկաստանի միջև և խորհուրդներ տալով Թեհրանի արքունիքին, անկասկած, անում էր հնարավոր ամեն ինչ, որպեսզի այդ բախումը դառնա անխուսափելի»¹⁸⁹։

Իսկ Անգլիան հրահրելով ուս-իրանական պատերազմ, ձգտում էր Ռուսաստանին ջնդել մերձավորարևելյան պրոբլեմներից և բացի այդ կանխել նրա ռազմական ելույթի հնարավորությունը Թուրքիայի դեմ։ Անգլիական դիվանագիտությունը մասամբ հաջողվեց հասնել այդ նպատակին, քանի որ ուս-իրանական պատերազմը նշանակալիորեն արգելակեց դիվանագիտական այն գրոհի զարգացումը, որ նիկոլայ I-ը ձեռնարկել էր Օսմանյան կայսրության դեմ։

¹⁸⁷ АКАК, т. VI, ч. 2, № 573. Վացենկոյի 1825 թ. հունիսի 11-ի ղեկուցագիրը։

¹⁸⁸ А. В. Фадеев, Россия и восточный кризис 20-х годов XIX в., Москва, 1958, стр. 97.

¹⁸⁹ А. Дебидур, նշվ. աշխ., հ. 1, էջ 259։

Ռուսաստանի գահը ստանձնելուց ընդամենը երկու ամիս անց, 1826 թ. մարտի 17-ին Նիկողայ I-ը հրամայեց սուլթանին հանձնել վերջնագիր (Մինչակիի նոտան), որը վկայում էր այն մասին, որ Ռուսաստանը մտադիր է Օսմանյան կայսրության հետ իր բազում վեճերը լուծել պատերազմի միջոցով: Անտարակույս, այս վերջնագիրը է՛լ ավելի էր մեծացնելու Մահմուդ II-ի շահագրգռվածությունը ուս-իրանական պատերազմի շուտափուլից բռնկման ուղղությամբ, որը կստիպեր Ռուսաստանին ավելի զիջող լինել Մերձավոր արևելքի հարցերում և ապա ալգ պատերազմը հնարավորություն կտար կայսրությունում վերջնականապես վերացնել լեռնաշղթաների զորամիավորումները և ավարտել նոր, եվրոպական տիպի կանոնավոր բանակի ստեղծումը: Բնականաբար, սուլթանը շահագրգռված էր նաև Ռուսաստանի դեմ առաջիկա պատերազմում համազործակցել շահի հետ: Պատահական չէ, որ ուս-իրանական պատերազմի նախօրյակին, Մահմուդ II-ը հետևողականորեն սկսում է համոզել Ֆաթհ Ալի շահին, որ ինքը պատրաստվում է շուտով պատերազմելու Ռուսաստանի դեմ, դրանով իսկ աշխատելով հնարավորին չափ արագացնել Իրանի ելույթը:

Այսպիսով, Օսմանյան կայսրության և Մեծ Բրիտանիայի դիվանագիտական ջանքերի շնորհիվ ուս-իրանական նոր պատերազմի բռնկումը նշանակալիորեն արագացավ:

1826 թ. հունիսի 23-ին անգլիացիների կողմից հրահրվող իրանական բարձր հոգևորականությունը հրապարակեց ֆեթվա Ռուսաստանի դեմ «սրբազան պատերազմի» մասին, իսկ նույն ֆեթվանի հուլիսին իրանական բանակը անակնկալ հարձակում գործեց ուսական զորքերի վրա:

Ռուս-իրանական այս նոր պատերազմը նշանակալիորեն ընդլայնեց արևելյան ճգնաժամի շրջանակները, տարածվելով նաև Միջին արևելքի վրա և նպաստեց այդ ճգնաժամի է՛լ ավելի սրմանը:

Պատերազմի հենց սկզբում իրանական կառավարող շրջանները բացահայտ կերպով սկսեցին դրսևորել իրենց համերաշխությունը Թուրքիայի հետ: Այսպես, Երևանի սարդար Հոսեյն խանը իր բանակի առեւտրությունը Ռուսաստանի դեմ բորբոքելու նպատակով հայտարարում է, որ «ոտաններ խրախուսում են հույներին ոչնչացնելու Թուրքերի իշխանությունը և վերականգնելու հունական թագավորությունը»¹⁹⁰: Միանգամայն ակնհայտ է սարդարի ձգտումը Ռուսաստանի դեմ պատերազմին հաղորդելու իսլամի պաշտպանության համար «սրբազան պատերազմի» բնույթ:

¹⁹⁰ А. В. Фадеев, *Изд. азерб.*, էջ 145:

Թուրք-իրանական մահմեդական համերաշխության և համատեղ շահախափի հարցը լրջորեն մտահոգում է ռուսական իշխանություններին։ Պատահական չէ, որ Ա. Պ. Նրմոլովը ցարին ուղղված իր հաղորդագրություններին մեկում գրում է. «Պարսիկների կողմից մեր դեմ սկսված պատերազմը կարող է օտոմանյան Դուռը ևս մղել նույնպիսի քայլի։ Կգտնվեն դաշնակիցներ (իմա՝ անգլիացիները—Վ. Բ.), որոնք կներշնչեն նրան (սուլթանին—Վ. Բ.), որ անհրաժեշտ է օգտվել ստեղծված իրադրությունից, որ պարսկական պատերազմը կշեղի մեր զորքերի մի մասին և դրանով իսկ կհեշտացնի թուրքական բանակների գործողությունները մեր դեմ»¹⁹¹։ Այդ տիպի ներշնչումները ցայտուն ձևով դրսևորվեցին Ակկերման քաղաքում 1826 թ. հուլիսի 1-ին սկսված ռուս-թուրքական բանակցությունների ժամանակ, որտեղ թուրքական պատգամաորությունը դիմում էր բանակցությունների ձգձգման կամ ռուսական առաջարկությունները սարքոտափի ենթարկելու տակտիկային, համոզված լինելով, որ պատերազմը Իրանի հետ կկաշկանդի ռուսներին և հնարավորություն չի տա նրանց Թուրքիայի նկատմամբ կենսագործելու վճռական գիծ։ Այդ տեսակետը լրիվ բաժանվում էր անգլիացիների կողմից։ 1826 թ. սեպտեմբերին Ա. Վելլինգտոնը Ջ. Մալկոլմին ուղղված իր գաղտնի նամակում գրում է, որ «պարսիկների հարձակումը» հավանաբար Ռուսաստանին կդարձնի «ավելի չափավոր Ակկերմանում վարած բանակցությունների ժամանակ»¹⁹²։

Այսպիսով, և՛ Թուրքիան, և՛ Անգլիան Իրանի հաշվին աշխատում էին կարգավորել սեփական գործերը։ Մինչդեռ Իրանը՝ իր համար միանգամայն անբարենպաստ պայմաններում մտավ այդ վտանգավոր պատերազմի մեջ, մեծ հույսեր կապելով Թուրքիայի միաժամանակյա ելույթի և Անգլիայի ռազմական ու ֆինանսական օգնության հետ¹⁹³։

1826 թ. սեպտեմբերին Շամխորի և Նիզամվետպոլի (Գյանջա) տակ Աբբաս միրզայի բանակի կրած պարտությունը ստիպեց Թուրքիային արագացնել Ակկերմանի կոնվենցիայի ստորագրումը (1826 թ. սեպտեմբերի 25-ին)։

Այսպիսով, հակառակ իրենց բոլոր խոստումներին, Թուրքիան և Անգլիան լքեցին Իրանին, նրան մեն-մենակ թողնելով ահարկու հակառակորդի դեմ։

¹⁹¹ Նույն տեղում։

¹⁹² W. Kaye, The life and correspondence of J. Malcolm, vol. II, London—Bombay, 1856, p. 450.

¹⁹³ Л. С. Семенов, նշվ. աշխ., էջ 109.

Այն բանից հետո, երբ Թուրքիան սերժեց պետութիւնների պահանջը Հոնաստանին ինքնավարութիւն տրամադրելու վերաբերյալ, նրա և եռյակ դաշինքի միջև հարաբերութիւնները խիստ սրվեցին: 1827 թ. հոկտեմբերի 20-ին Անգլիայի, Յրանսիայի և Ռուսաստանի միացյալ նավատորմը նավարինի ծովախորշում ջախջախեց Թուրք-եղիպտական նավատորմը: Այդ պարտութիւնը է՛լ ավելի մեծացրեց սուլթան Մահմուդ II-ի շահագրգռվածութիւնը ոռա-իրանական պատերազմի շարունակման մեջ, հետաձգելու համար Ռուսաստանի հարվածը Թուրքիային: Պատահական չէ, որ երբ 1827 թ. ռազմական կամպանիայի ընթացքում իր կրած խոշոր անհաջողութիւնների հետեանքով իրանը ստիպված եղավ ոռանների հետ բանակցութիւններ վարել հաշտութիւն պայմանագիր կնքելու համար, սուլթանը համոզում էր շահին շղթիմել այդ քայլին և շարունակել պատերազմը¹⁹⁴: Այդ մասին տվյալներ բերելով, Ալի Աբբար Բինան գրում է. «Երբ հաշտութիւն պայմանագրի նախագծի բովանդակութիւնը հաղորդվեց Թեհրան, շահը գրտնըվում էր օսմանյան կառավարութիւն ազդեցութիւն ներքո և հավանութիւն շտվեց այդ նախագծին»¹⁹⁵, Նշված փաստը հաստատվում է նաև այլ տվյալներով. հիմնվելով Կոստանդնուպոլսում ավստրիական դեսպան Օտտենֆելսի հաղորդագրութիւն վրա, ավստրիական դիվանագետ Ֆ. Գենտցը նշում է. «Թուրքիայում մեծ հույսեր են կապում Պարսկաստանի հետ Ռուսաստանի զինադադարի խզման կապակցութիւնմբ, որովհետև շահը շի հաստատել իր լիազորների կողմից ստորագրած հաշտութիւն նախնական պայմանները»¹⁹⁶:

Իսկ ոռա դիվանագետ Մ. Մինչակին գրում է. «Բ. Դոռը շատ է ցանկանում, որ Դեհարզանում բանակցութիւնները խզվեն»¹⁹⁷:

1827 թ. դեկտեմբերի 20-ին Թուրքիան շեղյալ հայտարարեց Ակկերմանի համաձայնագիրը: Սուլթանը հրապարակեց դիմում, ուղղված նահանգների կառավարիչներին, որտեղ նա կոչ էր անում բոլոր մահմեդականներին ոտքի կանգնել իսլամը և կայսրութիւնը պաշտպանելու համար: Ռուսաստանը այդ քայլը գնահատեց որպես իր դեմ ուղղված թշնամական միջոցառում և 1828 թ. ապրիլի 26-ին պատերազմ հայտարարեց Թուրքիային:

¹⁹⁴ А. Дебидур, նշվ. աշխ., հ. 1, էջ 273—274:

¹⁹⁵ علی اکبر بیجا, նշվ. աշխ., հ. 1, էջ 240—241:

¹⁹⁶ АВПР, ф. Канцелярия, 1828, д. 854, л. 89.

¹⁹⁷ АВПР, ф. Канцелярия, 1828, д. 859, л. 47.

Ռուս-թուրքական այս պատերազմը մեծ տազնապ առաջ բերեց Անգլիայի և Ֆրանսիայի կառավարութիւններին մեջ, որովհետեւ նրանք կասկածներ չունեին Ռուսաստանի հաղթանակի մեջ և վախենում էին, որ նա միանձնյա կերպով կլուծի հոմական հարցը:

Ռուսաստանի գեմ դիմադրութիւնը կորովի դարձնելու նպատակով Անգլիան կրկին ձեռնամուխ է լինում Իրանի և Թուրքիայի ռազմական ջանքերի միավորմանը: Նախ նա աշխատում է հասնել նրան, որ ռուսական զորքերը դուրս բերվեն Իրանական Ասորպատականից, որպեսզի ապահովվեն թուրքական բանակի թեւերը Արևմտյան Հայաստանում և Քրդստանում և պայմաններ ստեղծվեն իրանական և թուրքական բանակների միավորման համար: Այնուհետև, Թեհրանում անգլիական դեսպան Մակդոնալդը և Աբբաս միրզան սկսում են կանոնավոր կապեր պահպանել Թուրքիայի հետ, որն իր հերթին Վանի, էրզրումի և Կարսի շրջաններում սկսում է զորքեր կենտրոնացնել և առաջարկում է դրանք միավորել իրանական բանակի հետ¹⁹⁸:

Ռուս-թուրքական պատերազմի նախօրյակին և ընթացքում Բ. Դռան կողմից իրականացված դիվանագիտական քայլերը զալիս են հաստատելու այն փաստը, որ նա մեծ հույսեր էր կապում ոչ միայն Անգլիայի ու Ավստրիայի, այլև Իրանի օգնութեան հետ: Եվ դա հակառակ այն բանին, որ Օսմանյան կայսրութեան ֆեոդալա-պահպանողական շրջանների որոշ ներկայացուցիչներ, ինչպես, օրինակ, Մաքքեի և Մադինեի պահ-նորդ, բարձրաստիճան հոգևորական Քեջիշիզադե Իզզեթ մուլան և այլն, լինելով ավելի զգուշ ու հեռատես և զգաստորեն գնահատելով կայսրութեան ներքին վիճակը, խորհուրդ էին տալիս սուլթանին առաջին հերթին հենվել երկրի սեփական ուժերի վրա և մեծ հույսեր չկապել պետութիւնների օգնութեան հետ, որոնք, նրանց կարծիքով, կա՛մ զբաղված էին իրենց սեփական պրոբլեմներով, ինչպես Իրանը, և կա՛մ իրենք էին պատրաստ առիթի դեպքում զավթելու օսմանյան տիրույթները, ինչպես Անգլիան, Ավստրիան և Ֆրանսիան¹⁹⁹:

Սակայն նման տեսակետները չէին բաժանվում թուրքական կառավարող շրջանների մեծամասնութեան կողմից: Պատահական չէ, որ Ռուսաստանի և Իրանի միջև 1828 թ. փետրվարի 10-ին, Թուրքմենչայի հաշտութեան պայմանագրի կնքման լուրը ունեցավ ջղախանցնող ներգործութիւն և մեծ տազնապ առաջ բերեց Կոստանդնուպոլսում: 1828 թ.

¹⁹⁸ Б. П. Балаян, *нշվ. աշխ.*, էջ 216:

¹⁹⁹ В. И. Шеремет, Турция и Адрианопольский мир 1829, Москва, 1975, стр. 42.

մարտին թուրքական մայրաքաղաքից ռուսական դիվանագետները հաղորդում էին, որ «այնտեղ վախենում են, որ ռուսները դեսանտ կհանեն Անատոլիայի ափերը և Պասկելի բանակը կներխուժի թուրքական տերիտորիա»²⁰⁰:

Նույնիսկ թուրքմենշայի պայմանագրի կնքումից հետո Բ. Դուռը իր հուլյսերը չէր կտրում նրանից, որ Իրանը կշարունակի պայքարը Ռուսաստանի դեմ: Այդ մասին է վկայում հետևյալ փաստը. 1828 թ. ապրիլին Ռուսաստանի հետ կնքած հաշտությունը շնորհավորելու պատերվակով Թեհրան է մեկնում դեսպանորդի լիազորություններով օժտված թուրքական մի դիվանագետ, որին իրականում հանձնարարված էր շահին առաջարկել դաշինք՝ Ռուսաստանի դեմ: Նրա խնդիրն էր նաև հնարավորության սահմաններում չեղքացնել Աբրաս միրզայի հակաթուրքական տրամադրությունները²⁰¹: Այդ բանակցություններին անմիջական մասնակցություն էր ցուցաբերում նաև անգլիական դեսպան Զ. Մակդոնալդը²⁰²: Մաքնեյլի հաղորդած տեղեկությունների համաձայն շահը, սակայն, անվստահություն է հայտնում թուրքական առաջարկների նկատմամբ, կտրականապես մերժելով ռազմական դաշինքի վերաբերյալ առաջարկը²⁰³: Իր այդ գիծը նա պատճառաբանում է նրանով, որ հակառակ բազմաթիվ խոստումների, Իրանի համար ճգնաժամային պահերին իր պետությունը թուրքիայից ոչ մի անգամ չի ստացել ռեալ օգնություն: Իրականում շահական արքունիքին զգաստացնում էր թուրքմենշայի պայմանագրի խախտման ծանր հետևանքների հեռանկարը և ռուսական զինքի հաղթանակի նկատմամբ կասկածներ չունենալը: Բացի այդ, մի շարք անուղղակի փաստեր վկայում են այն մասին, որ Աբրաս միրզայի և նրա շրջապատի մարդկանց մոտ հասունանում էր այն միտքը, որ թուրքիայի ծանր վիճակը հիանալի հնարավորություններ է ստեղծում Իրանի համար տարածքային փոխհատուցում որոնելու Օսմանյան կայսրության հաշվին: Ըստ երևույթին տեղյակ լինելով Աբրաս միրզայի այդ մտորումներին, Քարալայի գլխավոր մոշթահեղը և Իրաքի մի շարք արաբական շեյխեր դիմում են գահաժառանգին, հայտնելով, որ իրենք ցանկանում են ապստամբել թուրքերի դեմ և անջատվել սուլթանից, պայմանով սակայն, որ Աբրաս միրզան թեկուզև մի ոչ մեծ բանակ ուղարկի Բաղդադի փաշալիք: Նույնպիսի ա-

²⁰⁰ ЦГВИА, ф. ВУА, д. 996, ч. I, л. 4.

²⁰¹ Նույն տեղում, թ. 40: ЦГИА, ф. 1018, оп. 2, д. 315, л. 2.

²⁰² АКАК, т. VII, стр. 633.

²⁰³ Նույն տեղում, էջ 635:

առաջարկով Աբբաս միրզային դիմում էր Սուլեյմանիեի Մոհամմադ (Մահմուդ) փաշան, խոստանալով նույնիսկ ֆինանսավորել այդ արշավանքը երկու քուրդու գումարով: Դեպքերին քաջատեղյակ Գրիբոյեդովը գրում է, որ Աբբաս միրզան պարզապես զորքեր չունի, հակառակ դեպքում նա չէր հապաղի և ընդառաջ կգնար այդ առաջարկներին²⁰⁴: Որոշակի տվյալներ կան նաև այն մասին, որ Աբբաս միրզան ծրագրել էր այդ հարցի կապակցությամբ կապերի մեջ մտնել Ռուսաստանի հետ: Մասնավորապես նա մտադիր էր անձամբ մեկնել Պետերբուրգ և ռուսական կառավարությանը առաջարկել ռազմական դաշինք Թուրքիայի դեմ²⁰⁵:

Հաշվի առնելով այն հանգամանքը, որ Թուրքիայի հետ դաշինքի մերժումը, առավել ևս Աբբաս միրզայի վերոհիշյալ տրամադրությունները, որոնք, անշուշտ, գաղտնիք չէին կարող հանդիսանալ Թեհրանում և Թավրիզում վիստող անգլիական գործակալության համար, կարող են սրել անգլո-իրանական հարաբերությունները, Ֆաթհ Ալի շահը անորոշ և մանվածապատ խոստումներ էր տալիս Թեհրանում գտնվող թուրքական դեսպանորդին, որ իրանը Բ. Դուսնը կցուցաբերի դիվանագիտական օգնություն²⁰⁶, բնավ չպարզաբանելով, թե դա ինչպես, ինչ հարցերում և ինչպիսի ձևերով պետք է կատարվի: Հավաստելու համար, որ իր խոստումն անկեղծ է, շահը 1828 թ. Թուրքիա է ուղարկում ոմն Սադեգ խանի, որն ավարտել էր անգլիական Օստ-Լնդակալան ընկերության կոլեջը և այդ առումով խիստ հարմար էր շահի համար, որովհետև, անտարակույս, կապված էր անգլիացիների հետ և վերջիններս կասկածներ չէին կարող ունենալ նրա միսիայի և գործելակերպի նկատմամբ: Իսկապես, իրենց այդ գործակալի միջոցով անգլիացիները սկսում են Կոստանդնուպոլսից ստանալ ռատույզ տեղեկություններ²⁰⁷:

Համոզվելով, որ շահը խուսանավում է և այդ պարագաներում դժվար թե Թուրքիայի և իրանի միջև ուղղակի բանակցությունները հանգեցնեն որևէ արդյունքի, բրիտանական կառավարությունը որոշում է մտնել խաղի մեջ և գործը ամբողջապես վերցնել իր ձեռքը: 1828 թ. աշնանը պրեմիեր—մինիստր Ա. Վելլինգտոնը այդ ուղղությամբ ծավա-

²⁰⁴ Այդ մասին տե՛ս А. П. Щербатов, *нзл. աշխ.*, 4. 3, էջ 103: Б. П. Балаян, *нзл. աշխ.*, էջ 236—237.

²⁰⁵ АВІР, ф. «Консульство в Тавризѣ», 1829, д. 4, папка 2, лл. 116—118. (Ծիտված է ըստ Б. П. Балаян, *нзл. աշխ.*, էջ 237): Տե՛ս նաև՝ АКАК, т. VII, стр. 654, 660—661.

²⁰⁶ А. П. Щербатов, *нзл. աշխ.*, 4. 3, էջ 110—111:

²⁰⁷ ЦГВИА, ф. ВУА, д. 996, ч. I, л. 118 об; ЦГИА, ф. 1018, оп. 2, д. 315.

յում է բռնան գործունեություն, աշխատելով օգտագործել իր տրամադրության տակ գտնվող բոլոր լծակները: Նրա հրահանգով Օստ-Նեդկական ընկերության հսկողական խորհրդի նախագահ է. էլլենբորոն անմիջապես մոբիլիզացնում է իր նյութական և դիվանագիտական հնարավորությունները շահի վրա ճնշում գործադրելու նպատակով²⁰⁸, իրանում անդրիական գործակալությունը կապեր է հաստատում Անատոլիայի թուրքական փաշաների և քրդական ցեղերի առաջնորդների հետ և այլն: Պասկելի ճշգրտում է անգլիական դիվանագետների կասկածելի շրջագայությունների մասին Մուշում, Մալադկերտում և այլն և նրանց ակտիվության մասին ռազմական գործողությունների կովկասյան թատերաբեմում²⁰⁹, իսկ Ջ. Մակդոնալդը Թեհրանում հայտարարում է, որ եթե շահը պատերազմ հայտարարի թուրքիային, Անգլիան անմիջապես հանդես կգա իրանի դեմ²¹⁰:

Տեղյակ լինելով այս բոլորին, ինչպես նաև Աբբաս միրզայի հակաթուրքական տրամադրություններին, Պետերբուրգը, սակայն, աշխատում էր ռուս-թուրքական պատերազմում ապահովել լոկ իրանի չեղոքությունը, ոչ մի փորձ չկատարելով Օսմանյան կայսրության դեմ ռուս-իրանական ռազմական դաշինք ստեղծելու ուղղությամբ: Նեսսելրոդեն կարգադրել էր Գրիբոյեդովին, իսկ մինչ այդ նաև Ամբուրգերին «պատշաճ ձևով մերժել Աբբաս միրզայի նման առաջարկությունները»²¹¹:

Ցարական կառավարող շրջանների և անձամբ արտաքին գործերի մինիստրի այս պասսիվ և անընդունելի գիծը սուր քննադատության է ենթարկվում Ա. Գրիբոյեդովի կողմից: Նա գտնում է, որ նախ անհրաժեշտ է կնքել ռուս-իրանական ռազմական դաշինք, իսկ այնուհետև հասնել նրան, որ նույնպիսի դաշինք ստեղծվի իրանի և Միջագետքի հակաթուրքական տրամադրություններ ունեցող շրջանների միջև: Գրիբոյեդովի կարծիքով, դա մեծապես կթեթևացներ Ռուսաստանի պատերազմը թուրքիայի դեմ: Պասկելիին գրած իր 1828 թ. դեկտեմբերի 3-ի նամակում նա համարձակ կերպով շարադրում է իր վերոհիշյալ ծրագիրը, հատկապես շեշտելով, որ Ռուսաստանի շահերի տեսակետից միանգամայն կարևոր է Աբբաս միրզային զինել ընդդեմ թուրքերի: Նա նույ-

²⁰⁸ Տե՛ս A. Wellington, Despatches correspondence and memoranda, vol. V. London, 1873, pp. 115—120, 151—162; է՝ էլլենբորոյի օրագրից քաղվածքները տե՛ս С. В. Шостакович, Дипломатическая деятельность А. С. Грибоедова, М., 1960, стр. 227—228.

²⁰⁹ А. П. Щербатов, նշվ. աշխ., հ. 4, ՍՊՐ, 1896, էջ 103:

²¹⁰ С. В. Шостакович, նշվ. աշխ., էջ 207:

²¹¹ АКАК, т. VII, стр. 622, 669.

նիսկ հուշում է Պասկևիչին այդ առթիվ ուղղակի դիմել Նիկոլայ I-ին²¹², Գրիբոյեդովի առաջարկություններում պարունակվում էր նաև կոնկրետ ստորատեգիական պլան՝ ռուսական և իրանական զինված ուժերի համատեղ գործողությունների շնորհիվ էրզրումը և Բաղդադը գրավելու վերաբերյալ²¹³:

Սակայն տաղանդավոր դիվանագետի այս առաջարկությունները մնացին անհետևանք: Քաջ տեղյակ լինելով հարցի վերաբերյալ Պետերբուրգի կարծիքին, Պասկևիչը Գրիբոյեդովին գրած իր 1828 թ. դեկտեմբերի 5-ի նամակում համոզում է նրան հրաժարվել հակաթուրքական ռուս-իրանական դաշինքի կնքման ուղղությամբ ճակտիվ առաջարկություններից²¹⁴:

Պասկևիչը, սակայն, դեմ չէր, եթե Իրանը ինքնուրույն կերպով, առանց Ռուսաստանի հետ դաշինքի, ռազմական գործողություններ ըսկըսեր Թուրքիայի դեմ: Այդ դեպքի համար նա ուներ համակողմանիորեն մշակված մի ժրագիր: Նրա կարծիքով, Բաղդադի ուղղությամբ իրանական բանակի ռազմական գործողությունները արաբական շեյխերի հետ սերտ համագործակցության պայմաններում կունենար այն հետևանքը, որ ռուսների կողմից էրզրումը գրավելուց հետո հնարավոր կլիներ նախ Դիարբեքիրը պահել ներխուժման սպառնալիքի տակ, այնուհետև ըսպառնալ Սիրիային և այստեղ միավորվելով Թուրքերի դեմ պայքարող վահաբիթների հետ, սպառնալ նաև Մաքքեյին և Մադինեյին: Ռուսաստանի և Իրանի դեմ միաժամանակյա ծանր պատերազմը Թուրքիայում առաջ կբերեր ներքին խլրտումներ, որը հնարավորություն կտար ռուսներին Անատոլիայում Թուրքական կառավարության դեմ ոտքի հանել բնակչության դժգոհ տարրերին (իմա՝ հայերին և քրդերին—Վ. Բ.):

Այն դեպքում, եթե Աբբաս միրզան չհամաձայնվեր պատերազմ սկսել Թուրքիայի դեմ, Պասկևիչը գտնում էր, որ անհրաժեշտ է գեթ համոզել նրան, որպեսզի նա Բաղդադի ուղղությամբ կատարի զորքերի որոշ տեղաշարժ, որի հետևանքով Բաղդադի փաշայության զորքերը գամված կմնան տեղում, և օսմանյան կառավարությունը ի վիճակի չի լինի դրանք ուղարկել կովկասյան ճակատ՝ ռուսների դեմ:

Գրիբոյեդովին գրած իր այս նկատառումները հաղորդելով Պետերբուրգ, Պասկևիչը ավելացնում էր, որ Աբբաս միրզային կարելի է ներ-

²¹² Б. П. Балаян, *նշվ. աշխ.*, էջ 237.

²¹³ АКАК, т. VII, № 629.

²¹⁴ Այդ նամակի լրիվ տեքստը տե՛ս «Кавказский сборник», т. XXX, стр.

գրավել թուրքերի դեմ պատերազմի մեջ, խոստանալով նրան Բաղդադի փաշայությունը, կամ Վանը և Մուշը: Սակայն իսկույն անում էր վերապահում, որ դա կարելի է անել միայն այն դեպքում, երբ Անգլիան սուլթանի կողմից հանդես դա Ռուսաստանի դեմ:

Ի պատասխան այս հարցադրման Նեսսելրոդեն հայտարարեց Պասկելիչին, որ Ռուսաստանը հիմքեր չունի կասկածելու լոնդոնի կաբինետի կողմից «մեր նկատմամբ ինչ-որ թշնամական մտադրությունների մեջ»²¹⁵:

Սրանով արտաքին գործերի մինիստրը հարցը փակում էր: Բեռնի կողայ I-ը և Նեսսելրոդեն Գրիբոյեդովին ուղղած իրենց հրահանգում հավաստում էին Ռուսաստանի շահագրգռվածությունը իրանա-թուրքական կոնֆլիկտի բռնկման ուղղությամբ²¹⁶, սակայն դրան հասնելու համար ոչ մի գործնական ցուցում չէր տրվում ռուսական դեսպանորդին:

Անշուշտ, թուրքերի, առավել ևս անգլիացիների աչքից չէր կարող վրիպել ո՛չ Աբբաս միրզայի հակաթուրքական տրամադրությունները և ո՛չ էլ Ռուսաստանի ջահագրգռվածությունը թուրք-իրանական պատերազմի բռնկման հարցում: Այդ պատճառով Կոստանդնուպոլսում որոշեցին օգտվել Պետերբուրգի պասսիվությունից և ապահովագրել իրենց թուրք-իրանական բախման միանգամայն անցանկալի հետևանքներից: Բ. Դուռը ձեռնամուխ է լինում տենդագին գործունեության. մասնավորապես 1828 թ. դեկտեմբերի վերջին և 1829 թ. հունվարի սկզբին թուրքերը Թավրիզ՝ Աբբաս միրզայի մոտ են ուղարկում իրենց ներկայացուցիչ Թաիբ էֆենդիին, որը գալթակղեցուցիչ և շռայլ առաջարկություններ է անում գահաժառանգին, հատկապես խոստանալով Իրանի կողմից Կովկասում թուրքերի ռազմական ջանքերին աջակցություն ցույց տալու դեպքում փոխհատուցել Ռուսաստանին վճարված ռազմատուգանքի գումարը (18 քուրուր) և ջահին վերադարձնել Թուրքմենչայի պայմանագրով կորցրած տերիտորիաները: Այդ նույն ոգով Կոստանդնուպոլսում ռեիսուլեյուլթաբ Պերթե փաշան համապատասխան «մշակման» էր ենթարկում շահի դեսպանորդ Մեհմեդ Շարիֆ Շիրվանիին²¹⁷:

1829 թ. հունվարի 30-ին (փետրավարի 11-ին) Թեհրանում ռուսական միսիայի ջախջախումը և Գրիբոյեդովի սպանությունը Կոստանդնուպոլսում ընդունվեց որպես բերկրալի լուր: Անմիջապես գումարվեց

²¹⁵ Նույն տեղում: Տե՛ս նաև՝ Բ. Մ. Балахан, նշվ. աշխ., էջ 240:

²¹⁶ «Кавказский сборник», т. XXX, стр. 110.

²¹⁷ *Tarihî Lâtfi*, c. 2, İstanbul, 1290, s. 20—21: ЦГВИА, ф. ВУА, д. 4470, л. 70 об; АВПР, ф. Главный архив, 1—9, д. 13, ч. IX, л. 132—132 об.

Դիվանի նիստ, որտեղ քննարկվում էր այդ իրադարձության հնարավոր հետևանքների հարցը: Կոստանդնուպոլսում ենթադրում էին, որ ռուսական միսիայի ջախջախումը տեղիք կտա եթե ոչ պատերազմի, համենայն դեպս Ռուսաստանի և Իրանի միջև դիվանագիտական հարաբերությունների խզման, որը հնարավորություն կտա փոխել Թուրքմենչայի պայմանագրի պայմանները և արգելք կհանդիսանա ռուսական զորքերի առաջխաղացմանը ռազմական գործողությունների փոքրասիական թատերաբեմում²¹⁸: Ենթադրվում էր նաև, որ Ռուսաստանի կողմից շահին նոր պատերազմ հայտարարելու վտանգը կստիպի իրանական կառավարությանը հանձին Թուրքիայի փնտրելու հուսալի դաշնակցի: Այդ ենթադրություններն ստացան շոշափելի կերպարանք մանավանդ այն բանից հետո, երբ կովկասյան իշխանությունները մերժեցին Աբբաս միրզային մեկնել Պետերբուրգ ներողություն խնդրելու և վտանգավոր դիպվածը խաղաղ ձևով կարգավորելու համար:

Իսկապես, Աբբաս միրզայի Պետերբուրգ մեկնելու մերժումը ստիպում էր իրանական կառավարող շրջաններին եզրակացնել, որ պատերազմը Ռուսաստանի հետ անխուսափելի է: Որոշվեց հնարավորին չափ նախապատրաստվել դրան: Աբբաս միրզան Ատրպատականում անմիջապես ձեռնամուխ եղավ զորահավաքի: Թեհրանում այդ նույն բանը սկսեց անել արքայազուն Հասան Ալի միրզան: Ընդ որում, ռուսների տեղեկությունների համաձայն, այդ գործին անմիջական մասնակցություն էր ցուցաբերում Ջ. Մակդոնալդը²¹⁹, Կոստանդնուպոլսում հայտնի դարձավ, որ Աբբաս միրզան դեմ չէ Թուրքիայի հետ կնքելու ռազմական դաշինք²²⁰: Շուտով Պերթե փաշան և Մեհմեդ Շիրվանին ձեռնամուխ եղան այդ դաշինքի պայմանները մշակելու գործին²²¹: Թավրիզում հայտնեցվեց դեսպանորդի լիազորություններով օժտված Թուրքական մի գործակալ, որը, Շիրվան քաղաքի պարետի տեղեկությունների համաձայն, իր կառավարության անունից խոստանում էր «հատկացնել Ռուսաստանին վճարված ողջ գումարը և դրան ավելացրած նաև 10 քուրուր, ինչպես նաև ետ վերադարձնել բոլոր կորցրած հողերը»²²²:

²¹⁸ А. С. Семенов, *изд. 2-е*, էջ 136:

²¹⁹ «Кавказский сборник», т. XXX, стр. 154.

²²⁰ Նույն տեղում, էջ 152—157: Архив Раевских, т. I, СПб., 1908, стр. 438.

²²¹ Архив Раевских, т. I, стр. 435; АВПР, ф. «Посольство в Париже», оп. 524, д. 86, лл. 2-4--245.

²²² G. F. Costello, The murder of Griboedov, „Oxford Slavonic papers“, vol. VIII, 1958, p. 81: АВПР, ф. „Главный архив“. 1—9, д. 13, ч. IX, л. 132 об.

Այս բոլորի հետ միաժամանակ երկյուղ կրելով, որ Ռուսաստանի սպառնալիքի ներքո շահը կարող է հրաժարվել Բուրքիայի հետ համագործակցելու մտադրությունից, 1829 թ. փետրվարի վերջին թուրքական թանակը կովկասյան ճակատում անցավ հակահարձակման, պաշարելով Ախալցխայի ամրոցը և փորձելով Բորժոմի կիրճով ներխուժել Վրաստան²²¹։

Այդ միջոցառման պահը ընտրված էր ոչ պատահականորեն։ Այդ առթիվ Բ. Պ. Բալայանը իրավացիորեն նշում է, որ դա թուրքերի ռազմական մի ցույց էր, որը նախատեսված էր նրա համար, որ ղաշաբնե-րին մղեն պատերազմի Ռուսաստանի դեմ և կամ արագացնեն նրանց Լլուլթը ձմեռային պայմաններում, երբ թուրքերը չէին ցանկանում կռվել²²¹։

Սակայն թուրքական «հակահարձակումը» ոչ միայն չարդարացրեց իրեն, այլ ավելի շուտ տվեց հակառակ արդյունք։ Այն ավարտվեց թուրքերի կատարյալ պարտությունով և նահանջով, որը չէր կարող չսասանել շահի և Աբբաս միրզայի մտադրությունները։

Առավել ևս Բուրքիայի դեմ նոր խոշոր մասշտաբի ռազմական գործողություններ ծավալելու նախօրյակին, չցանկանալով սրել իր հարաբերությունները Իրանի և Անգլիայի հետ, Պետերբուրգը գիտակցաբար աշխատում էր ցույց չտալ, որ 1829 թ. փետրվարի 11-ի իրադարձությունն ինքը համարում է քաղաքական ակտ։ Նույնիսկ հրամայված էր արձանագրել, որ Իրանում անգլիական ներկայացուցիչները առնչություն չեն ունեցել ռուսական դեսպանի սպանության գործին²²²։

Իրենց համար ստեղծված անցանկալի դրությունն ուղղելու համար թուրքերը ստիպված եղան շտապ կարգով Աբբաս միրզային հատկացնել խոշոր գումար, իսկ անգլիացիները դրան ավելացրին 10 հազար հրացան։ Սակայն այդ աննշան միջոցառումները այլևս ի վիճակի չէին փոխելու շահական արբունիքի և Աբբաս միրզայի սասանված վստահությունը թուրք-իրանական համագործակցության ապագայի նկատմամբ։

Ստեղծված իրավիճակում ղաշաբները որոշում են դիմել երկակի խաղի։ Մի կողմից նրանք հավաստիացնում են թուրքերին, որ ռազմական նախապատրաստություններից հետո անմիջապես ելույթ կունենան ռուսների դեմ, իսկ ռուսներին հայտարարում են, որ շուտով Պետերբուրգ են ուղարկելու դեսպանություն Գրիբոյեդովի սպանության առթիվ

²²¹ ЦГИА. Груз. ССР, ф. 1025, оп. 3, д. 100, л. 201.

²²² Б. П. Балаян, *уշվ. աշխ.*, էջ 268։

²²³ И. О. Попова, Грибоедов-дипломат, Москва, 1964, стр. 202—204.

ներողություն խնդրելու համար: Նույնիսկ Աբրաս միրզան սկսում է հավաստիացնել Պասկելիին, որ ինքը պատրաստ է պատերազմ սկսելու թուրքերի դեմ, եթե Ռուսաստանը իրեն հատկացնի հրետանի և 10 հազար հրացան²²⁶:

Կովկասի և Պետերբուրգի ռուսական իշխանությունների համար դժվար չէր կռահել շահական կառավարության այս երկակի խաղի իմաստը: Նիկոլայ I-ը հրամայում է Պասկելիին գործել ավելի վճռականորեն, կանխելու համար անցանկալի թուրք-իրանական դաշինքի ստեղծման հավանականությունը: Գլխավոր հրամանատարը անմիջապես ըսկըսում է ճնշում գործադրել շահական կառավարության վրա, սպառնալիքի հետ միաժամանակ օգտագործելով նաև համոզման մեթոդը: Այդ նպատակով նա 1829 թ. ապրիլի 10-ին Թավրիզ է ուղարկում իր համհարզ իշխան Կուդաշևին, որին հանձնարարվում է Աբրաս միրզային հանձնել իր նամակները և բանավոր իրականացնել Պասկելիի հրահանգները:

Այդ նամակներում սպառնալիքի շեշտը դրվում էր երկու հարցի վրա. Գրիբոյեդովի սպանությունը և թուրքերի հետ դաշինք կնքելու ցանկությունը: Պասկելիը սպառնում էր զորքեր շարժել դեպի Իրան և մեկ տարվա ընթացքում վերջ տալ դաշարների դինաստիային: Այնուհետև նա համոզում էր տուրք չտալ թուրքերի և անգլիացիների խորհուրդներին, խոստանում էր զինել իրանական բանակը, եթե Աբրաս միրզան համաձայնվեր հարձակվելու Վանի վրա:

1829 թ. ապրիլի 29-ին Կուդաշևի հետ հանդիպման ժամանակ գահաժառանգը աշխատում է արդարացնել իրեն, հայտարարելով, որ «դրդվելով թուրքերի կողմից և հույսը դնելով անգլիացիների խոստացած թնդանոթների, արկերի և հրացանների վրա, շահի բազմաթիվ որդիները և Թեհրանի արքունիքը առաջարկել են շահին, օգտվելով թուրքական պատերազմից՝ ներխուժել Ռուսաստանի սահմանները»²²⁷: Այնուհետև նա ավելացնում է, որ ինքը վճռականորեն դեմ է Ռուսաստանի հետ պատերազմին և եթե շահը, հակառակ դրան, սկսի այն, ինքը ոչ միայն մասնակցություն չի ունենա, այլև կհեռանա Իրանից:

Այդ զրույցի ընթացքում գահաժառանգը հայտնում է նաև, որ ինքը մերժել է Թուրքիայի կողմից արված դաշինքի առաջարկը և հաճույքով նրա դեմ կսկսեի պատերազմ, սակայն դրանից իրեն հոտ է պահում Անգլիայի դիրքը, որը ելնելով իր առևտրական շահերից, այդ պատերազմ-

²²⁶ *Տե՛ս «Кавказский сборник», т. XXX, стр. 153.*

²²⁷ ЦГИА, ф. 1018, оп. 2, д. 418, л. 4 об.

մում կօգնի Թուրքիային և նույնիսկ հնարավոր է, պատերազմ հայտարարի Իրանին:

Իր այս հայտարարությունների անկեղծությունը կասկածի տակ չդնելու և ռուսների վստահությունը շահելու համար Աբրահա Միրզան, նույնիսկ, խնդրում է երաշխիք տալ, որ անգլո-իրանական պատերազմի դեպքում Ռուսաստանը ռազմական օգնություն ցույց կտա Իրանին, ընդհուպ մինչև նրան զորքեր հատկացնելը²²⁸:

Իսկապես, Աբրահա միրզայի դրությունը ծանրանում է նրանով, որ մի կողմից նրա վրա ճնշում էր գործադրում Ռուսաստանը, իսկ մյուս կողմից սպառնում էին Թուրքերը և անգլիացիները: Սուլթանն, օրինակ, սպառնում էր պատերազմ հայտարարել Իրանին, եթե Աբրահա միրզան դեսպանություն ուղարկեր Պետերբուրգ ներողություն խնդրելու համար, իսկ բրիտանական դեսպանորդը հայտարարում էր, որ այդ դեպքում ինքը անհապաղ կհեռանա Թավրիզից, որպեսզի ուժեր համախմբի Աբրահա միրզայի դեմ²²⁹:

Մեկ օր անց Կուղաշկի հետ հանդիպում է ունենում Աբրահա միրզայի դամադամ միրզա Աբուլ Ղասեմ Ֆարրախանին, որի միսիան վերին աստիճանի նրբին էր: Նախ նա ժխտելու էր Թուրքիայի հետ դաշինքի վերաբերյալ հարցը և այնուհետև հասկացնելու էր Կուղաշկին, որ Իրանը ցանկություն չունի պատերազմելու Թուրքիայի դեմ: Ֆարրախանին հայտարարում է, որ Աբրահա միրզան բանակցություններ է վարում Թուրքիայի հետ ոչ թե դաշինք կնքելու նպատակով, այլ որպեսզի նրանք վերադարձնեն Ուրմիայի շրջանում գրաված իրանական տերիտորիան: Եվ խորամանկորեն ավելացնում է, որ, իհարկե, եթե զահաժառանգը այդ հարցում դիմեր Անգլիայի օգնությանը, վերջինս անտարակույս կստիպեր սուլթանին Իրանին վերադարձնել իր տերիտորիան²³⁰:

Այսպիսով, գործը ներկայացնելով այնպես, որ Իրանը Թուրքիայի հետ չունի լուրջ տարաձայնություններ, այլ միայն նրանց միջև առկա են աննշան սահմանային վեճեր, Աբրահա միրզան ժխտում է Թուրք-իրանական ռազմական դաշինքի կնքման հարցը և, ամենակարևորը, մեղժում Ռուսաստանի առաջարկը պատերազմ սկսելու Թուրքիայի դեմ:

Բրիտանական դիվանագիտությունը, որն, անշուշտ, հետևում էր ռուս-իրանական այս բանակցություններին, վախենալով, որ Ռուսաս-

²²⁸ ЦГИАЛ, ф. 1018, оп. 2, д. 402, лл. 1—4 об. 8իտված է ըստ Б. П. Балакхан, *Նշվաշխ.*, էջ 271:

²²⁹ АКАК. т. VII, стр. 701.

²³⁰ Նույն տեղում:

տանի ճնշման ներքո կարող է ստեղծվել հակաթուրքական ռազմական մի կողալիցիա Ռուսաստանի, Իրանի և Միջագետքի հակաթուրքական տրամադրութիւններ ունեցող արաբական շեյխերի և Սուլեյմանիեի քուրդ փաշայի մասնակցութեամբ, անմիջապէս Պետերբուրգում հարցում է արվում նեոսեւրոդենին, պահանջելով բացատրել, թե ինչ նպատակներ են հետապնդում Կուղաշէի միջոցով Աբբաս միրզային հանձնված Պասկելիչի նամակները: Սակայն այդ հարցումը ոչ մի պարզութիւն չմտցրեց անգլիացիների ունեցած կասկածների մեջ, որովհետև նեոսեւրոդենն պատասխանեց, որ Պետերբուրգի կաբինետը դատապարտում է Պասկելիչի նամակների բովանդակութիւնը:

Շուտով Կոստանդնուպոլսում հայտնի դարձավ, որ Աբբաս միրզան իր որդի խոսրով միրզայի գլխավորութեամբ հատուկ դեսպանութիւն է ուղարկել Պետերբուրգ, Թեհրանում ռուսական միսիայի ջախջախման առթիւ ներողութիւն խնդրելու համար: Այդ լուրը սուլթանական արքունիքում առաջ բերեց զայրույթի պոռթկում, մանավանդ որ այդ օրերին անտեղյակ լինելով Իրանում տեղի ունեցած վերջին դեպքերին, շահի ներկայացուցիչ մուլա Շարիֆը Թուրքիայի հետ արդեն կնքել էր դաշինքի վերաբերյալ համաձայնագիր²³¹:

Օսմանյան կայսրութիւնում ծայր առավ հակաիրանական գործողութիւնների մի ալիք: Մասնավորապէս թուրքական իշխանութիւնները ձերբակալեցին իրանական վաճառականներին և բռնագրավեցին նրանց գույքը: Ի պատասխան շահական կառավարութեան բողոքների, Դիվանը հայտարարեց, որ ինքը տեղեկութիւններ ունի այն մասին, որ իբր Իրանը խոսրով միրզայի գլխավորութեամբ զորքեր է ուղարկել Անդրկովկաս, որոնք ռուսական զորքերի հետ համատեղ կռիւլու են Թուրքիայի դէմ:

Գիտակցելով, որ թուրք-իրանական հարաբերութիւնների այս լարվածութիւնը կարող է ունենալ անցանկալի հետևանքներ և ձգտելով ժամանակ շահել մինչև ամառ՝ պարզելու համար, թե ինչով կավարտվեն ռուս-թուրքական պատերազմի ամառային գործողութիւնները, որից կխալված էր Թուրքիայի հետ իրական ռազմական համագործակցութիւն հաստատելու վերջնական որոշման ընդունումը, Ֆաթհ Ալի շահը որոշեց որոշ չափով մեղմացնել թուրքերի զայրույթը, նրանց մատուցելով մի սուտ և իրականութեանը չհամապատասխանող հայտարարութիւն, իբր Մարազայում կենտրոնացված իրանական զորքերը պատրաստ են հո-

²³¹ Տե՛ս А. П. Щербаков, նշվ. աշխ., հ. 3, հավելված, էջ 74—75:

դուտ Թուրքիայի ռազմական գործողութիւններ սկսել Ռուսաստանի դեմ²²։

1829 թ. սեպտեմբերի 2-ին պարտված Օսմանյան կայսրութիւնը ստիպված էր ստորագրել Ադրիանոպոլսի հաշտության պայմանագիրը։ Այսպիսով, ռուսական զինքի փալլուն հաղթանակը Թուրքերի նկատմամբ կատարյալ ձախողման մատնեց Մեծ Բրիտանիայի փորձերը Ռուսաստանի դեմ Մերձավոր և Միջին արևելքի երկու մահմեդական պետութիւնների բլոկ ստեղծելու ուղղութիւնով։

Թուրքիայի պարտութիւնը 1828—1829 թթ. ռուս-թուրքական պատերազմում միաժամանակ ունեցավ այն հետևանքը, որ Իրանը վերջնականապես հրաժարվեց Օսմանյան կայսրության հետ ռազմական դաշինք կնքելու և Ռուսաստանի դեմ նոր, երրորդ պատերազմը սանձազերծելու մտադրութիւնից։

В. А. БАИБУРТЯН

ТУРЕЦКО-ИРАНСКИЕ ОТНОШЕНИЯ В ПЕРВОЙ ТРЕТИ XIX В. И ВЕЛИКИЕ ДЕРЖАВЫ

Резюме

В статье освещаются вопросы межгосударственных отношений Османской империи и Ирана в период русско-иранских войн 1804—1813 гг. и 1826—1828 гг. В частности показывается, что наряду с Великобританией и Францией, которые, исходя из своих колониалистских целей на Ближнем и Среднем Востоке, провозгласили русско-иранские и русско-турецкие вооруженные конфликты и войны, Османская империя также принимала активное участие в обострении русско-иранских отношений. В связи с этим подробно исследуются вопросы, связанные с попытками организации турецко-иранского военного союза против России и выясняется роль европейских держав, в частности Англии и Франции, в деле формирования подобных союзов.

Особое внимание уделяется освещению турецко-иранской войны 1821—1823 гг. и выяснению острой дипломатической борьбы между великими державами вокруг этого вооруженного конфликта.

Статья написана на основе архивных материалов, официальных публикаций, разноязычной литературы и прессы.

²²² «Кавказский сборник», т. XXX, стр. 186.